

大清郵政特准掛號認爲新聞紙類

東方雜誌

第四年 第七期



光緒三十三年七月二十五日發行

東方雜誌第七期目錄

圖畫

衍聖公孔上公令貽

蒙古喀喇沁親王

會稽蘭亭

漢陽晴川閣

社說

選論附

論消融滿漢之政策 本社撰

始笑

論移民實邊之不可緩 本社撰

始笑

關天 錄丁未五月二十八日神州日報

公私辯 錄丁未六月初一日京報

論中國治亂與人口之關係 錄丁未六月十一日申報

論中國救亡之策 錄丁未七月初一日中外日報

諭旨

六月全

內務

目錄

中國將來議院制度之問題 錄丁未五月十五日時報

論國民法律上之地位 錄丁未五月二十三日時報

軍機處陸軍部會奏核議陸軍部官制並酌擬辦法摺

考察政治館奏議覆御史趙炳麟奏請改給事中為殿

中侍御史摺

民政部奏請釐訂民律摺

民政部奏請查戶口以舉民政摺

民政部奏請通飭各省酌裁民壯募練巡警摺

度支部外務部吏部陸軍部民政部奏議覆駐藏大臣

聯奏陳藏中擬辦事宜摺

學部陸軍部會奏議覆前商約大臣正黃旗蒙古都統

呂奏舉行新政宜防隱患摺

法部大理院會奏遵 旨和衷妥議部院權限摺

前修律大臣大理院正卿沈奏請實行改良監獄摺

各省內務彙記

京師 直隸 奉天 吉林

黑龍江

論徵兵宜先行之山僻各州縣 錄丁未六月二十一日京報

丁未

陸軍部奏第三鎮退伍外籍兵丁擬暫酌照定章變通辦理摺

陸軍部奏議覆旗營官員展緩軍政並撥給槍枝勒限演習摺

兩江總督端江西巡撫瑞澂奏津鄉匪亂匪肅清摺

前署閩浙總督崇奏籌練常備軍乙協情形摺

前兩廣總督周奏陳辦理黃岡亂事情形摺

山東巡撫楊奏增兵剿辦曹屬盜匪並彙報新募改編各營數目摺

各省軍事紀要

直隸 奉天 黑龍江 山東

江西 安徽 浙江 廣東

各國軍事紀要

日本 俄 德 英

教育

論女學宜先定教科宗旨 越丁未三月二十八日南方報

商業教育 上海高等實業學堂教習美國師來西撰

學部奏議覆修理各州縣學宮情形摺

學部等會奏議覆河南巡撫張奏請速定學律摺

學部奏詳擬師範獎勵義務兩項章程摺 奉 硃 批

學部等會奏遵議廢生入學期限摺

學部奏議覆中西醫學分科肄習摺

學部奏改定順天學堂等級釐訂辦法摺

學部奏議覆兩江總督端等會奏擬建南洋大學堂摺

農工商部奏議覆出使義國大臣黃奏請 飭各省廣設機器學堂摺

浙江道監察御史王侍御步瀛奏請飭直隸山西山東河南陝西合辦河北實業學堂摺

日本文部大臣改正小學學制訓令

各省教育彙誌

京師 奉天 吉林 黑龍江

山東 山西 河南 江蘇

安徽 江西 浙江 廣東

湖北 湖南 陝西 甘肅

新疆 四川 廣東 廣西

各省游學彙誌

京師 直隸 奉天 江蘇

江西 廣東
各省報界彙誌

京師 奉天

山東 山西

浙江 福建

僑民興學彙誌

留法學會紀聞

各國教育彙誌

日本 阿查汗

俄 英 德

各國游學彙誌

暹羅 德

各國報界彙誌

日本 英

日人尊孔

美報特色

交通

論鐵路國有主義與民有主義之得失 錄于未四月二十日南方報

郵傳部會同度支部農工商部議覆前署黑龍江將軍

程奏請創修江省鐵路摺

福建全省鐵路路線說帖

萬國無線電信協約

各省鐵路彙誌

直隸 山東

浙江 湖北

河南 江蘇

宗教

論消釋教案之機會 錄于未三月初七日南方報

宗室熙鈞請收回教權上那中堂血書

浙江湖州海島案議結合同附海島案始末略記

各省教務彙誌

河南 江蘇

浙江 福建

雲南 貴州

各國教務彙誌

日本 波斯

英 美 義 法

小說

筆記 黑幻像

雜俎

光緒三十三年六月中國事紀

丸補色紅生醫大士廉韋



症重虛血翁泉錫甘愈醫

德等二天 甘君錫泉南洋四州府鐵路公司之站長也司理大山脚全站事務
 日前有恙深得韋廉士大醫生紅丸之功用是以前弟氣血兩衰精神日短毫無生人之趣神和可知辦事維艱故對人云請假數年
 於行動血色全無加以氣穢臭則臟腑不一試其妙服了兩瓶之後便覺功效顯
 然用是安心連服則見氣血日長形神日充而全體安矣且其再生之德實韋廉士
 韋廉士大醫生紅丸之功用是以前弟氣血兩衰精神日短毫無生人之趣神和可知辦事維艱故對人云請假數年

發熱下痢感冒之後精神未復須調補者均宜感受煙瘴未老先衰肝木不和遂
 服隨見功效萬無一失男子操勞過度酒色傷身居處不潔者尤宜各處
 藥店均有發售或直向石叻海邊第一度吊橋脚韋廉士大醫生紅丸總藥局探買亦可
 丸每樽價銀一元五角每六樽價銀八大元又係英商之業合併聲明
 丸乃英國名醫數十年考究獨得之祕而本藥局又係英商之業合併聲明

大醫生紅丸之功用是以前弟氣血兩衰精神日短毫無生人之趣神和可知辦事維艱故對人云請假數年
 莫可為報爰贅一言用彰感德○按甘君之
 乃血虧之症也韋廉士大醫生紅丸之功用是以前弟氣血兩衰精神日短毫無生人之趣神和可知辦事維艱故對人云請假數年
 故頭能專治一切食積不化此因有血力
 虛頭痛四肢無力未老先衰肝木不和遂
 脚氣衝心 感受煙瘴未老先衰肝木不和遂

衍聖公孔令公上孔公聖衍




王 親 沁 喇 喀 古 蒙



會稽蘭亭



漢陽晴川閣



社說

選論附

論消融滿漢之政策 本社撰稿

吾國憲政之不克成立。其原因至爲複雜。而滿漢之爭。不相下實爲其莫大之總因。此其故。人人能知之。而無一人焉敢昌言之。至於今日。上下相持。乃成此猜沮危疑之現象。机隲之情。幾於不可終日。幸也。天誘其衷。調和兩造之言。乃出自九重之綸綽。斯亦可媲美奉天之德音。而幾幾乎成湯之六事矣。顧茲事體大。終非臣工之所敢言。卽言之亦未敢遂盡其說。安危存亡之機。惟在聖衷之獨斷耳。

今夫滿漢之爭。有激於時政者。有存於心理者。激於時政者。以滿漢官職禮數之不平。等而生其不平之心者也。大抵以讀書仕宦之人爲最多。而中下流之人物。不與焉。存於心理者。則國初兵火屠戮之慘。與夫雍髮易服之孥戮戶誅。有以貽之。幾幾徧山陬海澨之倫。靡不深印於腦筋。而無時忘之。彼亂黨之生。心行事。靡不揭槩。以上所言。用以煽惑人心。激其思亂之氣。明詔特頒。亦不過慮內患之頻仍。而思有以消弭之耳。記者獨以爲內亂之興。猶未爲大患也。所最可危者。種族之界限。不融勢必使人人心目中。視國家之與己。毫末不相。

社說

論消融滿漢之政策

一百十七

丁未



城屬如秦越人之肥瘠相對。漠然無復喜戚於其心。艱難危急之秋。有委而去之已耳。蓋變之起於暴動者。猶可怵以刑威而變之。出於離心者。魚爛而亡。雖上智亦無能爲計也。然則思患豫防。其可無非常之舉動。以收拾已換之人心也耶。

所謂非常之舉動者。奈何。則以漢姓易滿姓也。罷旗兵歸民籍也。裁滿官也。易辮髮也。此皆非常之舉。而可以震動薄海之人心者。識時之哲。亦既盡言。而無煩記者之喋喋矣。顧猶有不能已於言者。則以時局之艱危至此。而朝廷尙遲疑審顧。不敢從事於改革者。豈其真有猜忌漢族之見。安其危而利其亡哉。毋亦大命所關。有不敢輕於嘗試者耳。今夫以少數之民族。而欲競存於多數民族之中者。必其種人才勇智慧。有以高出乎土著之上。而又有特別殊異之點。有以固結精神於無形之表。然後足以久存。而不爲多數之所同化。今滿族之才勇智慧。視漢族高下如何。卽素持排漢爲宗旨者。度亦未敢自信矣。況其教宗文化關係於無形之精神者。久已水乳交融。莫可分析。而豐沛故墟。又爲羣雄逐鹿之場。非如有元末造中原雲擾。和林大漠安然無恙。猶可立國者比。而顧忘窮變通久之箴。驚虛名而受實害。夫亦所計之未審矣。

持反對之說者。必且以紛更祖制爲反曆之稽。夫措天下之大事者。不惟其迹。而惟其勢。

苟其勢之既窮。正不當拘膠柱鼓瑟之見。昔

世祖之始入關也。洛邑頑民。南州羣彥。

並皆翱翔清近。不存形迹。開創規模。固已有大一統之略。惜其時睿王輔政。不克竟厥設施。而孝陵又早棄天下。議政大臣。狃於私見。撰擬遺詔。託諸天語。至以揚漢抑滿。引咎自責。此後遂無敢以消融滿漢爲言者。二百年來。種族之相持。蓋有由矣。西哲之言曰。改革之事。如轉巨石於危厓。不達實地。不止。方變法之初議也。守舊自封者。何嘗不事事託諸祖制。以閒執人口哉。然而數年來。學堂開矣。貢舉罷矣。官制更矣。獨此種族一事。爲臣工所不敢言者。甚天之謀。詔出禁近。亦可見天演公例之不可違。而人力強持之無用矣。與其守己自是。而徒留遺憾於人心。何如改絃更張。而顯示大公之無我。易曰。自天祐之。吉無不利。言善變也。當國者。尙其深體斯言。而毋恃粉飾模稜之故智哉。

論移民實邊之不可緩 本社撰稿

哈笑

徙民實邊。爲今日第一要計。蓋國家既無多財力。以爲經營八表之資。則移內地之羨民。以實邊方之曠土。既可省籌邊之費。且可減內地人滿食寡之虞。一舉而三善備焉。乃觀於政府邊帥所汲汲者。惟是外交練兵二事。而根本之謀。忽焉不講。此豈長治久安之策也耶。邇者日俄協約之發表。已明明以保全內外蒙古爲辭矣。此後邊患之棘。當日甚一日。綢繆桑

土之謀。尙可稍緩於須臾耶。今試舉徙民實邊之利。蓋有三焉。曰農。曰商。曰礦。是已。東三省全部。土壤膏腴。土泉布濩。誠農業之國也。以絕瘠荒寒之西伯利亞。而俄人百計經營。開墾阡陌。不惜擲黃金於虛牝。況以東三省之沃土。彼肯須臾而忘南略哉。日本地狹人稠。昕夕謀殖民於大陸。戰勝以後。度支竭蹶。不克酬還國債。所以慰勞其國民者。實指東三省。以爲常山寶符。俾自覓之。其心營目注。概可識矣。而吾猶偃然高臥。弗思急起直追。數年以往。白山黑水之墟。其執耰鋤而緣南晦者。非紅鬚碧眼之斯拉夫人。卽短小精悍之大和民族耳。蒙古雖龍沙萬里。而沃壤要自不乏。如烏梁海唐努山之陽。及河套千里。尤其著也。新疆北路磽确。而天山以南。土膏沃衍。內地殆無其比。瓜蘇之屬。碩大數倍。稻脂香勝江浙。倘吾不急自爲謀。他日者。悉羅刹之禁鬻耳。

吾國商工之業。無事不見絀於外人。而沿邊城市。乃彌甚者。則以篤遠窮荒。土人既不諳製造。而商力之薄弱。更數倍於中區。且外人勢力之張。亦較內地爲倍易也。自西伯利亞鐵道之成。吉黑兩省商業。乃盡入俄人之囊括。重以日軍戰勝。竭全國之力。設兩大會社。以經營製造土貨。且設立銀行。發行鈔幣。以操金融之關鍵。西北一面。則東起庫倫。西訖伊犁。名城巨鎮。無慮數十。而皆恃俄商爲轉運之樞。洋貨充斥市肆。時價之廉。且倍蓰於晉豫秦隴。是

悉從俄境輸入者也。吾國商民猶忽不加察任外力之內侵而毫不謀所以抵禦者豈不謬哉。

吾國礦產之富。北勝於南。而尤以塞外爲最。西起天山之麓。東訖勃海之濱。綿延二萬餘里。悉千古未開之富源也。國人既絀於財力。束於官禁。不得任意開采。而外人乃得紛而奪之。今什之五六。已非復吾家故物矣。日人以勝俄之故。由間接以獲撫順煙臺兩地煤礦。遂沾沾自喜。以爲樸資茅斯之約。雖未索取償款。其實計兩礦所得。已抵償款之全數而有餘。是可知其利源之厚矣。今漠河金礦之以訟直收回者。尙未能全恢自主之權也。國家既困於資力。而無暇及此。邊人又不能自謀。使非合內地之人力財力以共擔任之。幾何其不淪胥以鋪也。

吾國之開邊也。第以逞世主之雄心。而非爲斯民之大計。故拓土愈廣。則帑藏愈虛。後之儒者。遂以開邊爲大戒。而殖民之學說。乃絕迹於中土。當光緒初元。收復新疆之時。固有以開關棄地爲上策者矣。今之竭力以收還東三省者。豈有他哉。不忍棄祖宗發祥之地耳。壤地既還。則上下相慶。以爲金甌無缺。從此可復吾治理之權矣。而豈知彼族所心摹手追者。固在彼而不在此哉。徙民之議。發於伊犁將軍。而中朝士夫。亦有識時之彥。起而和之者。遠猷。

頑。畫。計。固。無。逾。於。此。築。室。道。謀。卒。用。不。集。而。日。俄。協。約。已。咄。咄。逼。人。而。至。矣。籌。安。邊。之。策。者。不。識。何。以。持。其。後。也。

闢天錄丁未五月二十六日神州日報

天也者。不得已之代名詞也。今吾國憂時之士。痛國勢之弱。而外侮之乘也。則日奔走號於人曰。是宜改革政體。是宜改革宗教。是宜改革風俗學術。不如是者。種且滅。國且分。日持此義。以號於衆。一若爲救中國之第一義諦者然。天僂生曰。唯唯。否。否。吾儕今日不欲救國。則已。吾儕今日而欲救國。則一切改革。皆次也。當先自革天始。

天可革乎。曰。可。吾國數千年來。政治之墮落。學術之腐敗。風俗宗教之偷窳。何以故。以人心目中。有一天之見。故夫天也者。與人治不並立者也。既有一天之見。存以致種。迷信之根。爲思想之障礙。驟進取之心。舉凡無可歸宿者。皆舉而歸之於天。人治之力。微而天行之力。大。虛空界有權。而人事界無權。而人人遂無一不爲天之奴隸。不破其惑。而啟其迷。吾國且終不可救。是故革天者。乃救吾中國之不二法門也。

天之觀念。何自生。曰。生於迷信。天之名詞。何自始。曰。始於九經。吾生平崇拜孔子。獨至孔子之言。天則吾不取焉。九經皆孔子手訂之書也。經之言曰。天之所廢。誰能興之。曰。獲罪於天。

無所禱也。則以賞罰之權歸諸天矣。曰：天何言哉？四時行焉，百物生焉。曰：天視自我民視，天聽自我民聽。則以天爲有。意思有行爲矣。曰：無曰：高高在上，陟降厥土，日監在茲。則以天爲真能監督衆生矣。夫原人時代文化未開，不得不稱天而治。凡帝王位曰：天位。討曰：天討。祿曰：天祿。在在稱天以臨民。人民間接受天之統治。君主則直接受天之統治。古今遞遷，相沿不改。是利在一時者，乃害及萬世。卽孔子修春秋，以天統君，欲使君受治於天。雖存救世之心，亦屬誣天之學。餘若墨翟若鄒衍若老莊若秦宓其論更荒誕不足觀。吾以爲古之言天者，莫善於申包胥。包胥之言曰：人定者勝天。此則以人治勝天行，與西儒天演家言如出一轍。其次則鄭子產。子產謂天道遠，人道邇。再次則董仲舒。仲舒謂言天必驗，之人皆信人而疑天不可不謂爲思想之進步也。至屈原作天問，已漸疑天之不可信。然彼之所以疑問者，實以一己事非其主欲假此以鳴其不平爲箇人之思想，非普通之觀念。至於一般社會則上而君主下而庶民，無老無幼無尊無卑，自古迄今無不以靠天爲惟一之目的。夫以數萬萬里之大數百兆民之衆，而惟以靠天爲事，人人腦海中既惟知有天，則人人心目中自不知有我。至無可如何力不能逮之事，不知理由不求爭競舉而歸之於天。若曰：某也富貴，天相之某也貧賤，亦天爲之。某某事成，天也。某某事敗，亦天也。由前之說，是以成功

者。有。天。命。所。歸。之。說。而。奸。猾。者。生。徼。倖。之。心。矣。由。後。之。說。是。以。事。敗。者。有。此。天。亡。我。之。言。而。失。敗。者。無。恢。復。之。念。矣。因。是。種。種。而。吾。國。社。會。乃。生。二。大。弊。一。曰。愚。者。信。天。之。弊。二。曰。黠。者。欺。天。之。弊。

吾國之言天者。以福善禍淫四字為最高尚最圓滿之理論。使天而有知。善無不勸。惡無不懲。數千年來。吾國應久臻大同之治。則古者葛何為札。誰何為繇。顏何為而貧。跖何為而富。吾國言天者。非不知之。而又為遁詞。曰。君子論理。不論數。理不能與數爭。以為解脫之地。夫使普天下之人。能因此一言相率而行善而去惡。亦未始非維持道德之一法。然而吾觀鄉曲之婦。鄙陋之夫。其所行為之背天理而違天道者。不一而足。而獨至於媚佛拜神。愛五穀。惜字紙。諸事。則兢兢焉。惟恐或後。彼其人者。其生平為惡之罪。固有十倍於不媚佛不拜神。不愛五穀。不惜字紙者。舉悍然不顧。惟其小者是圖。彼固非不知也。彼以為吾雖有罪。吾誠能一媚佛一拜神。一愛五穀。一惜字紙。則無論若何之罪孽。彼蒼將赦我。宥我。然則吾國社會之所以敬天畏天者。在古人以天為恐懼進德之資。在今人則以天為解免罪愆之用。吾為此言。吾非漫焉云云也。吾蓋實見夫吾國社會有極惡之人。而其敬天畏天。轉較不惡者為甚也。此所謂信天以自欺者一也。

凡專制之國。皆言神授。君權東西史書。如出一轍。中國之君。自稱天子。其意以爲天者。君之護符。君者天之代表。若一天也。天不可犯。即君不可犯。犯君者。天必殛之。日持此說。以愚其民。民亦莫之敢抗。是吾國歷代專制帝王之所以有恃無恐。而政體之不能進化者。皆天爲之也。此猶就在上者言之也。叔季之世。民靡所得食。其奸黠不逞之徒。知君之慣以天愚民。亦往往從而效之。以售其詐。小則假天以斂錢害人。羣之進步。大則稱天以謀亂。壞全國之治安。遠則如張角之天降妖書。近則如洪楊之稱說天父流風。所致庚子一役。義和團以天滅外人爲口實。幾致亡國之禍。推求原因。實在於此。此所謂稱天以欺人者。又一也。觀於此。則吾國因崇尚無憑之天道。而敗壞有定之人道。因信天之故而後。有掩飾心有作僞。心有媮惰。心有微倖。心政治由此廢。學術由此阻。風俗宗教由此壞。徵歟。悲哉。吾誠不料吾國之亡。乃亡於天也。今科學大明。人智日進。達爾文首倡天擇物競之說。謂天行之酷。當以人治救之。其說與吾國正相反。欲救吾國。當以此說爲天下倡。使社會棄虛而求實。則吾國信天之禍。其有夥乎。嗚呼。是在吾同胞有志之士矣。

公私辯 錄丁未六月初一日京報

公私二字。對待之詞也。然以中西文義而言。其分別界限。則各有不同。中文之公私也。有不

必綴以他名而已爲善惡之定詞者。如言其人行事極公極私之類。則爲西文所無。有爲善惡未定之詞者。如言公事私事。則近於西文之言公德私德。有綴以一定之惡名詞者。如言公罪私罪之類。則西文亦有之。然雖同一言公罪私罪。而其實則異。就中文言之。凡行事之失。而由於一己者。則爲私罪。若不由於己而行事之人。應受己所監督者。則爲公罪。以西文言之。凡事之損礙及於一羣。而初不專爲一己計者。則爲公罪。若本爲一己計。而影響及於一羣者。則爲私罪。至於公事私事公德私德之言。則更有異同之處。中文類於事之涉及政界者。方稱爲公事。而於箇人之交涉。則概謂之私事。西文不然。必其事之範圍僅在於一己。而於人絕無關係者。方稱爲私德。若已爲箇人之交涉。而彼一方面已受其利害推之一羣。亦可受其利害。則必概之於公德。是以中文之言公私也。專就其事之爲一羣爲一己之原因言之。西文之言公私也。必兼就其事之爲一羣爲一己之效果言之。此其異同之點也。然就原因言。則本可謂之公也。得以輾轉遁飾而入於私。私之範圍較大於公。就效果言。則本可謂之私也。得以反覆推闡而入於公。公之範圍較大於私。然中文一語及私。卽已鄰於惡。故每不肯昌言之。西文則以評論箇人之私德。卽爲侵礙箇人自由之權。故一言私德。卽可任其自便。自歐化東漸。吾國人樂其言私德之可以自便也。爭截用其名詞。惟惜其於兩字。

之界限。每不細加研究。吾請姑舉一二事以證之。

立憲之國。行政長官對於國民。擔責任。受俸給。其自稱於國民也。曰公僕。僕之受雇於主也。雖有自由之權。然當受主人之監督。而不能專顧其私。行政長官既自稱曰公僕。則視國民爲主人。而當受全體之監督。夫受衆主人之監督。必更嚴於一主人。則萬不能藉口私德。而逞其自便。且其素行必爲國民所欽仰。始從而推舉之。責任之以爲全體表率。夫人之對於己也。既有監督之權。己之對於人也。復有表率之責。則不能敗壞公德。使人受其損礙。并不能敗壞私德。使人或有瑕疵。誠以其握有政柄。私德一失。則於國民有直接或間接之損礙。故西律有收納商稅之責者。不得自營商業。凡此之類。則并限其自由之權。豈有任其私德之失。且以此等人而爲國民表率。必致全體之私德盡行敗壞。烏得不嚴其監督乎。故吾謂立憲之行政官。雖有私德之名。然已包於公德範圍之內。而不能割分。乃吾國政界諸公。凡於招權納賄之事。往往欲藉私德二字。以自解。然既曰私德。而爲人毀損。則按立憲法律。而論。應由被毀之人。向法司控告。而請律師辯護。若在旁人。既無律師分位。又不當受彼屬託。則斷不能爲之辯護。蓋以其既爲行政官之私德。雖於國民有直接或間接之損礙。然辯護而當祇保全箇人之名譽。辯護而不當。則以不能辯護之人。而受彼屬託於己名譽。先

有損礙。若謂吾憫其被屈，則彼可自行伸訴。若曰：吾所爭者公論，則何以多數人之不言而獨一二人言之就憲法推闡之必應如是處置方為適當耳。初不意吾國政界諸公於已腐敗之行爲爭欲以私德自解，而旁人又必以公論爲詞，吾不知其界限應如何分別焉。

箇人之行爲僅在於一己者，其爲私德無疑。若出而與人交涉，則已入公德範圍之內。類如以事屬人，或以函致人，嗣後彼此一方而或有失信之處，在己言之似不過私德之失，而在人言之已受己之損礙。一人可受其損礙，即一羣可受其損礙。且使人人而效己之行爲，則其損礙尤大而已。亦必受其損礙。此如行路然，按警察章程，行必由左，謂由右而與人誤撞，而曰此吾自由之權，此吾私德之失，可乎。蓋曰私德，箇人固有自由之權。曰公德，則己以箇人而入一羣，即必須爲守法之自由人。己既有交涉，安得謂之尙未入羣。彼此或有失信，豈得謂之守法自由。若己以事屬人，而令其轉爲函致於人，則已有第三人所處之地位。己而失信於人，則併令人亦失信於人。社會受其影響，更甚於兩人之交涉。設處於第三人地位者，以所與之函登揭報章，在己自反，而實無其事。當詰問與函者之係何名姓，然後約同第二人至第三人處互相質證，則非第二人之誣，即係第三人之捏造。似此爭執，實於一羣之公德大有增進。而於一己之私德亦無所損礙。若竟認在人之事爲公論，而曰我必爭執。

之。在。己。之。事。爲。私。德。而。曰。我。可。恕。置。之。是。以。人。己。之。事。分。公。私。之。界。則。必。一。己。獨。處。於。一。羣。之。外。而。後。其。說。可。通。且。卽。曰。私。德。而。我。不。爭。執。然。在。己。雖。可。自。信。在。人。必。不。能。無。疑。人。既。疑。其。私。德。之。有。失。卽。不。能。信。其。持。論。之。必。當。何。也。天。下。人。從。未。有。私。德。不。可。信。而。能。主。持。公。論。者。也。矧。此。私。德。已。入。於。公。德。範。圍。乃。以。好。持。公。論。之。人。而。曰。真。僞。不。必。論。吾。不。知。其。界。限。又。應。如。何。分。別。焉。

論中國治亂與人口之關係錄丁未六月十一日申報

嗚呼。吾。讀。吾。國。歷。史。與。歐。西。歷。史。相。比。較。吾。未。嘗。不。惻。惻。而。悲。也。西。人。之。論。治。亂。也。以。爲。一。治。者。不。可。使。復。亂。而。中。國。則。不。然。百。數。十。年。以。來。其。治。亂。也。不。以。在。上。者。政。治。之。良。否。爲。比。例。而。以。在。下。者。人。數。之。多。寡。爲。比。例。吾。國。史。家。之。所。謂。治。者。非。真。有。求。治。之。方。也。殺。戮。重。則。人。民。稀。人。民。稀。則。求。食。易。求。食。易。則。人。各。安。其。所。分。而。世。一。治。其。所。謂。亂。者。亦。非。真。有。致。亂。之。道。也。太。平。久。則。生。齒。繁。生。齒。繁。則。衣。食。艱。衣。食。艱。則。挺。而。走。險。而。世。又。一。亂。治。亂。之。道。互。相。乘。除。泰。極。則。否。生。剝。極。則。復。至。是。以。西。儒。進。化。之。說。其。公。例。可。推。於。各。國。者。而。與。吾。中。國。則。相。背。馳。蓋。泰。西。各。國。其。戶。口。之。數。日。增。則。其。生。財。之。術。亦。日。廣。有。所。謂。殖。民。政。策。焉。有。所。謂。商。業。政。策。焉。有。所。謂。礦。山。政。策。鐵。道。政。策。焉。以。一。國。平。均。計。之。大。抵。生。財。之。人。多。而。分。財。

之人少。是故人數愈衆。財源愈闕。國勢亦愈強。此其所以一治而不亂也。吾國數千年來。雖朝代屢更。玉牒再易。至於生財之術。則數千年如一日也。試言農。今日耕稼之術。猶昔日耕稼之術也。以一畝計之。昔出穀若干者。今則仍出若干。一人耕而一人食。人多之時。一人耕而數人食。則出入之數不均矣。更言工商。若買遷之術。若範金之術。若搏垸之術。若削楮。揉革之術。今日之術。猶昔日之術也。因仍舊制。而不求改良。則其所入者微矣。所以西人有闢闢新地之策。而吾國無之。西人有改良農工商之策。而吾國又無之。英儒馬爾達之言曰。人類孳生。雖較物類爲緩。使衣食饒裕。則二十五年其所生之數。視昔日將一倍。不及千年。一夫一婦之所出。將徧殖大陸。其言如此。吾以平均之法推之。大抵每百年間。戶口必增十倍。以一家言之。當高曾之世。夫婦兩人有田二頃。有屋數間。其生計已綽有餘裕。苟生丈夫。子二則。父子三人矣。由子而娶婦。則其數一倍。及子又生子。孫又生孫。高曾之世。有屋數間。有田二頃。可度日者。至於曾元。其不給也。必矣。以一羣言之。若乞丐。若官吏。若婦女。若士子。皆分利之人。待養於他人者。也。其數不下百之九十。以九十之衆。而十人養之。其不足也。又豈待言。

食貨之源。既艱。積之日久。其賢者尚能安守本分。其悖悍者。迫於飢寒。計無復之。則不得不

早夜叫號以求亂振臂一呼應者雲集而大亂生焉至於大亂之後則昔之以一物養數人者一旦移而爲一人之用吾國人民素無高尚思想溫飽外別無他圖衣食既饒則昔之所謂悖悍者亦伏處草莽送數十寒暑以去謂予不信請徵之唐元宗時戶口凡五千萬有奇高宗時戶口則僅三百萬有奇其相去蓋二十倍乃未幾而安史之禍作更徵之本朝乾隆時戶口三萬七百萬順治時則僅一千四百萬其相去蓋三十倍乃未幾而洪楊之難興此亂之證也請徵之隋隋文帝時戶口四千六百餘萬至唐初則僅三百餘萬此隋之所以亡而唐之所以興也請徵之明明萬曆戶口六千餘萬國初則僅一千餘萬此明之所以亂而本朝之所以治也史冊具存數千年治亂興亡之數固有可以筭衍而蒿灼者雖然吾國數千年來所以一治一亂相循環者以財不外溢雖有異族之侵入然大抵因其土地子其人食貨流通仍在內部至於今日以任天行之民忽進而與歐洲重人治之民相接觸生計界之橫風怒潮如水銀瀉地無孔不入一物之價昔需價若干者今將需價若干倍過此以往又將需價若干倍則物力艱矣一家之中昔每歲消費需幾何者今則將增幾何過此以往又將增幾何則生計困矣戶口之數日益多而生財之源日益絀其危迫之現象有絕非前此所能比者資生同而所以資生者不同西人以羣中人以獨西人以巧中人以絀

社說

論中國治亂與人口之關係

一百三十一

丁未

西人以機械。中人以人力。近年以來。吾國大而省會。儼而鄉村。其生計界。皆有不可終日之勢。除三五商埠外。一入內地。觀其人民景況。迥非昔比。苟不設法維持。自今以往。吾恐富者不富。而貧者日貧。人數雖衆。靡所得食。數百年後。黃炎子孫。將人人爲餓殍。以死。吾念及此。吾慄慄危懼。念來日之方長。痛殷憂之未已。吾真不禁廢書而三歎也。

論中國救亡之策 錄丁未七月初一日中外日報

自日法協約成。而韓皇被廢。越王被囚。

夫日本之於韓。始則認爲獨立國。繼又認爲保護國者也。而今若此。

法之於越南。僞僞其國王郡縣。其土地亦已久矣。而今又若此。

是知爲人所保護者。即可爲人所廢置也。爲人所僞僞者。即可爲人所俘虜也。韓越已如此。

中國將何如。

今之中國。直己如大兵之臨於境上。而官紳士民。不能不登陣守禦。以求自保其身家性命。又如人之患病。業已垂危。而孝子慈孫。不能不延醫問藥。以求其尙有一線之生機。

是故前數年。論時務。陳政策者。不曰轉弱爲強。卽曰易危而安。今則無暇爲此。門面語。直當曰救死而已矣。救亡而已矣。

兩宮明見萬里。若誠懼覆亡之無日。逆知日後情狀。將更有甚於熱河之狩。西安之巡。幸而急求所以免於此。則惟有斥逐營私。誤國之大臣。破除滿漢之成見。簡畀重臣。而專其責任。一面即實行憲政。鼓天下之氣。與共膺其艱鉅。則於自救之道。猶或庶幾不然。覆轍相尋。竊不能不爲前途危也。

內外百執事。自執政以至令長。苟明乎棟折榱崩。僑將壓焉之懼。則凡一切凶於而家害於而國之事。宜悉懸爲厲禁。深惡而痛絕之。諸君既已勸相我國家。復且與國同休戚。即不以革面洗心之誼。還望之諸君。或猶有保其國。因以保其家之希望乎。

自士大夫以至庶人。當知覆巢之下。無復完卵。昔日中國之所謂亡國者。非果亡國也。亡一家而已。前者既飲泣吞聲而去。後者即歌功頌德而來。國號雖改。而人民之田產依然。士庶之營業如故。則猶未得謂之亡國也。今則神州片土而環而相伺。欲亟試其殖民之政策者。奚止五六國。不有所淘汰於先。奚以能滋殖於後。則雖地方四百萬人。數四萬萬。而束手待斃之慘。殆無可解。免以此思懼懼可知矣。

竊謂時方承平。欲求增進其富強。固易之又易。若勢已危急。而欲挽回於末路。則誠難之又難。故居中國今日。自救之策。蓋未易言。然如竟視爲固然。置而不言。則亦萬無此理。故特舉

其最要之數端如下。

文弱之民。不可與勁兵相遇也。則習武尙矣。今姑作萬有一然之想。假令當大事已去之後。而人心思漢。尙欲背城而借一欲如一旅之興。夏三戶之存。楚此豈空言所能號召。盛氣所能恐嚇。而以素不習戰。不知行陣爲何事。不知槍礮爲何物之人。遽與氣焰方張之大敵相遇。又豈有幸免之望。是故吾人苟惕於亡國之奇慘。大慘之將至。必今日人盡知兵。而後異日者乃可收人自爲戰之效。此萬不容緩視者也。

民弱不可以自保。而民貧又豈足以自存。則興實業尙矣。今中國現象固已如久病之夫。肉盡而骸骨僅存。其可惕者。非特曰素有之實業已同歸於疲敗也。且無論何人皆不以實業爲意。亦且不知從事實業之方法。而貧乏之病。遂中於社會。無事時業已左支而右絀。有事時即可束手而無策。今試問我與敵人盡力相抗時。在人則器械精利。士馬飽騰。而我則易子而食。析骸以爨。其勝敗之不敵。又豈待臨事而始知。而苟非實業興盛。平日藏富於民。將何以爲緩急之預備。而先有其取不盡用不窮之概。此不能不爲萬分之憂慮者也。

若夫習武興實業。而外尙有其至要之事。則曰教育普及。夫當此禍患日迫。中國不絕如線之時。而猶以此爲言。豈非敗腐之論。不知正惟危機已迫。險象已呈。欲使人人皆知愛國之

誼。皆。知。保。種。之。道。卽。非。教。育。普。及。不。爲。功。而。若。軍。事。若。實。業。尤。非。講。求。有。素。學。有。根。柢。者。不。能。從。事。於。其。間。否。則。所。謂。習。武。非。猖。狂。妄。爲。之。暴。動。卽。粉。飾。觀。聽。之。具。文。所。謂。興。實。業。者。亦。必。致。虛。擲。巨。資。毫。無。實。效。而。後。已。其。在。平。時。已。足。以。招。禍。而。受。損。一。遇。變。故。則。平。昔。所。提。倡。者。已。萬。不。足。恃。欲。以。挽。旣。倒。之。狂。瀾。回。已。去。之。天。命。恐。必。咨。嗟。太。息。而。無。可。爲。力。矣。是。故。切。望。士。人。力。除。其。虛。僞。之。氣。力。擴。其。短。淺。之。見。時。時。以。覆。亡。爲。懼。時。時。致。力。於。救。亡。之。學。則。庶。乎。其。尙。有。冀。也。

社 說

論中國救亡之策

一百三十五

丁未



諭旨

六月全

上諭崇善奏因病懇請開缺一摺福州將軍崇善著准其開缺欽此○上諭吳引孫奏請選避原籍一摺吳引孫著調補福建布政使安徽布政使著連甲補授欽此○上諭昨據端方馮煦等電奏均悉安徽巡撫恩銘赴巡警學堂考驗該學堂會辦道員徐錫麟膽敢率衆持槍肆擊致該撫被戕并傷斃巡捕知縣用試用府經歷陸永頤收支委員府經歷顧松實屬不法已極徐錫麟業經當場拿獲正法并獲匪黨多名經端方等派撥兵艦營隊前往該省協力防範現在地方人心安靖辦理尙屬妥速惟匪黨光復子陳伯平宗漢子二名現尙在逃著各省督撫督飭文武員弁嚴拿務獲懲辦毋任漏網陸永頤顧松著該部從優議卹欽此○上諭安徽巡撫恩銘由舉人知縣保升道員歷任監司均能認真整頓洴臈嚴寄忠勤廉介克盡厥職此次因公倉猝被害深堪憫惻著加恩予諡照總督陣亡例從優議卹任內一切處分悉予開復應得卹典該衙門查例具奏靈柩回旗時沿途地方官妥爲照料伊子山西候補道咸麟著以道員卽補欽此 六月初一日

上諭廂藍旗蒙古都統著張德彝補授欽此○旨福州將軍著特圖慎補授欽此○上諭安上治民莫善於禮我朝列聖皆以修明禮教爲先乾隆道光年間迭經纂修通禮海內遵行現在學禮軍禮賓禮既應因時制宜卽民間喪祭冠婚器物車服亦應一律釐正前據禮部奏設禮學館茲據將籌議辦法開單呈覽著卽照所擬行該部堂官務當統率在館人員參酌古今詢查民俗折衷至當奏請頒行俾人人共納於軌物之中庶期經正民興用副朝廷預備立憲之至意欽此 六月初一日

旨正白旗漢軍副都統著英瑞補授欽此○諭旨嗣後各衙門引見人員暫歸內閣驗放俟天氣涼爽再候諭旨欽此

三日

旨上駙院卿著莊健補授欽此初四日

上諭七月初一日孟秋時享 太廟朕親詣行禮後殿派溥偉行禮兩廡派恩輝希璋各分獻欽此○上諭廣東水陸提督著秦炳直署理李準著署理廣東北海鎮總兵並著會同王瑚將廉欽清鄉善後事宜認真辦理欽此○上諭已革御史趙啓霖加恩著開復革職處分欽此初七日

上諭端方等會奏特參辦振不力正佐各員請旨懲處一摺安徽候補直隸州知州白曾焯緝盜無能漠視荒政望江縣知縣查光華捕務廢弛識闇才庸鳳陽縣典史饒觀輝作事狡滑補用巡檢郭長楨借振索賄試用典史梅登甲行止不檢試用按司獄裘炳需索供給補用巡檢沙熙壽辦事粗率試用典史宇文丙縱飲滋事均著卽行革職另片奏參庸劣不職文武員弁試用知縣李樹梓巧於沽名操守難信補用知縣藍和光官聲平常紳民交控捐升知縣試用巡檢楊定遠涼游暴戾任性釀命鳳台縣典史杜樹蘭遇事干預不知遠嫌壽州吏目周鴻年代州勸驗藉案需索試用典史鄒洪訓獲盜匪稟擅自保釋均著卽行革職楊定遠情節尤重並著永不敘用迺籍嚴加管束候補直隸州知州李家樹信任丁勇聽斷不明候補直隸州知州湯遠宜違私妄爲素有物議均著以府經歷縣丞降補績溪縣知縣鄧士芬心地長厚吏治多疏惟文理尙優著以教職歸部銓選已革提督徐思忠委帶卓勝等營廢弛最甚聲名素劣著永不敘用管帶皖北巡防推補副將沈位勳借捕索詐擾害地方著革職永不敘用徐著照所議辦理欽此初八日

上諭馮國璋著補授軍諮府正使哈漢章著補授軍諮府副使欽此○上諭譚學衡著補授海軍處副使欽此○上諭陸

軍部左丞著姚錫光補授陸軍部右丞著朱彭壽補授陸軍部左參議著許秉琦署理陸軍部右參議著慶蕃補授欽此
十二日

上諭吳元凱著調補江南狼山鎮總兵浙江定海鎮總兵著邱開浩調補欽此○旨正黃旗蒙古副都統著都凌阿署理
欽此十三日

上諭張之洞著授爲大學士仍留湖廣總督之任鹿傳霖著以尙書協辦大學士欽此十四日

上諭趙爾豐奏考查文武各員分別舉劾一摺四川成都府知府高增爵署敘州府知府修補知府毛玉麟綿州直隸州知州柴作舟資州直隸州知州宋聯李候補直隸州知州何丙鳳合州知州桂梁材署成都縣知縣仁壽縣知縣王棧署華陽縣知縣眉州直隸州知州鍾壽康巴縣知縣耿葆燧署富順縣知縣酉陽州直隸州知州申麟廣元縣知縣瑞秀署廣安州知州王登定遠縣知縣何承道合江縣知縣夏興慶達縣知縣廣厚均著傳旨嘉獎指升道員新都縣知縣劉朝鎔貪鄙狡詐庇匪殃民著革職永不敘用候補知府王葆恆貪鄙巧滑聲名素劣另補直隸州知州巡檢王培信任家丁民多受害長壽縣知縣唐我圻苛虐任性民怨沸騰永川縣知縣吳運鴻利令智昏厥僕用事丹稜縣知縣張景旭性情貪鄙不知大體試用知縣劉文增貪利忘義久著劣聲候補知縣馬壽祺習染卑鄙操守難信大挑知縣積善使酒濫刑殘民以逞試用知縣趙璋奔競素工貪婪無厭吳麟昌僧妄干求辦事草率另補知縣鄭放虐政害民銜怨刺骨試用知縣徐敬武卑鄙貪庸遇案婪索候補知縣楊士樵心地不明精力已憊羅毅成心性輕浮從公不謹王中溢性情躁妄擅作威福另補知縣饒致秩嗜好甚深政事廢弛試用通判張益謙知縣危敷灼府經歷張肇修居心陰險不堪造就前成都府司獄李廷瑛昧於大義劣迹多端邛州火井潛巡檢張勛聲名狼藉屢被控告華陽縣典史馮時懋行爲苟且顯著

劣譽松潘中營游擊唐志林任性妄爲不知檢束越舊營守備王日昇貪狡縱肆侵吞兵餉候補守備趙芳風性情橫暴被控有案均著即行革職候補同知柏震審心地不清性復狠鄙大竹縣知縣宋萬選苛刻鄙瑣舉動乖張曠亭縣知縣雷恩溥舉止輕率有失觀瞻候補知縣吳震翮小有才能罔知大體高縱實治理敷衍習於怠玩黃大琮聽斷不明性情苟且另補知縣田廣思庸闇狠鄙不知治理均著以縣丞降補候補知縣賈福謙聞冗無能所至竭蹶即用知縣周長清庸陋鄙齷難勝民社均著以教職歸部銓選天全州知州熊期漢才既竭蹶性復乖張清溪縣知縣廷采提用公款自便私圖西昌縣知縣濮景賢被控有案聲名平常均著開缺另補餘著照所議辦理該部知道欽此○上諭學部右丞著孟慶榮補授林灝深著轉補學部左參議學部右參議著劉廷琛補授欽此○上諭朱益藩著充補大學堂總監督欽此○旨各省選舉優生著於七月初三日在保和殿考試欽此十七日

上諭孫家鼎著充武英殿大學士世續著充文淵閣大學士那桐著充東閣大學士張之洞著充體仁閣大學士欽此○

上諭余莖著以道員用署理陝西提學使欽此○上諭羅正鈞著以道員用署理山東提學使欽此十八日

上諭直隸天津府知府員缺著黃昌年補授欽此十九日

上諭雲南昭通鎮總兵員缺著張嘉鈺補授欽此○諭旨本月二十五日二十六日二十八日均著推班欽此二十日

上諭外務部右丞著雷補同補授楊樞著轉補外務部左參議外務部右參議著高而謙補授欽此二十三日

上諭朕欽奉 慈禧端佑康頤昭豫莊誠壽恭欽獻崇熙皇太后懿旨從來求治之道養民爲先古人重府事修和外圖亦最尙實業方今中國生齒日煩庶而未富生財大道亟應講求國家特設農工商部綜理一切乃數年以來風氣尙未大開則官吏提倡之力勸導之方有未至也著各省將軍督撫迅飭所屬於應興各業極力振興凡有能辦農工商礦或

獨力經營或集合公司其確有成效者即著從優獎勵果其一廠一局所用資本數逾千萬所用人工至數千名者尤當破格優獎即爵賞亦所不惜應如何分別等差該部即妥議具奏並逐年如何增進列表以聞朝廷於大小官吏亦即以此課其殿最予以勸懲如有怠玩因循保護不力定行嚴處不稍寬貸總期地無曠土境無遊民馴至富強有厚望焉欽此○上諭此次驗看之舉實謝需楊源懋那蔭杰著以主事分部學習包嘉賓著以中書用李德徵劉光統王維城陳念典王珍林神鶴林均鄒鶴高步青王琴堂均著以知縣即用欽此○上諭此次考試舉貢經派王大臣等分日驗看自應分別錄用吳承仕劉善琦賀贊元劉映奎汪桂林李鴻賓陳德樹劉道龍呂宗恪盧應麟劉克昌盧文鉅王元愷吳思瑛邱有光黃葆奇蕭澤溥沈修梁元任南壽丙吳汝讓倪維俊王鍾麟王乃祿彭書年祝爾宏龔顯鶴許壽昌蘇世棟王鴻昇殷紹卿王同海吳之杭余良述陳崇鼎程良驥彭士華靈耀余鏞紀清邵程起鵬楊其煥張珣鄭祿昌傅鴻銓黃鳳藻鄒祖蔭陳經張蘭章賤王樞龔翌星劉純仁徐亮義韓運章沈元駒馬馴章陳頌文高徽燁張德藩王廷鑑梁鳴治葉梧春李增王熾昌張一鵬賀錫麟紀大經王謝家徐世澤廖瑞翔鄭承明王寶濤趙無玷蘇鎮垣程靈賀寅清周景燾元翰陳燮桂詩成萬之一陳錫恭章紹高胡錫謙鍾寶鴻張長植沙亮功秦增榮梁登瀛黃丙隆陳寶瑛周傳性高樂岳峻高超劉唐劭王文海李樹聲黃顯聲鄭宜翰趙用霖李學仁張敬承張燦斗李釗阮汝濬翁鳴理韓葆謙陳椿榮林錫光劉佑騏金在傑楊開甲張鼎彝輝祥楊不烈邱樹梓周蔭榕李煥章趙元杰色克通額姚德厚郭星五嵩海林安續昌均著以主事分部學習胡桐桐楊念啓許植材羅翹雲黎呈銓廖潤鴻王逢炎李景禾張志潛何世謙朱江麟壁均著以內閣中書用熊養修邱瞻恆熊礎毛玉麟劉潤疇夏仁沂楊慶元史紀昌呂祖植宋宗祁梁致廣閻毓澤李權唐家豐蕭樹棠樓振聲許德垣劉苴常增璋龔延渤翁錫麟唐道釗邊鈺孫鼎元高際雲千元芳陳元棟郭葆琮查鳳聲趙鯨李秀卿

姚慈澤劉應元孫芳易國幹楊慶棠劉粹平遠徐樹蘭善溥均著以七品小京官分部學習李介紹吳定川徐旭孔慶成張錫年張正甘凌念京邱登瀛超劉樹聲張葆元余重耀萬方儼陳書年錢煥綺藍澤熙鄧殿華侯必昌周守程楊魯彭壽濱周文盈陸維李單庭蘭彭福煌劉峙姚壽慈王其昌梁慶庸劉九穗劉登瀛陳宗彝靳鶴齡丁中立孫榮劉奎錫秦遠塵先堂沈頌康童振漢歐暑春程寶均沈以經汪壽康董錫康邱方鑑陳鴻寶桂邦傑王淦劉廷灝孟清溪游家耕黎植槐張尙謙湯之楷鄭祖仁歐陽增勳孔昭謨張德洋會廣源於樹棠陳楷施大猷呂炳晟陳政宜馬舒鳴梁兆麒秋應離蒙啓謨王培昌耿翌李應庚張承鑒何士璵華翊運余國琛馮志超文昂薛維紳黃元吉羅鏡清馬象乾舒齡金壯春吉兆楊樹芳李廷弼薛位王樹陳棠朱從劉一鶴夏慶緘繆毓崑李仁涵黎國華王永亭郁華王運亨詹亮疇蔣拯程桂芬徐湘王朝壁恩崑張汝金孫乃韶顧英明陳寅趙宇航侯榮邦周紹邨王國梁劉綿祚壽齡梁珂陰國垣李賜齡桂保成啓運陳懋功吳崇德鄭永清朱冠杜榮申胡文焯蕭信崇文楊寬濬哲張文明李燮元李長春徐友梧王起沅苟萃珍侯效儒侯廷翰董翌秦張之炳段永恩桐蔭楊士欽陳士衡彭贊皇曹瀛周子蔭孫應垣王世謙高紹辛周仁撰王義裕胡子英蘇鍾貞李景莖高景龍吳起鑾盧師湘王立中馮釐鵬陳子鏞丁德駱汝驥高方沂陳達璋田忠詢高鴻猷郭敦坤孫文顯何興劉錫章李仲元宜煦陳鏡舒鎮觀謝玉堦梁樹翰陳雲溥王樹椿黃善輔李錫庚李鏡任榕吳鑾翰秦舉朝李春錦吳品璠李蔭壽均著以知縣分省補用欽此二十四日

上海商務印書館新設教科書

(分設) 京都 奉天 天津 漢口 廣州 福州 成都 重慶 開封

高等學堂教科書

歐積學 洋一元六角
 京師大學堂漢學初編四書 洋八角
 京師大學堂漢學二編四書 洋八角

簡易課本

簡易修身課本 洋一角
 簡易國文課本 洋二角五分
 簡易歷史課本 洋一角
 簡易地理課本 洋一角
 簡易算學課本 洋一角
 簡易格致課本 洋一角

師範學堂教科書

通成師範講義叢錄二冊 洋一元二角
 師範學校管理法 洋二角
 師範教授法原理 洋二角
 師範教育史 洋二角五分
 教育學 洋二角五分
 心理學 洋二角五分
 近世算術 洋七角
 中國歷史卷上 洋二角五分
 中國地理 洋二角五分
 中國文典 洋二角五分

華英文教科書

國民教育論 洋二角
 各科教授法 洋五分
 華英初階 洋一角
 華英進階二集 洋二角五分
 華英進階三集 洋二角五分
 華英進階四集 洋二角五分
 華英進階五集 洋二角五分
 華英進階全集 洋七角五分
 華英地理問答 洋二角五分
 華英亞洲啟答 洋二角五分
 華英亞洲課本首冊 洋二角五分
 華英亞洲課本二冊 洋二角五分
 華英亞洲課本三冊 洋二角五分
 華英亞洲課本四冊 洋二角五分
 華英亞洲課本五冊 洋二角五分
 華英國學訓蒙編 洋二角五分
 華英國學文編卷一 洋二角五分
 華英國學文編卷二 洋二角五分
 華英國學文編卷三 洋二角五分
 華英國學文編卷四 洋二角五分
 華英文件指南 洋一元二角半
 華英文字指南 洋一元
 華英文法釋義 洋一元

英文教科書

分類英語 洋四角
 英字入門 洋二角五分
 華英翻譯捷訣 洋七角
 英文漢語 洋一元二角
 華英文通 洋一元
 帝國英文讀本卷一 洋二角
 帝國英文讀本卷二 洋二角
 帝國英文讀本卷三 洋二角
 帝國英文讀本卷四 洋二角
 帝國英文讀本卷五 洋一元
 和文漢譯讀本八冊 洋一元
 和文法程 洋五角

華法教科書

華法啟蒙初集 洋五角
 華法啟蒙二集 洋五角
 華法中學讀本 洋一元
 法語步遞 洋五角
 英法尺碼譯要 洋七角五分
 華德教科書 洋七角五分
 德文法程 洋七角五分

內務

中國將來議院制度之問題錄丁未五月十五日時報

中國今日之時代專制與立憲政治過渡之時代也故本報著論恒斤斤然以專制立憲政治之得失爲比較蓋欲摧挫專制之末運獎翼憲政之新機不厭反覆詳言之使政府與國民咸洞悉其所以然之故灼然而無所疑而一般之心理皆趨向於立憲政治之途以輿論而造成實事此則本報之天職而亦記者所希望也故中國存亡之問題實以能否確立立憲政治之基礎而決之而立憲政治之基礎能鞏固與否則又以議院組織之健全與否而定之是中國而不實行立憲政治則已實行立憲政治則議院制度如何組織之問題乃吾國民所當切實研究者也

議院制度之組織因時代而不同因國勢而不同有三院制有二院制有一院制三院制度丹麥國昔嘗行之然不久輒廢而變爲二院制今日各國殆無復有采三院制者是三院制之不適於時宜已成歷史之陳迹可勿置論其所當研究者中國當采二院制乎當采一院制乎此蓋重要之問題願我國民之熱心於立憲政治者一熟籌之也

內務

中國將來議院制度之問題

三百五

丁未

以天演競爭而存在之理由言之則三院制消滅一院制減少是必二院制之適合於時宜以現時各國之趨向言之咸以二院制爲模範而收政治上之良效果是二院制之優長殆爲今日世界所公認矣。

雖然若以世界大勢皆趨於二院制之傾向而遂謂二院制之獨優而不細察其內容之如何理由之如何是亦不可日本小野塚博士論二院一院制之得失言頗可采試列舉之而中國當採何制鄙人不敏竊貢其愚而與我國民共商權焉。

二院制之長有五 (甲)預防議院之專橫一院制度往往易流於專橫有二院以互相牽掣實足以救正之 (乙)調和議院與他機關之衝突議院之與政府有時不免互相衝突衝突既起若在采一院制之國家因此相持不下必生出雙方之惡結果若采二院制則一院與政府衝突而一院調和於其間雖有衝突而不至劇烈也 (丙)抑制躁妄之舉動一院任意行動常不免犇於感情之方面而事機不暇詳察每至債事有二院以相爲補助互相參酌足以挽濟之 (丁)議員性質不同而使各盡其責上院議員富於學識舉事持重長於保守且閱歷既多故能諳練時勢下院議員由民選舉通達民情往往喜於進取二者各盡所長以調和之故可免弛緩與急激之弊 (戊)國民中少數優秀者可以發揮政見

上院議員各國亦有由民選者然大都由勅任者多其議員皆富於學識優秀之人物下議員爲國民之代表必屬一時之有人望者若采一院制則議員皆由民選有人望者未必富於學識是一時優秀之人物無發揮政治能力之餘地也反之二院制則異是

如。上。所。舉。二。院。制。度。之。優。長。彰。彰。明。甚。然。因。此。而。謂。其。悉。臻。完。善。毫。無。缺。點。則。亦。非。也。缺。點。亦。有。五。試。列。舉。之。 (子) 以。少。數。壓。多。數。如。議。員。共。四。百。人。分。爲。二。院。各。占。二。百。之。數。倘。問。題。發。生。上。議。院。全。體。贊。成。而。下。議。院。有。百。零。一。人。反。對。因。此。議。案。遂。不。得。通。過。是。以。百。零。一。人。而。壓。二。百。九。十。九。人。也。 (丑) 不。能。充。分。達。監。督。政。府。之。目。的。如。前。所。述。二。院。之。制。固。足。以。調。和。議。院。與。政。府。之。衝。突。然。或。有。時。政。府。流。於。腐。敗。懼。議。院。之。反。抗。預。離。間。二。院。之。感。情。或。引。一。院。以。爲。己。助。他。之。一。院。與。政。府。反。對。遂。卒。歸。無。效。是。不。啻。弛。其。監。督。政。府。之。責。也。 (寅) 不。能。聚。人。才。於。一。處。一。院。制。度。實。能。聚。合。民。選。勅。任。複。選。之。人。才。於。一。處。以。謀。國。家。之。利。益。而。二。院。制。反。是。 (卯) 謀。事。不。能。迅。速。如。提。出。一。議。案。既。經。上。院。贊。成。復。須。提。出。於。下。院。求。其。通。過。苟。下。院。有。過。半。數。反。對。則。雖。有。良。法。美。意。不。能。見。諸。施。行。又。須。俟。次。年。開。院。時。另。行。提。議。究。之。能。通。過。與。否。仍。未。可。必。故。謀。事。常。不。免。失。之。遲。緩。若。一。院。制。可。否。以。一。言。而。決。其。行。動。較。爲。迅。速。也。 (辰) 陷。於。不。公。平。國。家。采。用。二。院。制。度。其。立。法。之。意。原。欲。其。詳。審。

周密處事得其公平。然事實上之結果，常有因意見之故而反陷於不公平者。由斯以談，二院制度得失相較，亦略相抵。從他之一方面言之，則二院制之所長，即一院制之所短；二院制之所短，即一院制之所長。可以互勘而益明者也。近者各國多采二院制，然德意志聯邦中，其中十六國仍采一院制，德意志亦采一院制。然議院以外，復有聯邦參事會，其性質與上議院相近，則謂德國之議院制度，介乎一院二院之間，可也。如上所舉一院二院制度之得失，及各國之趨向，何如，亦可得其大槩矣。若就吾中國而論，將來開設議院所采制度，二院制宜乎，一院制宜乎，此最有價值之問題也。今日各國多趨於二院制，故就一般普通國家而論，當以二院制為優。蓋普通國家固可取決於理論上之得失，如何若專就一國家而言，則須視其國之情狀，若何而定。今特就中國言之，固不能泥於普通國家執一而論也。

欲解決此問題，須先立一確定之前提。凡一國之歷史，有貴族與平民之階級者，則以二院制為優；否則無甯采一院制。蓋二院制度為英吉利之產物，原根據於歷史而來。當一千二百五十五年時，因「租稅承諾權」之問題發生，而君民之間起衝突，國民結團體以對抗君主僧侶貴族為一團體，州市平民為一團體，其後團結力愈大，儼然具上下二院之雛形。而

基礎日以鞏固。漸乃確定。上下兩院之組織。其制度傳播於歐洲大陸。各國爭倣之。故謂兩院之組織。爲英國之歷史產物者。以此也。至今日英之上院議員。仍屬僧侶貴族之勢力。若歐洲各國平民貴族之階級判別。最嚴故皆采二院制。爲適當也。吾國歷史上孔子作春秋。而譏世卿。故自秦以下。貴族階級。卽漸次剷除。至今日人人平等。所謂貴族者。殆絕迹焉。朝秉國鈞。夕褫鞶帶。依然一平民耳。此殆歐洲各國之遠不吾逮者也。歷史上既無所謂貴族遺跡。又何必捧心效顰。而必采二院制度乎。故中國將來議院。當采一院制。可一言而決也。若采二院制。不特頑錮朽物。仍得廁身其間。而議員或由勅任。或由世襲。勅任則中國向來上下隔絕。不易有知人之明。世襲則但論門第。不論才能。其弊更不俟言矣。且中國今日當聚合人才於一處。大張其軍。併心一志。以實行監督政府。故吾謂無甯采一院制之爲愈也。願與吾國民共商之。

論國民法律上之地位 錄丁未五月二十二日時報

中國無國民乎。四百兆之人民。等此圓顛。方趾無以異於各國之人民。安得謂無國民也。中國有國民乎。此四百兆人者。皆非完全有國民之資格。又安得謂之有國民也。法治國之國民。人人有一定之保障。其對於國家也。何者爲其應有之權利。何者爲其應負之義務。灼然

而明瞭中國之人民不能恃法律爲保障各人之生命財產可以在上者之喜怒刑賞而生殺與奪之其對於國家也何者爲應有之權利何者爲應負之義務茫然而無所據也惘然而莫之知也故謂中國無國民殆非吾一人之創論矣

從法律上之性質言之則廣義之國民云者凡屬於國家一切人民之謂也依此廣義以爲解釋卽君主之一身亦爲國民一分子之資格且不特取得本國國籍者爲國民卽居住於本國領土內之外國人既加入於本國國民共同生活團體之範圍中亦可稱之曰國民此從廣義解釋國民之意義者也

雖然外國人之居住於領土內一服從於國家統治權之範圍因而與國民無異而稱之爲國民若一旦去而他適則脫離國家統治權之關係是不過一時的國民而非永久的國民不得稱爲真正之國民也自國之國民對於國家之統治權有永遠服從之關係雖留滯於他國而猶不可不服從於國家之統治權例如國家課兵役義務可以召還在外國之自國臣民臣民當國家召還時不能抗拒之是所謂有永久服從之關係者是故國民之對於國家有兩種資格一面服從於國家統治權之下奉公守法而不得違抗具此資格之國民稱之曰臣民一面爲組織國家之一分子有參與國家行使統治權之權具此資格之國民

稱之曰公民。

蓋人民之服從於國家。非服從於國家也。服從於國家之法律也。非服從於法律也。服從於自己也。何言之。蓋法治國家。既分爲立法司法執行三種機關。而三者之中。以立法機關爲最重要。而立法機關。由於議會。而議會之組織。皆由於國民所公選之代表人。而議決法律之可否。法律既公布。而君民上下共守之。是國民自制定之。自遵守之。然則謂國民之服從於國家。服從於國家之法律。卽無異服從於自己。殆非虛言也。

若中國則何如矣。既無完備之法律。而又不必得國民之同意。由在上者頒布。而強使人民遵守之。而在上者。又可以隨時發布不規則之命令。剝奪人民之權利。生命財產。是人民之服從於國家。非服從於國家之法律也。而服從於君主一人之命令也。比較而觀。法治國之人民。服從於自己。專制國之人民。服從於一人之命令。然則等此圓顛。方趾。吾獨謂法治國有國民。而中國無國民。殆非過激之論也夫。

然則法治國之國民。其對於國家之狀態。果何如。則以法律所規定。有一定之權利義務。是也。國民對於國家所負之義務。謂之公義務。對於國家所有之權利。稱之爲公權。凡公權非被剝奪者。皆完全有國民之資格者也。或者謂國民對於國家負義務。固屬當然。而無所疑。

內務

論國民法律上之地位

三百十一

丁未

然同時對於國家爲權利之主體因而有應享之權利揆之實際殆未盡然蓋權利者必相互立於對等之地位而後有權利之可言若人民之與國家固非相互立於對等之地位者也一方面國家對於國民有絕對的權力一方面人民對於國家有絕對服從之義務是但有服從之關係而無對等之關係於權利乎何有藉曰有之國家可以行使其權力而剝奪人民之公權由是言之人民對於國家所享之利益不過爲國家之所加惠而不得據此爲權利主體之觀念也雖然爲此說者未明乎權利主體之真相也大凡有人格之自然人皆得爲權利之主體所不得稱爲有權利之主體者但無人格之奴隸焉耳此外雖未出生之胎兒就一般民法學者言之亦得爲權利之主體國民非奴隸也對於國家爲構成國家之一分子而有人格者也所謂對於國家有服從關係亦非絕對的服從不過國家自限制其統治權而制定法規國家之權力僅能行使於法規範圍以內人民之服從國家亦祇服從於法規範圍以內國家欲於法規所制定以外侵奪人民之權利而不可得也然則人民之權利因人格而生由法律所認定而非國家之所惠予彰彰明矣

若夫吾中國之人民對於國家何者爲應有之權利極不明瞭雖大索而不可得因而國家活動之範圍了無限制而人民之生命財產可以隨時蹂躪之無可告訴者蓋專制國家不

認。人。民。有。何。等。權。利。也。天。下。惟。奴。隸。乃。無。人。格。無。人。格。乃。無。權。利。中。國。人。民。蝟。伏。於。專。制。政。體。之。下。其。對。於。國。家。之。狀。態。爲。國。民。乎。爲。奴。隸。乎。是。不。可。不。重。念。之。也。

然。則。法。治。國。之。人。民。對。於。國。家。爲。權。利。義。務。之。主。體。而。有。國。民。之。公。權。者。果。何。如。乎。

一。曰。參。政。權。專。制。君。主。視。國。家。爲。其。私。有。物。人。民。食。毛。踐。土。當。圖。報。効。於。君。主。而。已。法。治。國。家。之。觀。念。則。反。是。國。家。者。國。民。之。公。產。君。主。不。過。爲。執。行。政。務。之。機。關。對。於。國。家。之。政。務。人。人。皆。有。參。與。之。權。然。一。國。人。民。如。此。其。衆。若。合。通。國。之。人。民。而。組。成。一。機。關。以。參。與。國。家。之。政。務。必。不。可。能。之。事。也。乃。各。選。舉。代。表。人。以。發。表。國。民。之。意。見。此。代。議。制。度。之。所。由。起。也。是。一。般。國。民。皆。有。參。政。權。也。其。處。於。特。別。地。位。即。有。參。政。權。者。如。議。員。之。在。議。會。有。發。言。決。議。之。權。官。吏。居。其。職。務。有。執。行。政。事。之。權。尤。不。俟。論。也。

二。曰。要。求。國。家。之。行。爲。權。如。裁。判。請。求。權。是。也。國。民。既。有。此。權。利。國。家。對。於。其。所。要。求。之。裁。判。不。得。拒。絕。之。而。人。民。一。切。之。私。權。因。得。受。確。實。之。保。護。又。官。吏。執。行。政。務。上。有。違。反。法。規。損。害。人。民。權。利。時。亦。可。提。起。行。政。訴。訟。而。官。吏。之。行。爲。係。軼。出。於。其。權。限。範。圍。以。外。者。則。視。爲。官。吏。箇。人。之。行。爲。由。其。箇。人。而。對。於。被。損。害。者。爲。賠。償。若。官。吏。之。行。爲。係。由。國。家。所。委。任。而。未。嘗。軼。出。於。權。限。範。圍。以。外。者。則。視。爲。國。家。之。行。爲。由。國。家。對。於。被。損。害。者。爲。賠。償。人。民。

對於國家既有要求之權利故自無含冤茹屈之事也

三曰自由權自由一語含有兩種之意味其一謂政治上之自由換言之國民有參與政治之權利即參政權是也其一謂於法定限制之外不受國家之侵害也所謂自由權者即指此言之蓋自美國之獨立宣言書法國之人權宣言書皆列舉人民種種之自由權視為神聖不可侵犯近者各國莫不規定於憲法中所謂居住移轉之自由身體之自由書信秘密之自由集會結社之自由言論出版之自由所有權不可侵住所不可侵皆等諸金科玉律以為人民權利之保障者也

夫如是人民對於國家應有之權利如此其明瞭也此法治國人民以法律為保障則然也然既有當然之權利不可不負一定之義務有義務而無權利者奴隸也享權利而不負義務者盜賊也二者皆非國民之性質故國民對於國家既享當然之權利即負一定之義務義務者何一曰納租稅二曰服兵役蓋租稅者國家及其他政治團體為供給其生存發達必要一般之公費以強制力而自其權力下之人民所徵收者也專制國家人民何嘗不納租稅而其觀念不同彼但以爲對於在上之誅求不得已割其一部分之所得以供君主之用而非有維持國家生存發達之觀念也而在文明國之國民其觀念則反是以國家爲一

大團體國家既圖自身之生存發達兼助長團體員中箇人之發達欲達此目的而執行公務需莫大之經費自不得不向團體員中各箇人使釀出之各箇人既入於其團體爲共同生活自不得拒絕國家所需之供給準此觀念則國民之對於國家爲圖國家之生存發達而提供租稅正無異於爲圖自己之生存發達而釀出費用也國民服兵役之義務其觀念亦然明乎國民所處之地位與國家若何之性質則國民出死力以捍衛國家無異於出死力以保護自己之財產無俟迫之以威力誘之以重賞而始爲國家効命也此何以故義務所在則然也

若在專制之國人民之對於國家既無應享之權利則但可謂之奴隸而不得爲國家之國家亦無應負之義務則但爲國家之贅瘤物而不得爲國民之國民試問國家之所以成立者何在乎烏有無國民而國家尙適於生存者乎念中國之前途不知涕泗之何從也

軍機處陸軍部會奏核議陸軍部官制並酌擬辦法摺附清單四件

光緒三十二年四月二十日內閣奉

上諭欽奉

諭旨兵部著改爲陸軍部以練

兵處太僕寺併入應行設立之海軍部軍諮府未設以前均暫歸陸軍部辦理原議各部院等衙門職掌事宜及員司各缺仍著各堂官自行核議悉心妥籌會同軍機大臣奏明辦理

內務

軍機處陸軍部會奏核議陸軍部官制並酌擬辦法摺

三百十五

丁未

等因欽此仰見 朝廷執兩用中權衡至當欽服莫名伏維 國朝兵制震古爍今茂矩崇規載在方冊謹案 欽定中樞政考各書凡兵制營制儀制銓政軍政馬政關禁海禁郵禁驛遞等要政皆兵部所職掌原設四司條理秩然卽太僕寺本周官校人之職所司牧廠孳生均齊等事於馬政要務亦屬提綱挈領鉅細靡遺苟守法者能實力奉行原自範圍不過此皆舊制之不容輕廢者也至世事推移器械日新則編制訓練亦因以遞變自光緒二十九年十月遵 旨設立練兵處以來參考東西各國兵制酌用新法編練陸軍凡學堂之教育兵隊之訓練步馬礮工程輜重之分門編配衣糧器械之籌備運輸關塞臺壘之測繪圖維軍隊之衛生療治及一切應辦事項歷經各設專員悉心經畫以求精進此皆新法之日見擴張者也現經遵 旨將練兵處太僕寺歸併臣部自應酌定次第分司治事以重職守而備規模臣等再四籌商擬首設軍衡軍乘軍計軍實四司分掌兵部原設武選車駕職方武庫四司舊管例行等事而將練兵處原設考功器械兩科並由工部畫撥臣部之應辦事宜分別併入以歸畫一此外則以練兵處所掌新軍應辦各項分晰門類設立軍制軍需軍學軍醫軍法五司其太僕寺應管事務及新軍馬政擬併設軍牧一司共設十司或率由舊章或參訂新制所期立法周詳無稍偏重而用人之道則務廣其途所有兵部練

兵處太僕寺舊有諸員均由臣等審其材能分別任用總之諸悉例案人員則於軍衛等四司爲宜通曉軍事及練習專門人員則於軍制等五司爲宜習知馬政人員則於軍牧一司爲宜而以上各項人員又於各司中參錯互用俾舊者得擴新知新者與聞舊案習同而化浹洽日臻此臣等所擬分司用人之大概也惟臣部設官有不能與各部盡同者臣部遵

旨統轄新軍各鎮自應與軍隊一氣貫通以免隔閡查光緒三十一年八月由練兵處奏定陸軍補官任職章程係以三等九級之官任鎮協標營各等之職臣部現訂官制擬即略仿其意所有兵部向設郎中員外郎主事等官並練兵處奏設之三等九級等官是皆爲應設之官此次臣部擬設各司均各設司長一員其各司之中分設各科均各設科長一員又於司科中分設科員譯員司法官繪圖員藝師承發官藝士錄事等員是皆爲應分之職以官任職第其等差則取材之途無虞或隘竊維古者官有公卿大夫上中下士之殊職有三百六十屬之別臣等遠稽古制近察時宜所爲現擬官制官與職分者此也又兵部原設之郎中員外郎主事等官向係分屬各司現在每司既各設司長官與職殊則所有郎中以下等官自難再繫以司祇可統屬以部卽稱爲陸軍部郎中員外郎主事其原有各缺則悉仍舊額以存階級此於舊制之中所應量爲變通者也至三等九級等官自應與文員一體訂

設額缺俾歸一律特現自正軍校以上尙未經授補有人而自司長以下諸職一經奏定卽須陸續派充除文員內應以郎中等員遴委外其需用武秩各員勢難懸缺以待擬暫就前充練兵處差缺得力之員視其才具資格酌量錄用其中應補三等九級官階者先予任職然後次第補官此又於新章之中不得不權宜辦理者也各司既定責成自有所歸惟職掌各分仍不能無總匯之區以統諸務擬參仿釐定官制大臣所定各部官制通則設承政參議兩廳承政廳設左右丞各一員總司闡署事宜原設之司務廳等處卽歸併其中參議廳設左右參議各一員總司本署及各軍隊學堂局所等處應行核議並稽察各事宜以爲指臂之司耳目之寄則所有十司乃無散而無紀之慮而臣等亦得所贊助此臣等公同擬訂衙門職掌員司各缺之大綱辦法也至應行設立之軍諮府海軍部遵 旨暫歸臣部辦理擬將軍諮府暫名曰軍諮處設五司以掌要務海軍部暫名曰海軍處設六司以理庶政而此兩處之中均設正副使各一員以比陸軍部丞參管理全處事務又於軍諮處五司內暫先設三司兼攝其餘二司事宜海軍處六司內暫先設三司俟各該處事務日增再照原擬司科分別次第添設此則臣等爲軍諮海軍姑立始基而徐圖將來府部之推行盡利者也至陸軍部及軍諮海軍兩處員司自丞參正副使以次下至錄事所有人員數踰各部蓋

以兵部練兵處太僕寺三衙門合併而成實綜軍政馬政軍謀軍學四大端事類殷繁百端待理勢不得過從簡略至臣部原有一應實缺候補人員并由臣等慎選詳察如有庸惰不職者亦卽隨時奏明撤退以資整飭其餘未盡事宜容臣等陸續議擬具奏謹將陸軍部章制辦法及軍諮海軍兩處章制分繕清單恭呈 御覽如蒙 俞允俟奉 旨後卽由臣部欽遵辦理抑臣等更有進者臣部以新舊三署合而爲一論舊制則統須整頓論新法則亟待擴充而綜厥指歸胥以有裨軍事爲準惟其間辦法迥異歸併伊始融洽實難且各署人員或籌計新軍或職司部務平日辦事既兩不相謀遽令合參亦多鑿柄臣等所爲遲迴審顧議久未定者職是之由此次所擬應司章制新舊統籌寓合於分以期融會然究係權宜之計未敢謂久遠之圖嗣後軍備恢張編練日盛學堂徧設成材日多則事務無分新舊條目無論洪纖均得相時制宜酌籌更變正可以章制改良之次第爲軍隊進境之明徵臣等斷不敢以經始之人膠執成見應俟試行以後切實體驗如有應行損益之處或二三年而一變或五六年而再改謹當隨時奏請遵行總期戎政修明顯若畫一以仰副 朝廷經武圖強變通久大之至意謹 奏奉 旨依議欽此

謹將擬訂陸軍部章制敬繕清單恭呈 御覽 部務總綱 一欽遵 諭旨兵部改

內 務

軍機處陸軍部會奏核議陸軍部官制並酌擬辦法摺

三百十九

丁未

爲陸軍部以練兵處太僕寺併入總理全國陸軍事務 一陸軍部統轄京外陸軍及旗綠各營軍人軍事并關涉軍事之各項學堂及軍械製造局廠 一陸軍部有釐定糾正各省陸軍事宜之責至關係軍制餉章及一切重大事件應由陸軍部酌擬會商軍機大臣奏請

欽定 一京外陸軍任職補官及旗營官員并未裁綠營官員升調選補各事皆由陸軍部考驗核定分別奏咨辦理 一凡京外陸軍及旗綠等營所需經費應由陸軍部會同度支部核辦 一陸軍部設承政參議二廳及軍衡軍乘軍計軍實軍制軍需軍學軍醫軍法軍牧等十司分理部務 一陸軍部所用各項人員於每季季首開具職名清單奏報一次 官員職掌 一承政廳掌本部文牘收發經費出入各官差缺各員功過並全部庶務凡不歸各司事項皆屬焉以兵部之滿檔房司務廳派辦處收支所武庫司之俸餉股及練兵處之文案收支兩處改併區爲祕書典章庶務收支四科分理廳務左丞專司祕書典章兩科事項右丞專司庶務收支兩科事項又別設從事官爲陸軍部堂官傳宣辭令接待賓客附於該廳之內 一參議廳掌規畫軍事考訂章制研究訪查詳議決議等項事宜凡一應飭議提議調查密查之件皆屬焉左參議專司核議本部及軍隊學堂局廠章制並應辦各事項右參議專司稽察本部及軍隊學堂局廠章制并應辦各事項該廳擬不設科分設

諮議檢察等官分理廳務 一軍衡司掌武職月選旗綠營官弁輪升拔補暨磨襲封典各項事宜凡舊隸兵部武選司事件皆屬焉區爲邊材任官製磨旗務四科分理司務 一軍乘司掌軍臺驛站牌票貢馬軍馬各項事宜凡舊隸兵部車駕司所掌除各牧場事宜劃歸軍牧司外其餘各項及由武庫司內劃出遺配等事件皆屬焉區爲驛傳銷算配成三科分理司務其捷報處馬館仍舊設立一切事宜隸屬該司 一軍計司掌陸軍官佐之補官任職並旗綠防營員弁之敘功議過各項事宜凡舊隸兵部職方司練兵處考功科事件皆屬焉區爲考績策勳卹賞議罰四科分理司務 一軍實司掌器械彈藥一應軍裝製造存儲銷用各項事宜凡兵部武庫司所掌除將俸餉遺配等事劃出外其餘各項及工部劃歸各項並練兵處器械科事務皆屬焉區爲製造保儲二科分理司務 一軍制司掌陸軍一切制度編制徵調補充各項事宜以練兵處蒐討科改設益以要塞工程等事區爲搜簡步兵馬兵礮兵工兵輜重兵臺壘七科分理司務 一軍需司掌陸軍軍隊及各學堂局廠薪資餉項軍裝建造並經理人員教育各項事宜以練兵處糧餉科改設區爲統計糧服建造三科 一軍學司掌陸軍各學堂教育及各項隊伍操法官兵學術教練程度各項事宜以練兵處原設之軍學司所屬訓練教育兩科歸併設立區爲教育步隊馬隊礮隊工程隊輜重

內 務

軍機處陸軍部會同核議軍部官制並酌擬辦法

三百二十一

丁未

除要塞礮隊七科分理司務其原屬之編譯一科改設爲編譯局專隸該司職仍專掌一軍醫司掌陸軍衛生療傷醫藥及軍醫馬醫教育各項事宜以練兵處醫務科改設區爲醫務馬醫二科分理司務一軍法司掌陸軍一切法律及陸軍監獄各項事宜以練兵處法律科改設不分科一軍牧司掌各項馬匹孳生牧養及整頓改革頒行馬政各項事宜以併入之太僕寺改設並舊隸兵部車駕司之牧場事件皆屬焉區爲均調蕃殖二科分理司務廳司員缺一承政廳設左右丞各一員承發官二員祕書典章庶務收支四科各設科長一員共設一二三等科員二十員一二三等譯員五員錄事十四員又別設正副從事官各一員一參議廳設左右參議各一員承發官一員分設一二三等諮議官一二三等檢察官均無定額錄事十二員一軍衡司設司長一員承發官一員選材任官聽廢旗務四科各設科長一員共設一二三等科員三十二員錄事十二員一軍乘司設司長一員承發官一員驛傳銷算配戍三科各設科長一員共設一二三等科員十八員錄事十二員另設捷報處總辦一員辦事官六員錄事二員又馬館監督一員錄事二員一軍計司設司長一員承發官一員考績策勳卹賞議罰四科各設科長一員共設一二三等科員三十三員錄事十二員一軍實司設司長一員承發官一員製造保儲二科各設科長一員共設

一二三等科員十六員繪圖員藝師藝士各一員錄事八員 一軍制司設司長一員承發官一員搜簡步兵馬兵礮兵工兵輜重兵臺壘七科各設科長一員共設一二三等科員二十六員繪圖員藝師藝士各一員錄事十二員 一軍需司設司長一員承發官一員統計糧服建造三科各設科長一員共設一二三等科員十五員錄事十二員 一軍學司設司長一員承發官一員教育步隊馬隊礮隊工程隊輜重隊要塞礮隊七科各設科長一員共設一二三等科員三十四員錄事十二員另設編譯局應設總辦提調收掌編纂譯述及應用各員隨時酌設不定員額 一軍醫司設司長一員承發官一員醫務馬醫二科分設科長一員共設一二三等科員八員錄事六員 一軍法司設司長一員一二三等司法官六員錄事六員 一軍牧司設司長一員承發官一員均調蕃殖二科各設科長一員共設一二三等科員六員錄事八員 一以上二十廳司於定額外如應添用科員辦事官譯員繪圖員藝師藝士錄事等隨時酌派均不作爲定額 充補章程 一承政廳左右丞二員參議廳左右參議二員應欽遵 諭旨由陸軍部堂官於試驗得力文武人員出具切實考語預行保薦聽候記名由軍機處開單請 簡 一承政廳四科科長以實缺候補郎中員外郎陸軍副協參領及同副協參領派充一二三等科員以實缺候補員外郎主事陸軍

內 務

軍機處陸軍部會奏核議陸軍部官制並酌擬辦法摺

三百二十三

丁未

正副協軍校及同正副協軍校派充又別設之正副從事官以陸軍副協參領派充 一參議廳一二三等諮議官檢察官由京外文武實缺候補人員內不拘官階遴選才具相宜之員分別奏咨調充 一軍衡軍乘軍計軍實四司司長以實缺候補郎中員外郎派充 一軍制軍學二司司長以陸軍正副參領派充 一軍需軍醫軍法三司司長以陸軍同正副參領派充 一軍牧司司長以陸軍正副參領或同正副參領及實缺候補郎中員外郎派充 一軍衡軍乘軍計三司科長以實缺候補郎中員外郎主事派充 一二三等科員以實缺候補員外郎主事七品筆帖式及陸軍正副協軍校分別派充 一軍實司科長以實缺候補郎中員外郎主事及陸軍正副參領分別派充 一二三等科員以實缺候補員外郎主事七品筆帖式及陸軍正副協軍校分別派充 一軍制軍學二司科長以陸軍正副參領派充 一二三等科員以陸軍正副協軍校及實缺候補員外郎主事七品筆帖式分別派充 一軍需軍醫二司科長以陸軍同正副參領派充 一二三等科員以陸軍同正副軍校及實缺候補員外郎主事七品筆帖式分別派充 一軍法司一二三等司法官以陸軍同協參領及同正副協軍校並實缺候補員外郎主事七品筆帖式分別派充 一軍牧司科長以陸軍副協參領及同副協參領並實缺候補郎中員外郎主事派充 一二三等科員以陸

軍正副協軍校或同正副協軍校及實缺候補員外郎主事七品筆帖式分別派充 一承政參議兩廳承發官以實缺候補員外郎主事及陸軍協參領正軍校並同協參領同正軍校派充各司承發官以七八品筆帖式及陸軍正副協軍校或同正副協軍校分別派充軍司錄事以筆帖式員外郎並未經授官之陸軍畢業生派充 一譯員繪圖員藝師以文武出身人員分別派充藝士酌量錄用 一捷報處總辦馬館監督以實缺候補郎中或員外郎派充捷報處辦事官以實缺候補員外郎主事七八品筆帖式派充編譯局總辦以下等員不論候補候選京外文武官及文武出身人員酌量派充奉 硃批覽欽此

謹將陸軍部現行辦法分條開列敬繕清單恭呈 御覽 一查前練兵處奏定陸軍官制係以三等九級軍官充補鎮協標各項軍職官與職分現在陸軍部既遵 旨統轄各省陸軍自應按照前練兵處奏定陸軍官制一律辦理所有新設各員除左右丞左右參議係請 簡員缺外自司長以下均定爲陸軍部職任以各項文武官員充任俾與各軍隊官職區分之制不相歧異 一陸軍部擬用之陸軍人員應補軍官軍佐遵照前練兵處奏定章程中其次等員應補官階仍循照舊例辦理至現定之司長以下各職係屬差缺卽仿照各部舊章點派各司掌印主稿等差之例由陸軍部堂官按照此次奏定充補章程遵

內 錄

軍機處陸軍部會奏擬議陸軍部官制並附擬辦法摺

三百二十五

丁未

員·派·充 一陸軍部以軍事爲重應全用陸軍出身及各專門學堂出身人員惟現在人才
缺·乏·自·應·就·練·兵·處·兵·部·太·僕·寺·各·項·人·員·內·量·才·器·使·俟·將·來·各·項·學·堂·造·就·人·才·數·用
即·應·統·用·陸·軍·各·學·堂·出·身·人·員·以·昭·畫·一 一擬設之兩廳十司係就部中例行事項及
陸軍應辦事項酌量區分歸併以杜淆混及漏略之弊至各廳司承辦事件即責成各該丞
參·司·長·等·稟·承·堂·官·尅·期·辦·理·俾·免·隔·閔·而·歸·迅·捷 一兵部向設滿漢郎中十八缺員外
郎十六缺主事十四缺太僕寺向設滿蒙員外郎四缺主事四缺共郎中員外郎主事三項
五十六缺現在除部司務主簿業由吏部奏請裁撤外擬將兵部太僕寺原設額缺變通併
改·擬·定·郎·中·爲·十·六·缺·員·外·郎·爲·十·八·缺·主·事·爲·二·十·二·缺·仍·符·五·十·六·缺·之·數·又·兵·部·向
設·筆·帖·式·九·十·四·缺·太·僕·寺·向·設·筆·帖·式·十·六·缺·茲·併·爲·筆·帖·式·一·百·十·缺·其·各·項·額·缺·擬
統·爲·陸·軍·部·全·部·文·武·員·缺·即·名·曰·陸·軍·部·郎·中·員·外·郎·主·事·等·官·不·繫·以·司·並·不·分·滿·漢
額·缺·其·各·項·應·補·應·升·並 記·名·截·取·保·送·等·項·及·遇 京·察·年·分·均·循·照·定·章·辦·理 一
所·有·郎·中·員·外·郎·主·事·筆·帖·式·均·以·原·有·官·階·分·別·補·充·各·廳·司·職·任·如·有·所·充·職·任·係·辦
理·軍·事·各·項·願·改·就·軍·官·軍·佐·者·應·由·陸·軍·部·堂·官·考·核·果·能·勝·任·再·行·奏·明·辦·理 一軍
官·軍·佐·現·在·既·與·郎·中·員·外·郎·主·事·筆·帖·式·同·任·陸·軍·部·職·務·即·屬·陸·軍·部·部·員·與·在·行·營

充任軍職者不同應一律訂定額缺以歸畫一擬比照郎中員外郎主事額數定爲正參領八缺同正參領四缺副參領十二缺同副參領六缺協參領十八缺同協參領八缺共五十六缺又擬比照七八九品筆帖式額數定爲正軍校十八缺同正軍校八缺副軍校二十四缺同副軍校十二缺協軍校三十二缺同協軍校十六缺共一百十缺統爲陸軍部官佐員缺其補缺升轉及與各軍鎮陸軍各學堂遷轉調用另訂章程奏明辦理 一陸軍部事務日繁如額設官佐不敷任用應以各軍鎮官佐及文武知兵人員分別調用 一現在由各省及各衙門調用各員暫以原有官階分別補充各廳司職任查明果能勝任將來或補陸軍部對品文職或補軍官軍佐由陸軍部堂官分別請補 一此次擬訂充補章程廳司各項職任內有應以官佐派充者惟名器宜慎此項官佐一時未能全行奏補擬請暫以曾任練兵處職務之得力人員按其原充差缺之資格酌量派充俟陸續奏補官佐人員足敷任用再當悉照充補章程辦理 一各廳司應用之譯員繪圖員藝師藝士等員現在應不拘資格暫以原有官階及原有出身分別派充或察其資格所及酌補陸軍軍佐等官一俟各項學堂人才輩出再行擬訂充補章程奏明辦理以示限制 一各廳司應用錄事暫由兵部太僕寺現有之筆帖式外郎及練兵處現用之清書內分別選充如有不敷擬酌調候選

內 務

軍機處陸軍部會奏核議陸軍部官制並酌擬辦法摺

三百二十七

丁未

八九品官及各項學堂畢業生並八旗外郎考充 一此次奏擬各廳司章制僅舉大綱至各科詳細條目及辦事規則應由陸軍部堂官督飭各員條列事宜次第酌定 一此次擬設十司每司所設各科均係就現行事項從簡設置惟推行以後自應隨事擴充恐現設之司科將來不足包舉全局尙應增司置科以求完備應由陸軍部堂官體察情形隨時奏明辦理 一此次擬設科員額數亦係經再三核減如將來事務日繁須添員額屆時亦妥核奏明辦理至現設員額如人才實在不敷未能全數充補則亦任缺毋濫 一陸軍部直轄之軍鎮學堂局廠歲需經費應隨時會同度支部奏明辦理至部內應支經費當另行核明具奏奉 硃批覽欽此

謹將擬訂軍諮處章制並官員額缺及現行辦法繕具清單恭呈 御覽 一軍諮府遵旨暫歸陸軍部辦理謹擬暫名爲軍諮處 一軍諮處稟承陸軍部堂官掌理全國籌防用兵事務將練兵處原設軍令司應辦之件統行併入 一凡關於規畫籌防用兵及重要事件由軍諮處慎密酌擬呈請陸軍部堂官覆核會同軍機大臣具奏請 旨遵行 一軍諮處稟承陸軍部堂官管理陸軍各參謀官檢察參謀官之報告與參謀官之教育及該處所屬人員補官黜陟並陸軍大學堂測繪學堂及駐紮各國武官等項事宜 一軍諮

處暫設正使一員管理全處事務副使一員幫同管理承發官二員錄事四員分別經理文牘及一切庶務凡不關涉各司科之件皆歸職掌 一軍諮處擬設五司分任職掌（除測地司外其第一至第四等司科職掌事宜另行開單陳明） 一第一司掌第一第二第三第四等科事宜擬設司長一員承發官一員每科科長一員一二三等科員十二員一二三等譯員五員錄事八員 一第二司掌第五第六兩科事宜擬設司長一員承發官一員每科科長一員一二三等科員四員錄事六員 一第三司掌第七第八第九第十第十一等科事宜擬設司長一員承發官一員每科科長一員一二三等科員十員錄事八員 一第四司掌第十二第十三第十四第十五等科事宜擬設司長一員承發官一員每科科長一員一二三等科員九員錄事六員 一測地司掌陸路測量繪圖及測量人員教育並各測繪學堂等項事宜區爲三角地形製圖三科擬設司長一員承發官一員每科科長一員一二三等科員六員藝師四員藝士八員錄事八員 一以上五司於定額之外如應添用科員譯員藝師藝士錄事等隨時酌派均不作爲定額 一軍諮處正使秩視陸軍協都統擬暫由陸軍部堂官遴選相當人員比照陸軍部丞參員缺例具奏請 簡副使秩視陸軍正參領擬由陸軍部堂官選擇相當人員二三員開單奏請派充 一由第一至第四司司

內 務

軍機處陸軍部會奏核議陸軍部官制並酌擬辦法摺

三百二十九

守未

長以陸軍協副參領派充 一測地司司長以陸軍同正副參領派充 一由第一至第四各司科長以陸軍副參領派充一二三等科員以陸軍正副協軍校派充 一測地司科長以陸軍同副協參領派充一二三等科員以陸軍同正副協軍校派充 一正副使所屬及五司承發官一二三等譯員藝師藝士錄事等員均照陸軍部充補章程辦理 一軍諮處應用官佐亦應比照陸軍部訂定額缺擬訂正參領四缺同正參領一缺副參領六缺同副參領一缺協參領十缺同協參領二缺中等三級官二十四缺正軍校十缺同正軍校二缺副軍校十二缺同副軍校三缺協軍校十六缺同協軍校五缺共下等三級官四十八缺其補缺升調一應章程酌照陸軍部辦理 一軍諮處應用官佐既訂額缺則自司長以下各員自應悉照定章補以官佐惟名器宜慎一時未能全行奏補擬由曾任練兵處職務人員內擇其學術優長尤爲得力者酌量派充俟陸續奏補官佐人員足數任用再當悉照定章辦理 一軍諮處開辦之初事務尙簡所有五司暫尙無庸統設除測地一司應行照設外其餘四司擬姑設第一第二兩司兼攝第三第四兩司事宜其軍官軍佐應設額缺亦準此酌減先照六成設置俟該處成立以後職務日增由陸軍部堂官察核情形將應設司科及應置額缺隨時奏明推廣設立 一各司科人員應全用軍事出身之人惟創設伊始擇

材爲難暫擬參用京外文武人員俟數年後人材敷用仍須專用軍事出身人員以昭畫一
一軍諮處爲設立軍諮府始基應實力經理以期日起有功一俟規模大備應否改爲軍
諮府之處由陸軍部奏明請 旨辦理 一軍諮處每年額支活支各款另行核明具奏
奉 硃批覽欽此

謹將擬訂海軍處章制並官員額缺及現行辦法繕具清單恭呈 御覽 一海軍部遵
旨暫歸陸軍部辦理謹擬暫名爲海軍處 一海軍處管理全國海軍政務將練兵處
軍學司原設水師科及工部劃出船政等事宜統行併入 一海軍處凡關海軍釐訂章制
考究教育節制海軍人員監督造械及造船廠塢並擴充辦法等項事宜皆屬焉 一凡海
軍應辦事件及人員補官黜陟皆由海軍處詳慎酌擬呈請陸軍部堂官核定分別奏咨辦
理 一海軍處暫設正使一員管理全處事務副使一員幫同管理承發官二員錄事四員
分別經理文牘及一切庶務凡不關涉各司科之件均歸職掌 一海軍處擬設六司分任
職掌 一機要司掌海軍規制礮械駕駛輪機等項事宜區爲制度籌械駕駛輪機四科擬
設司長一員承發官一員每科科長一員一二三等科員十二員錄事六員 一船政司掌
修造建築等項事宜擬不分科設司長一員承發官一員一二三等考工官共五員藝師一

內 務

軍機處陸軍部會奏核議陸軍部官制並酌擬辦法摺

三百二十一

丁未

員藝士二員錄事六員 一運籌司掌籌畫海戰事考核教育及應行測繪等項事宜區爲謀略教務測海三科擬設司長一員承發官一員每科科長一員一二三等科員共六員藝師二員藝士三員錄事六員 一儲備司掌海軍收支經費製購裝服存儲軍糧及一切品物等項事宜區爲會計服用屯積三科擬設司長一員承發官一員每科科長一員一二三等科員九員錄事六員 一醫務司掌海軍衛生治療傷病製配醫藥等項事宜擬不分科設司長一員承發官一員一二三等醫官五員錄事六員 一法務司掌海軍一切法律等項事宜擬不分科設司長一員承發官一員一二三等司法官四員錄事六員 一以上六司於定額之外如應添用科員考工官醫官司法官藝師藝士錄事等隨時酌派均不作爲定額 一海軍處開辦伊始職務尙簡所有此次擬設六司現尙無庸統設擬先設前三司後三司暫從緩設俟該處成立以後職務日增由陸軍部堂官察核情形將應設司科隨時奏明推廣設立 一海軍處正使秩視陸軍協都統擬暫由陸軍部堂官遴選相當人員比照陸軍部丞參員缺例具奏請 簡副使秩視陸軍正參領擬由陸軍部堂官遴選相當人員二三員開單奏請派充 一各司科人員應全用海軍出身之人惟目前擇材爲難暫擬參用京外文武人員酌量充補俟數年後人才敷用仍專用海軍出身人員以歸畫一

一從前海軍人員係按奏定海軍章程照綠營官制充補現擬仍暫循舊章辦理嗣後當比照奏定陸軍三等九級官階並設置官佐額缺另訂章制續行奏明請旨遵行一海軍處爲設立海軍部始基應實力經理以期日起有功一俟規模大備應否改爲海軍部之處由陸軍部奏明請旨辦理一海軍處每年額支活支各款另行核明具奏奉 硃批覽欽此

考察政治館奏議覆御史趙炳麟奏請改給事中爲殿中侍御史摺

本年正月十九日准軍機處鈔交御史趙炳麟奏請改給事中爲殿中侍御史一摺奉 旨著考察政治館會議具奏欽此正月二十二日復准鈔交都察院奏 御製碑亭擬請仍令給事中等守護至督撫等應領 敕書請向內閣具領等語奉 旨著考察政

治館一併議奏欽此該御史原摺內稱今之給事中略似唐時殿中侍御史之職擬請將給事中二十員改名殿中侍御史秩正四品言路有此升階不致終身沉滯至殿中侍御史出缺應照補科缺舊例由吏部帶各道御史全行引 見帶引之序則按資俸各等語查殿中侍御史一官始於曹魏汰於明初中間晉唐宋金各代均經設置其職掌各有參差員缺亦互有增減大抵唐以前多主禁衛宋以後專糾朝儀與現在給事中官制不甚相符且擬

內 務

考察政治館奏議覆御史趙炳麟奏請改給事中爲殿中侍御史摺

三百二十三

丁未

升秩四品係爲臺班升轉起見若將二十員全數升改似於體制亦有未協應請毋庸置議惟六科既已裁併給事中與御史同爲朝廷耳目之官地居清要職在激揚若寬予遷轉之階更足以資鼓勵擬請於各給事中內升設掌印給事中二員秩正四品內以三四品京堂爲升轉之階外以三品員缺聽候簡用新設掌印給事中二缺擬照科道輪升四五品京堂成例略爲變通由都察院堂官秉公保送給事中六員各道御史六員咨由吏部帶領引見恭候簡定嗣後遇有缺出卽照此次定章辦理其原設給事中員缺應改定爲十八員給事出缺仍照舊咨由吏部以全班御史帶領引見給事中御史京察亦照舊例考核如蒙俞允應請改鑄給事中印一顆文曰給事中印以資信守至都察院所奏各節現在給事中旣已另頒印信自可在六科舊署合併辦事所稱御製碑亭仍由該給事中照舊守護將軍督撫都統提鎮等官應領敕書逕向內閣具領一應禮節卽在內閣恭行均應如都察院所奏辦理以昭敬慎而歸簡易謹奏奉旨依議欽此

民 政 部 奏 請 釐 訂 民 律 摺

竊近年朝廷力行新政銳意自強凡釐定官制修訂法律一切因革損益之舉無不次第

實行仰見 聖主眷念民依更新百度之至意欽服莫名伏念民惟邦本經訓昭然中外古今治無或異臣部職司所繫爲民查歐美日本皆以此爲內務行政之樞紐惟是規模初具綿叢方新凡所設施略無成軌自非立法周詳相爲表裏將欲變通盡利其道無由查東西各國法律有公法私法之分公法者定國家與人民之關繫卽刑法之類是也私法者定人民與人民之關繫卽民法之類是也二者相因不可偏廢而刑法所以糾匪僻於已然之後民法所以防爭僞於未然之先治忽所關尤爲切要各國民法編制各殊而要旨宏綱大略相似舉其犖犖大者如物權法定財產之主權債權法堅交際之信義親族法明倫類之關繫相續法杜繼承之紛爭靡不縷晰條分著爲定律臨事有率由之準判決無疑似之文政通民和職由於此中國律例民刑不分而民法之稱見於尙書孔傳歷代律文戶婚諸條實近民法然皆缺焉不完李悝六篇不載戶律漢興增廟戶爲三北齊析戶婚爲二命曰婚戶隋唐復更定次第改爲戶婚 國家損益明制戶律分列七目共八十二條較爲完密第散見雜出於刑律之中以視各國列爲法典之一者猶有輕重之殊因時制宜折衷至當非增刪舊律別著專條不足以昭整齊畫一恭查上年七月十三日 上諭釐定官制預備立憲並將各項法律詳慎釐訂等因仰體 聖謨深思職守竊以爲推行民政澈究本原

尤必速定民律而後良法美意乃得以挈領提綱不至無所措手擬請 飭下修律大臣斟酌中土人情政俗參照各國政法釐定民律會同臣部 奏准頒行實爲圖治之要謹奏奉 旨依議欽此

民政部奏請查戶口以舉民政摺

竊臣部會奏官制職掌章程內開民治司掌編查戶口事項查光緒三十二年二月御史王步瀛奏陳江西教案妥籌辦法摺內請飭巡警部清查戶口民教區分格受約束免釀巨患奉 旨各該衙門知道欽此由軍機處片交到部嗣御史顧瑗奏陳清釐戶口宜刊定格式頒發各府廳州縣飭令認真稽核照式登記經臣部會同政務處覆奏據稱現在各省擬設巡警專官一切調查之法自宜博考舊章參酌西法並擬定戶口總數表式分門別類奏明頒行各省每年按表填寫彙總報部其詳細冊籍謹存該管官廳備案光緒三十二年五月二十四日奉 旨依議欽此又准學部咨稱現在教育漸期普及請飭清查戶口委員另立冊籍註明某戶七歲以上兒童幾人曾否入學查齊送部各等語臣等竊維練兵興學理財清匪各要政無事不以清查戶口爲先是以京城內外戶籍業將查竣實數並續查丁口情形奏明有案京城內外城街巷均已挨戶列號釘牌按號登冊其姓名籍貫及各項職

業分別註明遇有遷移來去均按號添入至各該廳區內學堂若干廟宇若干外國商業若干均另立冊籍申報臣部備查現將續查丁口擬分別大小男女若干口並每戶七歲以上兒童幾人曾否入學有無現充兵役等事詳細登註各省事同一律自應遵照辦理擬請

飭下各省將軍督撫於省城地面責成警察總局外府州縣責成各該地方官按照頒發表式逐項清查俟查竣後分別填寫總表彙齊報部其詳細冊籍謹存該管官廳備案無庸送部從前各省之民數冊八旗之比丁冊亦應改歸一律不必另行造送以杜紛歧現在外省官制未定人民程度不齊若遽做行東西各國戶籍等第之法既繁且曠誠恐窒礙難行而練兵興學理財清匪爲當今刻不可緩之圖若奉行故事或久不造報或造報不實無論臣部編查戶口將成具文卽各省舉行要政亦恐難有起色擬自此次奉 旨之日起卽由臣部督飭內外廳丞並通行各省將軍督撫無分旗籍民籍一體認真舉辦如一二年後辦有成效則國民程度日進文明卽 國家法律亦可漸期完密再由臣部參酌東西各國戶籍法悉心編纂請 旨欽定頒行以規久遠謹 奏奉 旨依議欽此

民政部奏請通飭各省酌裁民壯募練巡警摺

竊維內治之整飭首以安民去蠹爲先警政之推行貴有因時制宜之計臣等前於光緒三

內 務

民政部奏請通飭各省酌裁民壯募練巡警摺

三百二十七

丁未

十二年正月二十五日片奏請飭各省將辦理巡警情形報部彙核等因前經欽奉 諭旨允准咨行各省在案一年以來迭據各省先後奏報咨覆到部臣等參閱章程旁徵輿論如直隸之天津保定奉天四川廣東省城警察辦法尙稱完備漸有可觀其餘各省或形式已成而精神未具或初基甫立而規制尙疏若邊瘠地方風氣未開因陋就簡者有之暫議緩辦者有之大抵地方情形不同故辦法暫難畫一方今民政百端待舉通籌緩急警察爲保民要圖自應推廣實行力求溥及現在各省府廳州縣及鄉鎮地方舉辦警察有循保甲之規制而變其名者有以團營巡勇鄉勇改者有以綠兵改者有以鄉鎮原有之巡夫人等改者有專用巡警者力求實際固不乏人而粉飾因循亦在所不免蓋事屬創辦得人非易而就地籌款愈覺爲難查州縣原有民壯捕役等項每縣額設不過百名工食至微而白役之數多且逾千平日於緝捕盜賊遞送公文全無實際惟日以生事擾民爲業小民一訟之擾累一票之誅求雖有循良亦爲蒙蔽荼毒靡窮實民生之蠹賊又查衝繁州縣間有招募團練勇丁者其餉項或借資公款或出於捐廉或攤之商捐地捐雖捕盜較爲得力而控馭亦多有失宜自非一以警察齊之深足滋流弊而糜餉款總之各省民壯捕役鄉勇等果能顧名思義克盡厥職則詰奸禁暴何一非巡警應服之職務祇以習慣沉痾時至今日勢不

得不議更張前山西撫臣趙爾巽籌辦晉省巡警奏准裁汰捕役等項改募樸實壯丁作爲巡警在案臣等維警察爲治安根本必須先去民蠹迺能保安民生該撫臣因時制宜不但爲目前講求民治之要端抑且於警察藉資挹注各省仿照推行自無窒礙擬請 飭下各省督撫將軍通飭所屬府廳州縣查明民壯捕役等項額設若干工食若干舊有練勇數若干籌給餉項若干詳報臣部一面嚴飭酌量裁汰改設巡警增給餉薪各設警務傳習所一所更番訓練以應急需自此次裁汰改練之後各該地方官不得徒飾虛文藉詞搪塞至地方之繁簡形勢之險易民俗之馴悍經費之贏絀各處情形不同應如何增減變通之處由地方官酌量辦法稟明督撫將軍核酌分別奏咨以期逐漸擴充庶可衛閭閻而課成績臣等明知民壯各役工食無多原不敷改設巡警之用惟此項人等惡習過深久爲民患與其仍留各役爲害地方何如改用巡警可裨治本又各省巡勇鄉勇等向有捐費頗鉅如以移辦巡警自可化無用爲有用是全在地方官之辦理得法而已謹 奏奉 旨依議欽此

度支部外務部吏部陸軍部民政部奏議覆駐藏大臣聯奏陳藏中擬辦事宜摺
駐藏辦事大臣聯豫奏詳陳藏中情形及擬辦事宜一摺光緒三十三年二月初五日奉

內 務

度支部外務部吏部陸軍部民政部奏議覆駐藏大臣聯奏陳藏中擬辦事宜摺

三百三十九

丁未

內 務

度支部外務部吏部陸軍部民政部奏請置駐藏大臣聯奏陳藏
中擬辦事章程

三百四十

七月

硃批該部議奏單併發欽此欽遵由軍機處鈔交到部據原奏內稱藏人愚頑性生罔知利害且心懷疑貳計惟有先行練兵以樹聲威而資震懾其餘新政應分次第陸續舉辦惟練兵則以籌餉爲急務而籌餉實較練兵爲尤難查巴塘以內川滇邊務大臣趙爾豐自必竭力經營奴才擬自甯靜山以西由江卡以至前藏後藏定日靖西等處所有武員糧員及所設制兵應請一律裁撤而沿塘之兵係因傳遞摺奏公文而設刻下電線未通郵局未立此項兵丁似宜仍舊其扼要處所則仍留二三武弁以管轄之通年計算員弁工薪並各兵丁原餉約可得銀十餘萬兩又駐兩藏大臣文武官員及兵丁等向有商價一項每年約得銀三四千兩擬將此項一併歸公作爲兵餉此外則實無款可籌奴才現擬先照新章練兵六千以一千駐察木多因其地爲駐藏通衢川滇商旅會集之所以三千駐前藏以二千分駐靖西後藏江孜等處有事則察木多之兵固可應調卽川滇邊務大臣與川省之兵亦俱可以接應再將番兵一併歸我訓練則緩急可得萬餘人他日若能另籌款項再行擴充惟關外道遠且險內地兵丁多不願來若盡用番民又恐不足深恃奴才再四思維擬用漢人六成用達木及三十九族之人四成凡什長均以漢人充當諒無他慮然新章餉項在內地則爲優在藏中則猶覺不足道阻且長諸物昂貴似亦非略爲變通不可卽以六千之數計

之每年十餘萬兩斷不足用況開辦之始建造營房添置器械及員弁兵丁之盤費等事在所費不資擬請 旨飭下部臣會議或由度支部或由某省先撥銀數十萬兩以爲興辦之資容奴才再向番官熟商若有可以勸籌之處必當極力設法以濟時艱所有擬辦之事另摺開呈 御覽並據單開規復藏中銀錢優給隨員薪水酌予保案及裁改官缺各等因度支部查該大臣籌議藏務首重練兵而練兵之款則擬裁撤該處武員糧員及所設制兵騰出薪餉等銀十餘萬兩並將駐藏大臣及所屬官兵向有商價三四千兩一併歸公抵充練兵餉項且擬向番官熟商設法勸籌具見該大臣就地籌款之苦心至謂練兵以籌餉爲急務而籌餉實較練兵爲尤難其言更屬中肯惟該大臣請撥銀數十萬兩並未聲明確數臣部礙難懸斷但就原奏清單參互鉤稽似需款尙不甚鉅且部庫與各省同一支絀卽勉強挪湊亦斷難躊躇滿志再四商酌擬於四川鹽務項下暫撥銀十萬兩並於廣東鹽務溢收項下暫撥銀十萬兩共計二十萬兩加以該大臣所籌十餘萬兩並由臣部擬撥鑄錢機器一分約值價銀二十餘萬兩通盤核算已在五十萬兩以外該大臣卽儘此款斟酌布置樽節動支計已差足濟事如有不敷再由該大臣就地籌補以期共體時艱其裁撤官兵究竟騰出若干並歸公商價若干以及常年應需經費若干應令確核細數奏明辦理至

丙 稿

度支部外務部吏部陸軍部民政部奏議覆駐藏大臣聯奏陳藏中籌辦事宜摺

三百四十一

丁未

內 務

度支部外務部吏部陸軍部民政部議事處駐藏大臣聯元陳崧
中擬辦事宜摺

三百四十二

七月

原奏所稱擬先照新章練兵六千等因一節陸軍部查藏地密邇鄰境屏蔽西南形勢甚爲重要該大臣既擬編練新兵以重國防自應查照奏定章程酌練步隊一標或數營儘已籌之常年經費及此次挪撥之款妥爲規畫調用知兵人員招募合格兵士聚集教練俟稍著成效再爲擇要駐紮以後如有勸籌的款應行隨時擴充以重戎備至所擬併練番兵及編練新軍擬用漢人六成達木及三十九族之人四成凡什長均以漢人充當辦法尙屬可行應准照辦又原奏內稱新章餉項在內地則爲優在藏中則不足擬請略爲變通自係實在情形惟如何變通之法未據詳敘無憑核議所有營制餉章建造營房添置器械一切詳細辦法應由該大臣妥速籌畫奏明辦理又清單內開藏中銀錢仍宜規復舊制一條據稱乾隆五十八年大學士福康安奏准藏中所行銀錢派員監造正面爲中文乾隆寶藏四字背面爲唐古忒文亦乾隆寶藏四字嗣後嘉慶道光年間均照此式鼓鑄每圓番平一錢五分合庫平一錢以十圓爲一兩通行藏衛不知何年停鑄現在所行者均係商人所鑄並無國號四川前鑄藏圓每圓庫平三錢二分打箭爐一帶爭用之至藏中則市價太低尋常一圓抵作二錢四五分極漲之時從未過三錢若發給兵丁雖照三錢二分兵丁已不能堪擬請飭下四川督臣嗣後應解前藏之餉若干靖西之銅若干盡數仍解紋銀到藏之後由

奴才派員監造照從前式樣正面鑄光緒寶藏背面用唐古忒文以期利用既免匯兌之費且可得盈餘之利若通年以四十萬計之按照二成配銅正面銅價工費外歲可得萬餘金創辦之始添購機器及每年運銀入廠沿途賞需等費均於盈餘項下開除另款存儲以備別項公用等語度支部查光緒三十一年十二月據四川總督錫良奏請仿造印度盧比每圓重三錢二分發充藏餉當經臣部會同財政處議准在案今該大臣以四川仿照印度盧比所造藏圓至藏中行用市價太低請照乾隆年間成案由該大臣自行鑄造每圓重庫平一錢之銀圓以期復舊制而順輿情尊主權而利行用自當准如所奏辦理應請 飭下四川總督將嗣後應解藏餉全數解銀交給駐藏大臣自行鑄造銀圓發充餉項其四川所鑄三錢二分之藏圓雖不便於西藏而打箭爐一帶尙堪行用今藏中既自鑄藏圓此項四川所鑄藏圓應否停鑄應由四川總督察看情形奏明辦理惟查乾隆五十七年議准西藏鑄造銀幣共有三種均以純銀製造大者重一錢五分次一錢又次五分其重一錢五分者以六圓易銀一兩重一錢者以九圓易銀一兩五分者以十八圓易銀一兩六圓抵易銀一兩均得餘利一錢以充鑄造之費迨五十八年又以所鑄重一錢五分者不便於用奏准停鑄嗣是僅鑄重一錢及五分者計二種今該大臣請復舊制是否祇鑄庫平一錢重者抑仍兼

內 務

度支部外務部吏部陸軍部民政部奏請鑄藏圓大臣鑄奏陳請
中擬辦事宜摺

三百四十三

下未

內 務

度支部外務部吏部陸軍部民政部奏鑄駐藏大臣關奏鑄
中擬辦事宜摺

三百四十四

七月

鑄五分重者原奏未經敘及又上年四川所鑄藏圓卽係仿照印度盧比之式何以藏中能行彼之盧比而不能行我之藏圓其故安在乾隆年間所鑄銀幣全用純銀至今藏人猶有寶而藏之者今配銅二成恐與乾隆年間藏中所鑄有異而與上年四川所鑄無殊究竟能否暢行無滯原奏亦未敘及事關圖法不厭求詳應令查明聲覆至所需機器該大臣原擬於鑄錢餘利項下開支惟創辦之初安得遽有餘利購買機器查四川重慶銅圓局現已停鑄自可移緩就急擬請 飭下四川督臣卽將該局所存鑄錢機器全分撥給駐藏大臣領用以期便捷而資節省其此項機器自川入藏所需運費應由駐藏大臣自行籌備並令將嗣後鑄錢餘利專款存儲抵充餉需毋得擅行挪用又單開駐藏隨員優給薪水一條據稱駐藏大臣祇准奏調四員咨調二員奏調每員月給薪水銀六十兩咨調每員月給薪水銀三十兩道路險遠物價昂貴各省人員往往皆不願來駐藏大臣時有乏才之艱擬請仿照出使各國章程凡隨員等均月給薪水一百六十兩咨調者減半整裝歸裝亦照章一律給發等語度支部查西藏毗連川滇隸我版圖駐藏人員薪水等項本難比照出使各國章程一律辦理惟該大臣所稱道路險遠物價昂貴各省人員往往均不願來自係實在情形擬請准如所奏嗣後駐藏大臣隨員凡奏調者均月給薪水銀一百六十兩咨調者減半其

整裝歸裝兩項。凡到差滿三年者各照三箇月薪水銀數支給滿兩年者減三之一滿一年者減三之二仍照出使東洋章程統按六成核發至所請酌予保獎一節吏部查定章內開出使隨員三年期滿准照異常勞績保免補免選以應升之外官補用選用如外官保京堂京職及京官保各項班次並京職升階海關道翎枝等項一律議駁等語近年各洋保獎之案多係 特旨照准未便援引比擬伏思我 朝控馭諸夏若新疆伊犁塔爾巴哈臺等處道里與西藏大致相等向章各該處駐防期滿本准該管大臣酌保異常數員而年限遠近不同獨邊界清理積案之員則三年即准列保歷經臣部分別辦理在案今藏地雖遠同係隸我版圖以後駐藏隨員擬請三年差滿准由該大臣仿照新疆等處向章分別異常尋常勞績擇優請獎仍將隨員銜名並到差日期隨時咨部查核其未經咨部及不足三年者概不得率行列保庶名實既符而真才亦可以加奮又單開裁撤糧員改設理事官一條據稱關外糧員原爲沿途之制兵而設現擬裁去制兵招練新軍所有餉項自應統歸駐藏大臣派員收發糧員無事故請裁撤查察木多拉里前後藏等處漢民漸多從前漢番涉訟番官往往偏執漢民受虧全賴糧員爲之爭論或可持平斷結擬請裁去糧員之處均改設理事官一員專管地方詞訟仍由四川委派其公費津貼等容與四川督臣詳細商定再行具

內 務

度支部外務部吏部陸軍部民政部奏議覆駐藏大臣聯奏陳疏
中辦辦事宜摺

三百四十五

丁未

內務

度支部外務部吏部陸軍部民政部議覆駐藏大臣聯奏陳稿
中擬辦事宜摺

三百四十六

七月

奏等語吏部查定例四川打箭爐松潘雜谷等處同知五年俸滿如果盡心經理番民相安
題請量予優敘再留任三年該督於撫馭得宜政績卓著之員送部引見候旨錄
用其不能勝任者隨時撤回又光緒二十一年議覆駐藏大臣奎煥請設靖西同知案內請
將該同知管理漢番事務並管軍糧關務通商事宜作為邊俸調要缺三年俸滿由該大臣
會同四川總督於通省實缺同知內揀選對調各等語查關外漢民本係客寄未便徑設流
官故向章祇以員兼轄今既裁撤糧員則獄訟質劑勢必仰息番官而我之主權轉失該
大臣請於察木多拉里前後藏各處均設理事官專理民詞自應准如所奏於舊駐糧員之
所一律改設其山南一帶亦可酌量增添惟地方有煩簡品秩即應有等殺此項理事官是
否照理事同知或理事通判即作為定缺又內地應以何項人員調充任期若干應否照邊
俸例辦理原奏均未議及仍應飭下該大臣與四川總督詳細核議再行分別奏咨立
案至原單請將靖西關同知一缺改名理事官一節查當日奏設事有管理交涉通商要務
不僅軍糧一項似未可改易今名轉多窒礙應酌照東三省新設州縣兼理事銜之例即以
同知本官增兼理事銜字樣庶專管與兼管職守各判而全藏亦便於推行至所稱前藏各
糧員往往請銷之款不免浮冒迨至建昌道核駁之後該員以四川省無力清繳者有之疲

玩不繳者有之其數約在數萬以上等語度支部查冒銷餉項例禁甚嚴應請 飭下四川總督轉飭藩司按照該大臣所奏認真追繳悉數解藏否則嚴行參處以示懲警而重庫帑嗣後收支銅銀應令該大臣妥定章程奏明立案按年造具細冊報部核銷毋任稍滋弊混是爲至要謹 奏奉 旨依議欽此

學部陸軍部會奏議覆前商約大臣正黃旗蒙古都統呂奏舉行新政宜防隱患摺

竊臣等准軍機處片交商約大臣正黃旗蒙古都統呂海寰奏舉行新政宜防隱患一摺奉

硃批該部議奏欽此查原奏內稱科舉停罷學堂極爲鄭重應請 旨飭下學部嚴

定約束學生條律並責成各省提學使隨時稽查有不遵守章程動以散學相要挾者立予斥退等語學部查奏定學堂禁令內載各學堂學生不准聚衆要求藉端挾制停課罷學等事遇有本學堂增添規則新施禁令概不准任意阻撓抗不遵行犯者除立行斥退外仍分別輕重酌加懲罰各等語蓋欲造純美之學風必道德與法律相維相繫乃克有成學部疊經按照奏定章程切實聲明通行京外務令各學堂一律遵照嚴守規則嗣後仍當隨時考察倘各學堂學生有踰蕩行檢違悖禮教辨論囂張糾衆挾制者必按章懲辦以戢淺風而端士習又查原奏內稱遣派學生出洋游學成材固多然見異思遷者亦復不少卽如行文

內 務

學部陸軍部會奏議覆前商約大臣正黃旗蒙古都統呂奏舉行新政宜防隱患摺

三百四十七

丁未

內 務

學部陸軍部會奏議覆前商約大臣正黃旗蒙古都統呂壽寧等
新政宜防微慮積

三百四十八

七月

紀年直書黃帝甲子襲耶教之名詞置正朔而不奉又翦辦改裝皆仿西制以爲便利夫正朔服制爲帝王行政之大端倘該學生自爲其政紛紛效尤相習成風紀綱安在若謂出洋游學不妨暫時易裝然回華卽應復舊擬請 旨飭下該管衙門安定章程如有倡言不用正朔及無故改裝之學生或諸色人等均照違制律一例從嚴治罪等語學部查遊學生人衆品雜其根柢太淺者誠不免見異思遷之弊良由旅居海外放言高論國法家教均所不及學部於上年十月奏定管理遊學章程凡學生成績及在校外之行爲均須派員監察如果行文紀年不奉正朔是昧授時之大義視王章若弁髦紀綱具在豈能稍事姑容應責成該管監督隨時糾查一經查出其人卽當查明學部分別懲處至學生畢業回國之後已非游學可比若易服翦辮沿用西裝被服不衷駭人觀聽應由該管地方出示曉諭嚴行禁止至京外學堂學生冠服尤宜釐定均應敦尙質樸注重精神不得徒襲形式查奏定學務綱要內載各學堂學生冠服宜歸畫一以免雜亂卽或游行各處令人一望而知自可束身規矩令人敬重至各等學堂宜加區別以示優異尤須嚴禁學外之人仿製冒混等語惟查學生服式爲觀瞻所屬屢與各省咨商因關係較重非詳加酌核奏請 欽定未敢輕於定議至各學堂學生或係有職人員或係舉貢生監會典所載均有一定冠服前經學部通

行各學堂每逢 朝廷慶賀大典及開學散學春秋朔望一切行禮日期均當恪遵 功令不得稍有違異至練習體操意在尙武現在各處學堂均參仿陸軍部奏定服式尙以爲便其在講堂自習室准著便服但須力崇樸素不得染執袴氣習不得作奇異裝飾以端趨向而肅威儀應由學部咨行各省一律遵行陸軍部查新軍服式前經練兵處奏准通行在案嗣後各軍隊中如有不遵定制改用他裝以及翦去髮辮等事無論官員兵丁均卽斥革應由陸軍部通飭各鎮遵照隨時派員查察以昭嚴密又原奏內稱兵不曰募而曰徵使人人知兵爲可貴誠 聖朝整軍經武之至意也無如應徵者不皆血忱報國之徒亦不皆鄉里自好之士卽如松江府徵兵到蘇與駐蘇營勇交關此外江甯等處亦多因事互毆之案推原其故徵兵則自詡軍人程度營勇則自命久事從戎仇視之心由此而起迨肇事後當事者或念徵兵甫經入伍辦理亦頗爲難第恐加以矜恤適長其驕後來不易箝束等語陸軍部查各國徵兵之制係於各軍分割管區內按每年應徵之數計額徵兵凡男子已及歲者皆徵集於各軍營下抽簽選定使充兵役蓋無論爲士農工商皆當從事戎行執干戈以衛社稷誠所以盡國民之職務而振尙武之精神然必須戶籍查清教育普及而後乃足語此今中國風氣雖開而軍人資格尙多不及是以現行辦法尙屬募兵而非徵兵蓋係選募

內 務

學部陸軍部會議議覆前商約大臣正黃旗蒙古都統呂榮舉行
新設軍防團章程

三百四十九

丁未

土著之民以挽從前招勇不問來歷之積弊乃論者不察遽以徵兵目之而此等募兵亦輒以徵兵自居殊失循名責實之義查練兵處所定選募格式凡素不安分及犯有案者不得收取是立法本尙周密如果承辦之員認真選募所得皆樸誠勇敢之人復於入營後隨時教導勵其忠愛之忱勉以尊親之義將勇於公戰者自不致敢於私鬪今該大臣所陳各節固由新兵中必有一二不肖者瀰迹其間亦由承辦者辦理之不得其法應請 旨飭下各省督撫嗣後招募新兵應責成承辦各員慎選於應募之時凡桀驁驕張及不安本分者概不挑取至挑選入伍後當威愛兼施諭以服從軍律俾人知守法弭患無形並應照該大臣所奏遇有兵勇滋鬪之案尤宜秉公訊辦廉得其平無論舊勇新兵但論是非罔分厚薄總當辦理公允以潛消其互猜互忌之心庶足固衆志而息羣議至此項新兵食餉既厚且准援生監例於差徭則優免於訴訟則遣抱而在營數年又復訓練兼施藉以開其智識增其材技 國家教養之恩實已優於平民如退伍後竟有不安本分流而爲匪者自應如該大臣所奏照逃兵游勇律加等治罪以肅軍紀又原奏內稱徵兵退伍仍予養贍體恤誠爲周至竊恐庫款奇窘數年後兵數更多餉源益絀應妥慎籌備等語陸軍部查軍隊貴朝氣而忌暮氣非更番迭練不特餉力不給亦且兵力易疲是以練兵處前定退伍辦法正欲

使通國皆兵俾平時則各自謀生有事可尅期調集而所定餉數如常備軍本係月餉四兩五錢至三年出伍退歸原籍列爲續備則月給一兩又三年改爲後備月餉再減其半是以一兵之餉而三年後可抵四五兵之用六年後可抵八九兵之用且應需各餉亦可按照所練鎮數循環核計似亦非漫無限制當此時局艱難之際自不得不如此辦理以期兵力日厚餉力稍紓第此項餉源亦惟仍賴各省疆臣共矢公忠妥籌的款庶得擴充戎備不致事廢半途至常備軍退伍後給予養贍並聽其自謀生計體恤固已周至惟兵丁既從事行間此三年中止專心操練一旦改營他業恐非易易萬一以饑寒所迫如該大臣所稱或因他故相聚生心此亦事所慮者臣等擬照原定章制量爲變通每屆三年期滿如有曾入學兵營學習而才識明敏志趣向上者即可酌予拔升弁目其餘俟回籍後准由地方官選充巡警以資安插又該大臣擬參各國武學之制設立軍營學校凡非由學校出身者不得充兵非徧歷各學校者不得當官一節查練兵處奏定補官制略內聲明此後創練新軍所有軍中委用人員先儘會習武備者選用又奏定陸軍學堂辦法並擬分別等級以次設立小學堂中學堂兵官學堂大學堂步馬礮隊專門學堂以爲層累遞升造就將材之計臣部復於上年奏請分設速成等項學堂以教官長並設學兵營以教兵丁凡此經營籌備亦均爲

內 務

軍部陸軍部會奏議覆前商約大臣正黃旗蒙古都統呂興舉行
新政宜防嚴密摺

三百五十一

才 末

內 務

法部大理院會奏

旨和衷妥議部院權限摺

三百五十二

七月

人皆向學士盡知方起見核與該大臣所擬辦法大致無甚出入嗣後惟有仍飭認真辦理以冀日起有功至各項學堂既經臣部奏請以次開辦該大臣所擬設立軍營學堂之處應即無庸置議謹 奏奉 旨依議欽此

法部大理院會奏

旨和衷妥議部院權限摺

竊光緒三十三年四月初三日臣部奏酌擬司法權限一摺清單一件軍機處片交奉

旨依議欽此嗣經臣部查閱清單所開十二條其中尙無窒礙者自當欽遵辦理惟第一第五第六第九等條或與法權相關或與事實不便奏請酌加釐訂等因旋由軍機處片交奉

旨著與法部和衷商辦不准各執意見欽此臣等奉

命之下惶悚莫名伏念臣部

原摺皆係遵照王大臣奏定官制章程亦爲東西各國之公例非敢稍逞私臆早在 聖

明洞鑒之中惟是臣院創辦伊始諸務艱難前奏酌加釐訂之處原欲設法以濟其窮亦非

別存意見茲既欽奉

諭旨責令和衷商辦臣鴻慈與臣仁輔等謹遵

聖訓悉心參

酌除臣部原奏清單內八條業經臣院遵照辦理應請毋庸置議外所有第一第五第六第

九等條有仍照原擬者有量加增改者又有原奏所未及此次應行補訂者臣等連日晤商

公同安定理合開列清單恭呈

御覽此後部院交涉事務日繁臣等惟有隨時隨事妥

商辦理以敦同寅協恭之誼上紓宵旰廛念之殷謹恭摺具奏請旨奉旨
依議欽此

謹將原定司法權限酌改四條續增一條繕具清單恭呈御覽一大理院自定死刑之案先行鈔錄紅供奏底咨送法部覆核有無簽商於三日內片覆大理院再由院備稿送部會畫定期具奏係立決人犯即送交法部收監以便執行處決係秋後人犯於定案後移送法部監禁朝審冊本由法部核議實緩後並照舊章奏請欽派大臣覆核黃冊專由法部進呈一速議之件外省奏請奉旨後專由法部核議如情罪不符者咨交大理院俟供勘到後援律駁正仍由法部繕摺會同大理院具奏一彙案死罪之件外省具奏奉旨交法部議奏者應令各省將供勘分達部院由大理院覆核限二十日咨法部核定即由法部具摺覆奏如有情罪未協者仍咨大理院駁正後再行咨部繕摺會同大理院具奏一大理院官制擬會同法部具奏後所有附設之總檢察廳丞及檢察官由法部會同大理院分別開單請簡請補其刑科民科推丞應由部院公同妥商將大理院審判得力人員開列清單由部會院請簡推事以下各官即由院會部奏補以收得人之效一外省奉到部文後應即遵照新章將死罪案件供勘分別咨達部院聽候大理

內務

法部大理院會奏

旨和衷安部院權限摺

三百五十三

丁未

院覆判法部核定如在未經奉到部文之先業已交部核議者仍由法部照常辦理以免參差。

前修律大臣大理院正卿沈奏請實行改良監獄摺

竊刑罰與監獄相爲表裏近世各國刑法除罰金外自由刑居其強半所謂自由刑者如懲役禁錮之類拘置監獄束縛自由俾不得與世交際蓋犯罪之人歎於教化者爲多嚴刑厲法可懲於既往難望□□於將來故藉監獄之地施教誨之方亦卽明刑弼教之本義也考周官大司寇云以圜土聚教罷民凡害人者寘之圜土而施職事焉以明刑恥之又司圜云上罪三年而舍中罪二年而舍下罪一年而舍鄭注圜土獄城也課以作勞期以年歲實爲自由刑之權輿漢之罰作唐之居作尙有周官之遺意石晉而後配役之例盛行監獄之制寢廢雖有監獄不過供待質待決之用領口之方雖備困悔之口缺焉自光緒二十九年刑部議覆升任山西巡撫趙爾巽條奏凡軍流以下之罪除當赦所不原外俱酌改入習藝所工作已採用自由刑之規制當經通飭各省以次設立乃因循至今尙未一律實行上年改革官制豫備立憲並於法部設立典獄一司以專責成仰見 聖朝欽恤之至意寔瀛迭聽頌禱同聲伏查泰西立憲諸國監獄與立法司法鼎峙而三縱有完備之法與明允之

法官無適當之監獄以執行刑罰則遷善感化猶託空言以故各國莫不從事於改良監獄並設立萬國監獄協會分年於各都府開會派遣委員各將其國改良監獄事件提出互相討論幾視爲國際之競爭事業方今力行新政而監獄尤爲內政外交最要之舉雖其中條目紛繁驟難力臻美備而締構之初宜注意者厥有四事敬爲我

皇太后

皇上

陳之一改建新式監獄也西儒有言曰覘其監獄之實况可測其國程度之文野歐美改良監獄多爲此論所激發近今構造之法益形完備有採分房制者有採雜居制者有採階級制者形式以扇面形十字形爲最宜如法蘭西之佛勒斯日監獄比利時之珍極爾監獄壯麗幾埒宮闕日本則以巢鴨村稱爲模範監獄我國天津及京師各習藝所俱仿其制現在內地各監獄同時改建力有未逮宜於各省之省會及通商口岸先造模範監獄一所以備拘禁流徒等罪若財力稍裕之省酌就罪質年齡量設數所試辦數年然後推暨於各州縣惟監獄與習藝所性質不同並須區定名稱凡拘置浮浪貧乏者名習藝所隸民政部監督拘置自審判廳判定罪名者名監獄隸法部監督名稱既定權限自分也一養成監獄官吏也監獄要務不外紀律教育衛生三項而典獄一官統轄全監非兼有法律道德及軍人之資格者不能勝任各國登用監獄官吏必須熟習特別技能者俱用特別任命令先入監

內 務

前修律大臣大理院正卿沈奏請實行改良監獄摺

三百五十五

丁未

內 務

前修律大臣大理院正卿沈奏請實行改良監獄摺

三百五十六

七月

獄學校習刑法刑事訴訟法及關於監獄諸規則並會計大要試驗及格充看守奉職年限內獲有精勤證書依級歷升可洊至典獄爲高等官也半課之於專科學理半試之於實地練習其法至爲美善中國監獄領之典史司獄等官品秩卑下何由銓擢真材悍吏蠹胥從而橫據持較泰西仁暴懸如霄壤今議改良監獄亟應豫儲管理之材宜於各省法律學堂或已成之新監獄內附設監獄學堂採用特別任用法以資造就並改定獄官品級登進嚴則貪墨之風自絕待遇隆則捐潔之士自至矣一頒佈監獄規制也網紀一國必以法律組織監獄亦然上而官吏有服從之職務下而囚徒有遵守之事項大而懲罰賞舉小而日用飲食其間條理至爲繁密昔法蘭西與日本地方監獄常年經費悉由地方擔任各處自爲風氣管理未能統一學者詬病之中國將來各州縣監獄是否由國帑支辦抑或籌用地方公款尙難豫知宜先由法部博採各國最新規則編定監獄章程頒行各省令不得越其範圍庶於管理不致蹈該二國之失策也一編輯監獄統計也國力之盈虛消長非恃統計不能明故近來各國以統計列爲專門科學之一監獄統計與刑事關係尤切第刑事統計密監獄統計略耳其法分人員統計行政統計二種人員統計如犯罪原因國籍住址年齡身分職業教育是藉以知其入監前之經歷也行政統計如監獄之面積官吏之程度囚人

之比較以及懲罰作業會計疾病之類是藉以知監獄內事務之詳簡也各國以統計著者爲英法意比奧荷蘭瑞典那威等國次爲德俄瑞士西班牙葡萄牙等國今典獄既設專司此制亟宜仿行應由法部編定格式頒發各省督撫飭所屬按式分年報告仍由法部彙訂成冊恭呈 御覽以爲彙年比較之準則凡關於刑事及監獄各事宜不難按冊而稽矣以上管見所及是否有當伏乞 聖明詳察訓示遵行謹 奏奉 旨該衙門知道欽此

各省內務彙誌

京師○民政部近查北京內外城戶數分別正戶附戶其總數如左 內城正戶四萬五千零三十五戶附戶三萬四千九百八十八戶 外城正戶二萬五千四百三十八戶附戶一萬八千三百二十九戶又以中國生齒日繁海外編氓數亦甚衆均當詳細調查以示在遠不遺特電告出使大臣轉飭各埠總領事將各處實有僑民若干其中現有學生若干名肄業何校何科工商若干名現營何項生業務須調查確實造成表冊於本年十月以前報告到部○新設各部本奏定不得掣簽近經禮部奏准將此次考取舉貢所用主事七品小京官兩項仍於外務部民政部農工商部郵傳部大理院酌量簽分以該舉貢均係考驗科學合格與尋常捐納勞績者不同故也○京師內外城市政公議會近已於內城東單牌樓二巷設立會議處一所遇有內外城應行會商之事即協議於此以便共決辦法俾內外城得以畫一實行○內城巡警總廳以治事之法莫如分職分斷愈細則責任愈專而權限因之益明查前部頒內外廳試辦章程巡官長警別

爲內勤外勤兩所公理事務然但舉其綱領未嘗暇爲條目必綱舉而目張斯變通以盡利特擬以內外勤爲綱而繫之以目曰庶務曰收發曰守衛曰軍裝以屬於內勤曰巡查曰刑事巡查曰拘押曰清道以屬於外勤務使職掌分明釐然不紊聞已妥訂章程發交各廳一律試辦○外城巡警總廳以戒煙章程業已先後出示曉諭惟戒煙首在斷癮近來售戒煙藥品者雖多而設局戒煙者尙少特在右分廳四區鐵門地方官房設立貧民戒煙局專爲下等貧民戒煙之所惟以經費支絀規模不能十分宏大暫以百名爲額○農工商部之動物園本應附於農事試驗場內近因修築一切巢穴尙難尅日告竣所有牲畜又未便久拘於柙故權就左近之廣善寺暫行喂養俟新式巢穴築成後再行挪移刻已將該寺偶像拆棄更於佛殿前安置鐵欄置虎豹於其中又派學生多名專供喂養禽鳥之事其飼養猛獸則由所屬德人專任其事

直隸○直督袁慰帥以禁煙一事頭緒紛繁非有總匯之區遴員認真舉辦難符按年遞減之限特設一禁煙總局委長盧運司天津道會同籌辦該局事宜以專責成○保定四鄉巡警近已大有進步惟村正副與巡警權限間有未清工巡總局吳觀察錢孫特定權限規則四條出示曉諭一律遵辦以專責成而免弊混其規則如左 一四鄉牌頭稽查所管各戶如有聚賭放火爲匪窩賊及面生形跡可疑之人均應隱密知會巡警捉送分局訊辦 一四鄉村正副遇有重要事件如村中窩藏巨盜容留拐帶開局聚賭之類就近知會巡警或密報該管局區督帶長警逮捕之 一四鄉各村正副牌頭如有第一條第二條罰懲不做之件均將應罰之人歸與巡警轉送該管分局訊明罰懲不得私自議罰如違警規定行傳懲不貸 一巡警爲保持安甯秩序得有制禁權限所管地段倘有聚賭放火行竊窩賊違礙治安者均應責成注意即時拏送或力不能制密報該管局區立派長警協捕如有贖徇情面或受賄庇護怠廢職務巡官區長前往

查出者定將該巡警分別革辦吳觀察又以保定商賈雲集人煙輻輳乃各舖門首暨官道兩旁多有故物攤排列其間羣聚圍觀殊於交通有礙且該商等沿街設攤既與開設門面者有間而攜帶軟包往往在茶館酒市名爲喝茶飲酒實則暗相交易難保不收留贖私希圖漁利實爲地方隱患特在紫河套開辦售買故物場一區令該商等各萃一隅庶幾耳目易周並飭該管巡官隨時保護以示體恤○南路廳惠丞年以該廳向有捕盜營八十六名藉以緝捕盜賊護送商旅近雖改名巡警軍而辦法一仍舊貫且有隨時護解合屬命盜案犯之責事務叢脞收效今方注重自治改爲巡警自應普受警察教育傳習規則以符名實特設一巡警傳習所就八十六名原額人數分爲兩班一班仍駐各處一班調所訓練輪流週轉以期整齊畫一○北路廳錢丞錫案以各屬籌辦新政頗爲棘手自非設法聯絡互相討論無以收實事求是之效特設一官紳研究會集議學務警務實業等事未辦者如何實行已辦者如何進步務使官紳聯合推誠布公以祛渙散壅隔之弊○高陽縣城鄉巡警近已一律辦齊城內巡警需用一切約非三千餘兩斷難敷用故除紳商舖戶每年認籌津錢四千吊外又將詞訟狀紙由縣出售以充警費其四鄉各局卽責成村正接青苗支更費各歸各村自行籌給○獻縣呂大令調元自到任後於地方應辦之事無不同時並舉規畫有方如設法政研究所以養成從政之材建勸學所附設閱報所以普及教育開拓見聞設警務總局並警務傳習所以訓練巡警保衛地方設實業學堂實業工廠並擴充習藝所改良工藝所以振興實業教化游民又於巡警局東院附設待質所以處候審人犯所有各項工程統歸一處庶將來警事董司夫役得以就近兼顧尤足以節糜費而資觀感此外又就縣城之中心設立會議所每月約集全屬士紳開會一次藉以瞻士紳之品概詢鄉里之下情蓋隱然具有舉辦自治開設議會之規模焉○天津縣署原有十七房經書鈔手一百四十餘名差則十班共一百名白役約如其數近經該縣章大令師程將十房裁去併爲七房書鈔兩項陸續裁去九十餘名僅有四十餘名各班則一律斥退擇其謹愿老誠熟於過往差務者十餘人留備任用復另募三十餘名足成五十人編爲差遣隊隊有長以資鈴束專司押解人犯大小差務之役其看守之役則改用巡勇按時輪流站崗以均勞逸而免需索○安平縣境縱橫約百餘里大小共二百三十四村莊初辦巡警劃分八區茲因策應難周增添四區共十二區四鄉各設傳習所按期分調各本區巡警到所授以警察及體操諸法每區設分局一處遴紳派

內務

卷內西曆

三百五十九

丁未

充警董區長各一員除城內總局馬巡十名步巡二十六名首局巡兵三十六名外其餘各區額定巡兵二十名統計城鄉巡警連馬巡每名照章以二名計算共得三百零二名云○順德府重太守煥以所屬九邑應辦學警農工商一切事宜雖經次第籌辦然非力求進境終難收效特於郡城師範學堂設立研究學警農工商總會一處逐日研究隨時改良以為各屬模範○雞澤縣巡警開辦已久成效毫無近經該縣李大令綺青豫算經費改良辦法擬章十四條稟由直督批准辦理○邯鄲縣民情樸陋大半務農為業而種鴉粟者尙屬無多嗜好此物者每村或有一二人各鄉素無集市開設煙館亦甚寥寥惟城關暨張莊橋北蘇曹河沙堡各集鎮共有煙館二十餘處近已一律照章關閉改就別業該縣周大令文藻又恐自禁之後富者尙不為難貧者既無良方又乏藥資特與李紳芬等籌商設立戒煙公所一處捐廉製就藥丸發所施給並於所內附設官醫局凡學生巡警以及貧苦之人遇有疾病亦可隨時診視給藥以重衛生○清河縣巡警近已開辦於城內設總局鄉間劃分八局十一區按照地面大小酌量分布巡兵馬巡則在城內駐紮每日輪班赴鄉巡邏計馬步巡兵共一百七十八名云

奉天○奉天城關各煙館已於四月十五日一律閉歇嗣又由當道出示限制民間種植鴉粟凡向年栽種之地照冊遞減其未栽種之地概行禁止一面派員清查違者從重罰辦○鐵嶺縣城前曾設有官煙專賣公司近因領票買煙者甚多不勝忙碌特在東關富貴胡同西添設分公司一所每日至總公司領煙票若干及煙若干至晚無論煙錢多寡如數交總公司以便按票稽核云

吉林○長春四鄉已設巡警分局惟統歸城內總局節制時有鞭長莫及之虞長春府德太守特飭該局總辦張紀二君在四鄉要區設立總匯處一所遇有要事即可稟請府署辦理以免由城內總局間接諸多延擱

黑龍江○齊齊哈爾各煙館前已一律閉歇惟官場中有煙癮者仍未戒除多於衙署或私宅中開燈私吸近經署江撫程雪帥訪知特諭鄭司馬查明在省人員凡有煙癮者各給一札限期戒斷否則即予參劾○布特哈地方向有一種養性家奴艱苦異常自編全齋總管到任以其有玷文明風化遂令全行賞給養贍地段釋放歸宗聞所放男女共三千餘名口云

上海商務印書館新出各種圖書

(分設)

京師 奉天

天津 廣州

福州 成都

重慶 漢口 開封

政治哲學歷史地理各書

- 政治一覽二冊 洋七角
- 高國憲法比較 洋三角五分
- 那特經政治學 洋四角
- 歐美政體通覽 洋二角
- 歐洲財政史 洋二角
- 歐洲新政治史 洋八角
- 憲政論 洋四角五分
- 地方自治財政論 洋三角五分
- 日本憲法詳解 洋四角五分
- 日本明治法綱 洋九角五分
- 政治沉論二冊 洋一元二角
- 議會政黨論 洋五角
- 哲學要領 洋二角
- 哲學新說 洋三角五分
- 萬國商業歷史 洋六角
- 日本政治地理 洋七角五分
- 滿洲地志 洋五角
- 世界近世史 洋八角
- 希臘史 洋七角五分
- 俄羅斯史 洋五角
- 世界文明史 洋六角
- 埃及近世史 洋四角五分

歐洲最近政治史

- 日耳曼史 洋七角
- 羅馬史二冊 洋八角五分
- 泰西民族文明史 洋三角五分
- 泰西學案 洋八角
- 俄羅斯卷一 洋四角
- 俄羅斯卷二 洋四角
- 俄羅斯卷三 洋四角
- 日俄戰記一至三十冊 洋六角
- 新開學 洋二角五分
- 催眠術講義 洋五角五分
- 俄祖遺教新行考治卷 洋二角
- 海參崴公署局城治章程 洋二角五分

華英字典

- 商務華英字典集成 洋七元五角
- 商務華英字典四萬餘字 洋一元二角半
- 商務華英字典全布面 洋一元二角半
- 商務華英字典詳述史 洋六角
- 商務袖珍華英字典 洋一元二角半
- 商務英華新字典 洋一元五角

嚴又陵先生新譯各書

- 羣己權界論 洋八角
- 社會通論 洋一元
- 孟德斯鳩法意一三冊 洋一元六角
- 孟德斯鳩法意第四冊 洋五角
- 孟德斯鳩法意第五冊 洋五角
- 政治講義 洋六角

各種五彩地圖

- (甲) 布面掛圖 洋三元五角
- (乙) 布面掛圖 洋三元五角
- (丙) 彩畫掛圖 洋二元二角半
- (甲) 彩畫掛圖 洋二元五角
- (乙) 彩畫掛圖 洋二元
- (丙) 彩畫掛圖 洋八角
- 坤輿方圖 洋四元
- 大清帝國全圖一冊 洋四元
- 大清帝國總圖一大幅 洋一元八角
- 萬國輿圖 洋三角五分
- 西洋歷史地圖 洋八角
- 京城詳細地圖 洋二角

此外尚有新出各種書籍陸續出版日益繁多不及備載另有詳細書目敘述各書大旨並刊明定價以便購閱諸君子之採擇如蒙惠賜本館索閱書目者本館即行奉贈不誤

上海商務印書館各種小說

沙長 封開 州福 州廣 慶重 都成 口漢 南濟 津天 天奉 師京 (設分)

閩縣林琴南先生譯本

英國詩人吟邊燕語	三	三角五分	佳人奇遇	七	七角
美洲童子萬里尋親記	三	三角五分	經國美談前後編	五	五角
足本迦茵小傳	一	一元	夢遊二十一世紀	二	二角
埃及金塔剖尸記	一	一元	補譯華生包探案	二	二角
英孝子火山報仇錄	九	九角	小仙源	一	一角五分
鬼山狼狽傳	一	一元	案中案	二	二角
澳洲煙水愁城錄	一	一元	環游月球	三	三角
撒克遜劫後英雄略	一	一元	環游地球	三	三角
玉雲齋痕	四	四角五分	金銀島	二	二角
香濱孫觀流記	七	七角	回顧者(白話)	三	三角
洪翠女郎傳	七	七角	降妖記	二	二角五分
盤荒誌異	六	六角	珊瑚美人(白話)	三	三角
魯薩羅羅流離記	五	五角五分	賣國奴(白話)	四	四角
紅樓夢續編	八	八角	懺悔記(白話)	五	五角
海外軒輊錄	三	三角五分	奪嫡奇冤	二	二角五分
霧中人	一	一元	雙指印	二	二角五分
樓湖仙影	一	一元二角	碧花夢	二	二角
樞鬼藏錄	現	現印	指環黨	三	三角
空谷佳人	現	現印	巴黎繁華記(白話)	一	一元
拍掌錄	現	現印	桑伯勒包探案	二	二角
旅行速異	現	現印	一束綠(白話)	二	二角五分
十字軍英雄記	現	現印	車中毒針(白話)	二	二角五分
金風鐵雨錄	現	現印			
雙孝子嘆血酬恩記	現	現印			

另有繡像小說 零售每冊大洋二角 全年二十四冊價洋四元 外埠另加郵費五角 存書不多 幸速購取 現滿三年七十二期以後改良再行佈告

軍 事

論徵兵宜先行之山僻各州縣錄丁未六月二十一日京報

近歲以來當事者深知國民不知急國家之爲患於是復古法用徵兵顧其所謂徵兵者非如古之悉民而籍之爲兵也但派員弁至各州縣勸勉鄉中父老使各出子弟隸行伍所異於募兵者兵皆有屬籍稍解書字又分取之全省各州縣或逃則罰其家非若募兵之偏於一地且率無賴烏合而戰也袁宮保行之北洋周玉帥行之南洋湖北浙江咸踵行之詢諸路人則得失參半來者非迫於威令則動於意氣既隸營籍則往往以不耐勞苦不耐束縛輒相率逃去故論者頗不一其說顧吾以爲吾國行募兵久民家狃於安逸莫有肯以執干戈衛社稷爲意者而一旦欲以辭說激使以身命付之國家殆非可以旦夕期無已則莫如就素以强悍著稱之各州縣徵發其次則取之山僻州縣勤苦耐勞者若湖北之荆襄江南之淮徐皖之鳳潁浙之溫處其人素以能兵聞重氣而輕死狎兵而尙義且自奉薄希望廉激以大義加以教練宜可爲也若夫山水明秀之區舟車輻輳之地其人大率靈慧輕巧而失之柔靡且趨利之途多而結合之情薄徵獨招之弗至即動於意氣而至亦必敗羣而誤

軍 事

論徵兵宜先行之山僻各州縣

六十一

丁未

大事當事者慎無樂秀慧而惡樵樸焉可也

陸軍部奏第三鎮退伍外籍兵丁擬暫酌照定章變通辦理摺

竊據專司訓練近畿陸軍各鎮副都統鳳山咨呈陸軍第三鎮自光緒三十年二月成軍扣至本年二月已滿三年照章應令退伍惟其中兵丁多由山左兩淮豫皖等省招募而來而退伍後歸入續備軍一節各該省均未辦理無從安插應由部酌定辦法等因臣等伏查練兵處奏定營制續備軍制略內載常備軍三年期滿發給憑照資遣回籍列爲續備軍月給減餉一兩聽其自謀生業按年調操等語是各鎮退伍兵丁自均應遵照定章辦理惟查此項辦法係指土著兵丁退伍而言陸軍第三鎮兵丁係於光緒三十年間當局外中立之時倉卒成軍無暇招募土著因於直隸省而外在山東河南安徽等省選募是當時招募之初未能悉照定章辦理現當退伍之際若必於資遣回籍後一律編爲續備兵丁深恐安置較難辦理殊多窒礙臣等公同商酌擬酌照定章稍事變通所有該鎮應行退伍之外籍兵丁除自願留營者仍准再留三年外其餘均自離營之日起每名加發兩箇月正餉並給予退伍憑照黏附照片派員分送回籍毋庸再給續備月餉將來各兵丁如有願入本省各軍隊再行充兵者均准屆時持照應募入伍其願充本省各州縣巡警者亦准持照應選以示體

恤惟自充巡警後即應另遵巡警規律辦理至第三鎮全鎮現已奏明撥歸東三省總督調赴奉天其退伍兵額擬先由第六鎮內調撥充補所有此次加給退伍兵兩箇月餉銀自應作正開銷由度支部另行發給第當此庫儲支絀於正餉外復加此項恩餉深恐籌措維艱茲擬俟六鎮補募時暫行緩募兩月俾騰出兩月餉數藉資彌補庶餉力得以稍紓再臣等正在籌辦間適據直隸督臣袁世凱咨稱陸軍第四鎮現亦有應行退伍之外籍兵一千餘名請由臣部核辦前來查該鎮退伍兵丁籍隸山東河南安徽等省與第三鎮情事相同應俟奉旨後由臣部咨明該督即按此次辦法遵照辦理俾歸一律惟此項辦法係因原募時並非土著故退伍時不得不於定章量爲變通此後各省招募新兵均應於土著中選充其退伍時自應查照續備定章以免紛歧而符奏案謹 奏四月二十二日奉 旨依議 欽此

陸軍部奏議覆旗營官員展緩軍政並撥給槍枝勒限演習摺

准正白旗滿洲都統固倫額駙公符珍等咨稱八旗會議具奏請將此次八旗官員軍政暫緩舉行並請 飭部指調槍枝分撥各旗以資練習等因又據內務府三旗鑾儀衛左右翼前鋒營八旗護軍營內火器營外火器營 圓明園八旗健銳營 上虞備用處侍衛處等

軍 事

陸軍部奏議覆旗營官員展緩軍政並撥給槍枝勒限演習摺

六十三

丁未

處先後咨稱奏請將此次官員軍政展限舉行各摺均奉 旨依議欽此欽遵抄錄原奏陸續咨送到部查向例旗綠營官員軍政五年舉行一次卓異者候升入於八法者分別參處所以重戎政習武事典至鉅也今年屆當軍政之前經臣部片查旗營各衙門現既遵奉

諭旨停止弓箭改習槍礮本屆軍政能否依限舉行嗣經步軍統領衙門咨覆因槍枝未熟擬請展緩兩翼前鋒八旗護軍各營八旗驍騎營 圓明園八旗健銳營外火器營等處均據覆稱能演槍枝照例軍政侍衛處鑾儀衛 上虞備用處內務府三旗內火器營等處覆文內並未明白聲敘當經臣部奏明請 飭下該管大臣查明具奏蓋以軍政大典不可曠而不舉亦不可敷衍以塞責茲經各該旗營先後奏請暫緩軍政並請 飭部發給槍枝仰蒙 恩准自應欽遵辦理惟練技必先備械原奏所稱旗營向無快槍官員人等無從練習亦屬實在情形所有創練之初需用槍枝並暫時教習人員臣部任之至於督率訓練嚴核勤惰則爲各該管大臣應盡之責除步軍營據稱業已練習槍隊自毋庸發給槍枝加派教習外其餘各旗營應先由臣部設法籌給步馬槍枝子彈選派教員以資教練擬請在安定門外東裕礮坡作爲左翼四旗鑾儀衛內火器營內務府三旗人員演練之所德勝門外西裕礮坡作爲右翼四旗侍衛處 上虞備用處人員演練之所至 圓明園八旗外火器

營·健·銳·營·三·處·在·外·火·器·營·操·場·演·練·其·應·需·演·放·馬·槍·馬·匹·即·於·各·該·處·官·拴·馬·匹·內·籌·備·撥·用·該·大·臣·等·應·如·何·派·員·督·飭·各·武·職·分·班·赴·廠·練·習·之·處·應·請·旨·飭·令·該·大·臣·等·妥·議·章·程·尅·期·奏·明·開·辦·日·開·辦·之·日·起·勒·限·一·年·學·成·一·俟·限·滿·即·行·奏·請·補·行·舉·辦·軍·政·如·蒙·俞·允·即·由·臣·部·欽·遵·通·行·京·旗·各·營·一·體·遵·照·辦·理·謹·奏·請·旨·四·月·初·二·日·奉·旨·依·議·欽·此

兩江總督端江西巡撫瑞會奏萍鄉亂匪肅清摺

光緒三十二年十月間萍鄉縣境與湘省交界地方突有匪徒蠢動及宜春萬載等縣勢甚猖獗經前撫臣吳重憲節次調兵往剿並奴才端方遵旨派兵與鄂軍分投赴援暨奴才瑞良抵任後督飭搜剿續辦各匪以及舉辦清鄉一切事宜疊經奴才等撮要隨時電奏在案現在匪患已平人心大定謹將辦理情形縷晰陳之伏查湘贛連界各屬近年因米糧昂貴生計維艱人心不免浮動而游勇痞棍時復往來其間習知長江一帶洪江會匪歌訣即立爲會名散賣票布誘惑鄉愚以爲誑騙錢財之計其無知良民誤謂入會可保身家亦不免投身入黨湖南醴陵匪首有李經其者爲奴才端方向在湖南巡撫任內拏獲正法之馬幅益死黨常遊蕩於瀏陽醴陵等處曾與萍鄉上栗市之匪首饒有壽龍人傑萬載之龍定

往還糾合姜守日龔春台沈益古胡有堂呂光華廖淑保等欲爲馬幅益復仇適有游學日本暑假回籍之蔡紹南乘間以革命演說李經其等遂假以爲名自稱爲革命軍原約上年十二月間起事軍分三股一踞瀏陽以進窺長沙一踞萍鄉之安源礦路以爲根據之地一由萬載東竄瑞州南昌諸郡援應長江以軍械無多未敢遽然發事爲瀏陽縣知縣所聞會營追捕李經其落水溺死其黨羽饒有壽等乃促令姜龔兩匪先期竊發會函致安源著匪首蕭克昌率令工黨六千人以應蕭以動非其時未之允許而湘贛邊境羣不逞之徒乃叫號附和一時湘贛接壤之境徧地皆匪遠近相傳動稱數萬此該匪起事之情形也其時贛邊營勇僅有紮上栗市者兩哨湘邊瀏陽醴陵兩境防營亦未調齊匪卽先擾瀏陽之麻石文家市金剛頭繼擾萍鄉之高家臺上栗市桐木後竄入宜春之慈化等處適吉安巡防隊左軍統領袁坦巡察玉屏鄉經前撫臣吳重熹電飭督率原駐萍鄉安源之巡防左軍前營管帶胡應龍迎剿調撥駐袁州之巡防左軍後營管帶朱鼎炎帶隊馳往會剿兼飭該縣會紳多招團練以資保衛並由省派常備軍一標第二營管帶劉清泰率全營兵隊取道臨江袁州原駐新昌縣之常備軍一標第二營管帶董作泉率隊二百人取道瑞州上高萬載分途趨程前赴萍鄉特委巡防內河水師右軍統領候補道張季煜督辦防剿派出各軍均歸

節制俾一事權一面電飭駐吉安之中左各營拔駐袁州聽候調遣並電商湖南撫臣岑春
莫派軍乘輪舟至醴陵瀏陽會剿當匪踞各處之初並未肆行劫掠所至祇索軍械糧食白
布等所劫裹頭白布白旗號衣書革命軍先鋒後營軍前營等字樣旗書革命軍及洪福齊
天等字樣匪械有刀有小手槍有擡槍鳥槍間有來福毛瑟等洋槍內有游勇陣隊亦倣洋
操到處張貼偽示糾人入會語甚悖逆正剿辦間接奉電 旨飭臬司秦炳直前往萍鄉堵
剿遵飭該司帶常備軍一標第二營三百人即以該標統劉槐森領之於十月二十八日起
程直趨萬載宜春一路十一月初七日行抵萍鄉駐紮籌辦此前撫臣征調布置及匪黨竄
擾之情形也該匪初起勢甚猖獗所到之處脅民爲匪雲集響應未至之處謠言四布人心
惶惶尤慮勾引安源礦工聯絡聲勢十月二十一日有匪三千餘人聚上栗市該處防營以
半營抵禦斃匪二名衆寡不敵兵力少挫厥後匪之竄入慈化者焚燬黃圃巡檢衙署經駐
金瑞巡防左軍後營趙春芳帶隊迎剿斃匪數十名擒獲李明生熊明珠二名正法匪始退
入桐木又經由吉安調駐之右營管帶許登雲率帶兵隊在宜春縣屬金瑞慈化一帶進剿
斃匪多名其在上栗市者經巡防隊左軍前後兩營合力攻擊歷兩時之久斃匪二百餘名
奪獲匪械旗幟甚多匪勢爲之一挫又在普安山桐木兩次合剿匪益不支全將裹頭白布

拉去充作民人或竄匿山谷之中或回瀏陽境內羣集於中山嶺紅綾鋪等處湘軍亦屢次得捷而匪之聚於文家永和等市者燄猶未息探知萍鄉有備遂并力以圖萬載賴有已撥新昌防營二百人秦炳直所帶劉槐森部下兵三百人均從此路同赴前敵得以遏其來路時奴才端方遵旨派陸軍步隊三營馬隊輜重各一隊礮隊工程隊各一隊共二千餘人委第九鎮統制徐紹楨爲司令官率同標統艾忠琦乘輪赴九江易舟至者其第一隊由南昌先行進發民間爭傳大兵將到羣匪震懼遂竄伏於瀏陽一隅經長沙續到常備軍兩營搜剿匪乃靡然四散其潰匪有竄入義甯州銅鼓廳一帶者由該州縣會同巡防隊左營李國斌並調派該處防堵之常備軍二標二營袁楚英截獲二十餘名於是贛境已無成股之匪此迭次剿辦之實在情形也方匪勢之正熾也偵探匪情頗注意於安源煤礦袁垣督巡防隊前營分一半至案山關搜剿以一半留駐礦地勢雖岌岌而逐日工作未停湖南撫臣岑春龔就近派管帶李振鴻帶隊九十人來駐安源保礦而湖廣督臣張之洞派第八鎮協統王得勝標統李襄鄰率步隊三營礮隊一隊先於十一月初三日抵萍另派步礮隊各一隊專駐安源合之甯軍之陸續到萍者兵力頓厚先是前撫臣吳重熹接直隸總督臣袁世凱密函謂蕭克昌爲匪中頭目近投安源營中充線黨羽甚多以該匪旣與礦工聲氣相通辦

理稍有不密必至有礙礦務牽動全局遂密告臬司秦炳直相機擊辦迨甯鄂軍到足資鎮懾該臬司卽密商礦務局員林志熙會同王得勝李襄鄰並督飭胡應龍設法捕獲蕭克昌斬之去一渠魁人心大定復將在礦工人切實稽查各具保結無保結者退百餘人分別送回原籍以杜後患又據獲匪供稱該匪自接仗敗後巨目爲陳紹莊以傷重擡回不知存亡先後拿獲之贛匪大頭目如饒有壽龍人傑沈益古胡有堂廖淑保魏宗全等二十餘名皆起肇亂抗拒官兵罪惡昭著訊據供認不諱均於軍前正法其小頭目及得受僞職各匪訊明伏法者約近百餘人其情罪較輕分別予限監禁者亦八十餘人雖姜守旦等因追捕嚴禁竄往平江逸去現仍飭令懸賞購緝並將演說革命之蔡紹南一體嚴拿而數月以來鄂軍紮湘之邊境甯軍紮贛之邊境深得協同搜捕之力此安礦保獲無恙疊獲諸匪之各情形也惟是匪雖潰散其零星之匪潛匿他邑深恐死灰復燃十一月初十日徐紹楨到贛吳重憲以南昌九江營伍抽調過多形甚空虛商留甯軍一營駐省以資兼顧並囑撥分兵隊至義甯州銅鼓廳查有匪蹤卽行會剿其開赴萍鄉之兵隊隨時與贛軍實力搜捕會由甯軍拿獲著名匪黨陳祥友劉先張珍公紹王俊騏李昌谷李昌年等分別懲辦當秦炳直未到萍鄉之際由張季煜分飭各管帶連合鄉團嚴拿匪首免治脅從遇有聚集之區立卽痛

軍事

兩江總督端江西巡撫瑞會奏萍鄉亂匪肅清摺

六十九

丁未

剿並親率兩隊出案山關沿途搜索又由袁坦分飭前營回駐安源分防蘆溪一帶後營駐桐木分防秋江陽岐山黃土左營駐上栗市分防案山關中營兩哨分防清溪瑠江袁坦親駐上栗市相機策應秦炳直以萍地兵力已厚慮萬載兵單爲匪所乘調派劉槐森前往株潭黃茅堵剿兼派董作泉分紮黃茅慈化等處購線緝匪所有袁州府屬之萍鄉宜春萬載等縣均與瀏陽接壤該地方文武各員疊與湘省營縣商同剿辦以防此拿彼竄此各軍分股防堵搜剿之情形也至秦炳直駐萍鄉搜剿以來體察地方情形匪已潰散謂治亂之道宜寬嚴互用一以查拿解散爲主因剴切曉諭將匪徒區分三等凡勾引拜會焚掠劫殺者爲頭等罪在不赦特懸重賞緝拿其一時附和而平日非甘心從逆者爲次等准其引拿首要立功贖罪無功仍按律嚴辦若僅被誘脅入會並未爲匪者爲三等准其繳銷票布禱神誓悔取其團旗保結給予護照回家安業並卽酌定清鄉章程及嚴禁煙賭等條例發各營縣紳耆等飭令切實遵辦一面知會湖南醴陵瀏陽等縣同時並舉各清各鄉張季煜卽駐萍鄉宜春萬載三縣適中之地訪查糾察俾該員等不得操切以圖功亦不許因循而貽患歷三閱月而清鄉始竣其間徐紹楨於上年十二月因甯軍各營有需商辦整頓之事經奴才端方飭先回甯其督率軍隊及協同清鄉等事卽責成標統艾忠琦接辦嗣因清鄉大致

就緒戶冊亦將造成臬司秦炳直以省署積牘已多亟待清理經奴才等於正月十八日據情電陳欽奉電 旨准其回省仍留張季煜駐萍料理現在各處清鄉一律辦竣民情安堵各軍陸續撤回張季煜攜帶清鄉冊籍業經回省鄂軍尙有一營暫駐安源礦地亦極安靜此辦理善後之情形也伏思此次匪亂凶燄張逆謀狡譎始者頗思一逞雖尙無深固巢穴快利槍械惟軍以革命爲名意圖煽惑響應去冬奴才端方拿獲匪黨袁有升楊卓林等訊據供稱係由逆匪孫汝暗中勾結偷或日久未平潛濟精械後患何堪設想仰賴 聖上威福各軍將士效命得以指日撲滅掃蕩妖氣所有在事出力文武各員不無微勞足錄合無仰懇 天恩准其分別保獎之處出自 逾格鴻施謹 奏奉 硃批准其擇優酌保毋許冒濫欽此

前署閩浙總督崇奏籌練常備軍乙協情形摺

竊奴才前准練兵處咨議覆奴才奏請緩練乙協一摺奉 旨依議欽此抄錄原奏咨行到閩查原奏內開所請緩練之故一諉於銅幣之停鑄一諉於防練各軍之難調查不敷之餉指銅圓者僅此奏內之五萬餘兩並非巨數若成軍之十八萬餘兩前摺亦無指用銅圓之語該省鹽務釐務關務積弊甚深若能認真整頓不但成軍之款可資應用卽當年練兵之

費亦無虞短絀該省綠營水陸各兵歲支款項頗鉅既知無用即當裁汰整頓移茲的款以餉新軍奏請 飭下趕練乙協馬礮各隊應補足者一併設法編練督同該司道將鹽務釐務關務如何整頓綠營水師如何裁汰奏覆核辦等因祇聆之餘莫名惶悚查閩省開練新軍原議先練兩協奴才業經 奏明在先本不敢請緩於後第財政奇窘原奏不敷銀五萬餘兩及司道各軍挪借十八萬餘兩實均擬由新廠銅圓餘利項下籌撥歸還銅圓奉文停鑄遂無餘利可提至鹽務釐務關務疊經各前督臣及奴才釐剔整頓勢成弩末難資挹注前據該司道所詳支絀情形委係確實不敢壅於 上聞是以據情具 奏第練兵爲當務之急豈能因噎廢食仍經督飭司道迅速設籌接續開辦惟綠營窳敗自應認真裁汰先經奴才咨商提臣設法辦理祇以分駐水陸各處必須統籌全局酌量地勢歸併是以尙未

奏辦茲奴才復與各司道悉心妥籌適提臣洪永安因公晉省會同商確擬將閩省綠營三十七營半水師綠營十五營外額兵丁舵炊馬匹等項先行按營普裁四成計共裁兵丁三千九百二十五名外額三百二十三名官馬一百三十三匹官弁所以將兵既經裁兵並應酌裁官弁計統裁副將以下把總以上等官一百十二員騰出餉需以供新軍仍照原奏將常備軍右鎮六營調省作爲改練乙協基礎並將駐紮廈門之福健軍親兵左營練兵親

兵右營練兵泉州之福銳前軍中營練兵前軍左營練兵福甯巡警軍第二十二隊防勇駐省之福州巡警軍第二隊練兵一併調省改編不敷兵額遵章招募土著分別選補足尙餘防練八營並提督衛隊親兵酌留上下游駐紮巡防計編練乙協步隊六營及協統標統各部屬常年額支正款共應銀二十八萬一千三百三十二兩零又常年額支雜款共約銀三萬六千三百十四兩零合共常年額支正雜款銀三十一萬七千六百四十六兩零又彌補甲協不敷正餉年共銀八萬二千餘兩又常年額支雜款除將改編甲協之常備軍左鎮六營應需常年換製操衣褲等項銀七千餘兩撥抵外年約銀三萬八千餘兩合共年應彌補正雜款銀十二萬餘兩統計年共需銀四十三萬七千六百四十六兩零計普裁綠營水陸官兵馬匹年共騰出薪廉餉米草乾銀十六萬九百四十七兩零又裁常備軍右鎮統領分統部屬及步隊六營年可騰出薪餉銀十二萬二千二百七十五兩零又裁福健軍等六營年可騰出薪餉銀八萬八千四兩零又右鎮步隊六營年約可騰出製換操衣褲等項銀四千六百餘兩統計年共騰出銀三十七萬六千二百二十二兩零編裁兩抵每年實尙不敷薪餉銀六萬一千四百二十兩零此項不敷薪餉應與司道庫挪借之開辦經費銀議在於銅圓盈餘項下撥還現銅圓停鑄無論如何自當設法籌撥備用擬自本年四月初一日

軍 事

前選閩浙建甯等處籌備軍乙協情形摺

七十三

丁未

起將綠營兵餉截支一面飭調各營分別改編仍以六箇月爲成軍之期至馬礮工輜亦應遵飭補足惟現在礮營各礮不能一律所存馬匹亦不敷用擬先編山礮兩隊俟將來礮馬購齊再行補足騰出月餉先行編練馬隊營一隊暫附山礮營節制又編輜重營一隊歸併工程營管理每月長餘銀二百二十二兩零留備將來礮馬購齊湊作補練之需據兵備參謀教練三處會同藩司財政局司道詳請 奏咨前來查常備軍甲協編練已久所有乙協自應如期開辦仍當督飭司道迅將鹽釐各務實力整飭不敷銀兩卽由鹽法道於鹽務項內湊撥倘再不敷由財政局司道於鹽務等項另行籌濟至馬匹前經委員前赴張家口購買尙未回閩礮位並飭設法籌購速將馬礮工輜各營一律補足以期悉成勁旅仰副 朝廷整軍經武之至意再前奏不敷銀五萬五千餘兩係因未將常備軍左右鎮之年需製換操衣褲等項銀一萬二千餘兩抵除故與原案不符合併陳明謹 奏奉 硃批該部知道欽此

前兩廣總督周奏陳辦理黃岡亂事情形摺

竊查潮州府饒平縣屬黃岡地方於光緒三十三年四月十一日夜猝被匪徒戕官踞寨卽經署潮州鎮黃金福率勇馳往剿辦臣接據署理惠潮嘉道沈傳義等電報先行電飭鄰近

附營馳往堵剿一面派提督臣李準酌帶水陸隊伍繼進並電咨閩浙總督臣松壽撥隊防堵數日間卽行剿平業將大概情形先後電奏在案查黃岡地方前明因防海盜設有寨城一座向駐副將都司同知巡檢官現在副將缺已裁撤兵額亦減不免稍覺空虛該處距潮州府城並饒平縣城各九十里與福建詔安縣連界素有三點會匪迭經嚴緝此拿彼竄迄未盡絕根株此次黃岡土匪起事變起倉卒據李準黃金福沈傳義等電稱係外匪陳芸生勾結會匪首余丑卽記成會金全余錫天及福建詔安縣屬白石鄉匪首沈牛屎後嶺鄉匪首沈家塔等先在詔安縣屬烏山饒平縣屬浮山柘林等處拜會本年正月沈牛屎等帶來鷹球票布銀紙分給會黨刊刻偽示諭帖原圖搶劫已裁黃岡協署舊軍槍械起事因一時無隙可乘未敢蠢動適於四月十一日警兵拿獲匪夥邱保張善二名會匪張添賜告知匪首余丑糾黨打奪經都司隆啓巡防營哨弁蔡河宗率兵將犯押入協署匪衆圍攻弁勇堅禦至次日辰刻子礮用盡匪黨營至焚攻益力兵勇傷斃無多力竭被困維時黃岡同知謝蘭馨城守把總許登科署柘林司巡檢王繩武各率兵差巡警抵禦奈賊衆兵寡援絕力盡把總巡檢登時被戕同知被擄各匪遂佔踞衙署焚拆關廠局所搶劫副將都司兩署舊械號召各路匪黨逼脅鄉民串同外匪陳芸生等卽於十四日乘機入寨將所刊偽示填寫四

月妄稱大明軍政都督府孫等字樣，豎旗起事，分發偽諭，勒索殷富銀米，脅從頗衆。下寮東灶各匪，鄉皆濱海漁戶，糾合外匪，船載而來，分爲水陸兩黨。水路踞古樓山，後陸路踞寨。此當日匪黨起事之情形也。該管潮州府知府李象辰、饒平縣知縣鄭世麟，集團固守府縣城池，分堵要隘。署潮州鎮黃金福帶兵馳往距黃岡三十里之井洲，相機進剿。惠潮嘉道沈傳義馳往汕頭，保衛華洋商埠，並電致福建漳州詔安府縣防堵。十三日，府城巡警管帶官外委邱焯五品軍功林清帶勇四名前往偵探，遇賊陣亡。十四夜，匪撲井洲，黃金福率隊出戰，小勝，斃匪數十名。是夜五鼓，後匪大股數千分路包抄我軍分頭接仗，傷斃賊匪百餘人。賊勢少却。十五日黎明，賊分五路水陸並進，適巡防第九營管帶官趙祖澤繼至，督弁徐士庶、陳德等分路迎擊，爭先衝殺，陣斬悍匪百數十名，奪獲旗幟馬匹槍械多件。賊衆敗退三里外之大澳山，脚佔住村房，我兵追擊，奪取大澳山賊衆，且戰且却。我軍悉力猛攻，相持至十五日戌刻，賊黨傷亡甚衆，我軍亦陣亡十餘名，受傷七名。正在酣戰之際，大雨傾盆，賊衆奔逃。是夜五鼓，我軍出其不意，奪取距寨數里之古樓山，賊衆死守不出。十六日夜，該道沈傳義運開花礮子碼到營，正在拔隊追逼，賊衆棄寨潛逃。當即分路進至東灶，毀其巢穴，直抵黃岡，救出都司同知哨弁三員及勇丁二十一名，查明槍械盡失，並失去裁缺副將關防及

同知關防各一顆並在賊巢搜出偽印及票布偽示板片軍火多件其偽檄示語悖逆偽檄無姓名年月偽示有都督府孫字樣據提督李準言獲訊各匪並不能指出孫姓係何人顯係匪首陳芸生等附和孫逆有意煽惑此十二至十六等日官兵擊平各匪救出被擄官兵之情形也當匪氛初起之際號召黨羽勢甚披猖後知大兵將臨海面並有兵輪堵截賊匪聞風膽落并洲戰敗古樓奪回棄械紛散奔逃十八日提督李準督軍到境聲威大振派兵會合追搜獲匪頗多各軍起獲槍械甚夥黃金福馳至分水關與福建軍官相見查得詔安縣並無股匪竄入居民安謐是役也官軍接仗七次殺傷賊匪五六百名自該匪起事以來六日之間即行撲滅未擾村鎮亦未擾及鄰境地方一律平靖戕官匪首余昇第擒獲正法曾金全業已陣斬在逃之陳芸生余丑余天錫等仍飭四路搜捕務絕根株查此次匪徒起事該管文武不能先事預防致出戕官踞寨重案厥咎甚重相應請 旨將責任黃岡同知謝蘭馨署黃岡都司隆啓調署饒平縣正任廣甯縣知縣鄭世麟巡防營弁哨督標候補千總蔡河宗一併革職署黃岡守備裁缺鎮標左營左哨千總黃其蕃先已另案革職尙未交卸此次復剿匪不力應請從重發往軍台効力贖罪該管鎮道府並不同城例得免議且一經聞報即行進兵撲滅辦理尙屬迅速擬懇 恩施免其議處至署柘林司巡檢王繩武巡

軍 事

前兩廣總督周奏陳辦理黃岡亂事情形

七十七

丁未

軍 事

山東巡撫楊奏增兵剿辦曹屬盜匪並彙報新募改編各營數目摺

七十八

七月

城把總許登科鎮標拔補外委邱焯五品軍功林清爲匪所戕死事慘烈相應籲懇 天恩
敕部從優議卹以慰忠魂一切善後事宜責成該道府等會同該鎮督率營縣妥辦並與福
建文武議定稽查會哨之法以期永保治安遺失裁缺副將並同知各關防設法查起分別
送銷換鑄謹 奏

山東巡撫楊奏增兵剿辦曹屬盜匪並彙報新募改編各營數目摺

竊查東省原有武衛右軍先鋒馬步礮隊二十營曹兗兩鎮左右翼防軍八營撫標前軍兩
營海防馬步兩營共三十二營自光緒三十一年四月經練兵處奏定編練陸軍第五鎮於
先鋒隊內抽調十二營並撥去底餉六十萬兩經練兵處奏咨有案本省除兩翼防軍隸於
兗曹兩鎮其撫標前軍兩營則駐防德州臨清一帶海防馬步兩營則分紮登萊沿海各屬
其先鋒隊八營臣未到任之先曹屬已撥去五營登州鎮復撥去一營省城只餘兩營兵力
厚薄今昔懸殊上年夏間曹屬盜風恣肆劫殺頻仍深慮勢成燎原不能不爲迅速撲滅之
計而東省軍隊實不敷用彼時五鎮尙未成軍勢難咨商撥調如原有鎮標切軍及先鋒各
營僅足分設防撥不能專力痛剿因添練游擊四營將兗沂曹濟之巡警滾練隊五百人儘
數編入飭由兗沂曹濟道胡建樞統帶於曹匪穴巢所在嚴緝窮搜既利於以整擊散復免

於盜逸我勞而地方緝務緊要該管府縣皆有應盡之責復飭令曹州府招募一營爲鎮懾府城並隨時策應各軍之用該牧令及鄰近府縣亦令增募壯勇或百名或數十名不等爲協防轄境並遞送人犯運解餉項之用其時剿辦既嚴散匪頗多竄逸如泰安濟甯各屬時有匪蹤出沒靡常在曹各軍力難兼顧又於駐省之先鋒兩營內酌撥隊伍開往剿捕而濟膠鐵道逼近省防又慮空虛特檄委候補知府李經湘游擊盧得勝赴皖北一帶招募步軍兩營馬隊兩哨駐紮省垣以資調遣卽飭由李經湘訓練統帶嗣陸軍第六鎮協統候選道陸建章遵調來東辦理緝捕因接統之先鋒各營均已分布要隘一時未能抽撤稟准添募親兵營二百人探防隊五十人期與胡建樞所部互爲聲援遊擊益形得力以上自光緒三十三年五月起計先後增募曹州步隊一營現名曰緝捕營派員赴皖募步隊兩營馬隊兩哨現名曰撫標親軍胡建樞增練遊擊四營陸建章募親軍步隊一百人探防隊五十人統共分別增改步隊七營零二百五十人又馬隊兩哨所有營制餉章均照先鋒隊章程辦理於成軍之日起支薪餉其未成軍以前小口糧概照內地向章支給除遊擊四營內有巡警營底餉四萬兩統計不敷各餉常年需銀約三十萬兩之譜伏查曹匪蹤跡飄忽聚散無常該屬一州十縣縱橫三四百里幾於節節設防一設卽難議撤倘使兵力不足顧此失彼固

軍事

山東巡撫楊奏增兵剿辦曹屬盜匪並彙報新募改編各營數目摺

七十九

丁未

難於剋日殲除且恐其滋蔓爲患自經臣陸續酌增營隊辦理始大爲得手首要多已就獲不日即可肅清業將大概情形先後陳明有案所有前項常年不敷餉銀約三十萬兩及將來結報各軍額外活支款項應請一併由司局各庫作正開銷值此庫款支絀固知籌餉維艱但爲顧全大局起見自不容惜費目前致貽地方巨患且綜計所增勇數僅復從前十二營之半實已統籌兼顧不敢漫無限制而衡諸曹屬匪勢若非上年冬間借撥第五鎮馬步各隊暨請 欽派提督夏辛酉帶隊來東僅恃所增各營兜擊截擊尙嫌力薄此時應增營餉正不止此其膠州東昌兩府並鉅野等十二州縣共募步勇七百二十名馬勇五十名概照向章步勇各日支銀一錢馬勇加倍均自募齊之日爲始仍循例在地丁銀內坐支口糧所需軍裝器械責令該牧令自行捐廉製備至陸建章所募二百五十人現在曹事大致就緒擬先裁撤以節餉糈據布政司營務處糧餉善後兩局詳請 奏咨前來臣覆核無異一俟清鄉辦定當隨時酌量裁撤並將用過餉項細數暨獲盜搜槍賞銀一切軍需雜支另行造冊報銷以清款目再此次所增各營因曹事急迫隨時陸續添改成軍日期先後不一是以奏報稍遲合併聲明謹 奏奉 硃批該部知道欽此

各省軍事紀要

直隸○著匪首王牛子、四庚辰及其黨羽王棟、嶺、胡慶元、張洛四、張大八、孫二篇等出沒直隸山東交界一帶兇悍淫惡無所不至又以善於行賄官吏久未弋獲自由曲周縣軍大令蒞任後以該匪等如此橫行若不拿獲正法地方終不能安

因偵知其回匿張三寨村臨清州遂派巡警隊王管帶督率馬步巡警三百餘名前往兜剿追至邱縣牛兒寨將匪圍住

匪各開槍拒捕勢甚兇猛相持一晝夜始將王四二匪槍斃並擒其餘黨黨奉直督袁慰帥批飭就地正法○熱河都統

廷都護以直提馬軍門駐紮各營現已奉旨撤防雖暫留步隊兩營分駐平泉州建昌縣兩處然征調靡常不能不預

為計算至承德園場赤峰豐甯灤平各屬二千餘里間列防四十餘處僅有熱河自練之巡防隊五營實難兼顧因就

治局丙午年稅捐各款盈餘儘數添練馬步隊各一營訓練成軍以防未然現已奏奉 硃批知道

奉天○東督徐菊帥商准陸軍部備向書將第三鎮陸軍全數調往奉天以資防護

黑龍江○黑省向有巡防營十一營近又由東督徐菊帥奏准抽撥陸軍一鎮暨兩混成協調往駐紮其一鎮及混成一

協由近畿陸軍各鎮抽撥外其餘混成一協由北洋二四兩鎮酌撥已札派王副將汝賢為統領統率前往

山東○曹州匪首王鐵頭、獨龍、孫百起、即于里等近皆為陸觀察建章擒獲又馬秀蘭、張羣、沈達拉等亦為右翼右營

管帶訪獲又巨匪孔昭純向係孔廣東主謀亦為夏軍門辛酉擒獲到案

江西○贛省三營兵丁內多老弱且槍枝操法均保舊式不堪應用近經瑞鼎帥點驗飭各汰弱留強另募補額被裁各

兵均賞給恩餉兩月以示矜恤

安徽○五月二十六日為皖省巡警學堂學生畢業之期是日午前十一時皖撫恩新帥及藩臬馮方伯吳廉訪等蒞堂

大考甫及升座尚未點名該學堂會辦道員徐錫麟、浙江山陰人忽擲炸彈階下為行刺計詎彈未炸徐又與其黨陳伯平、別

光復子爵 江會稽人馬子畦 浙江餘姚人 各持手槍直擊新帥身中八傷第一中脘第二中腰際及兩腿最後由尾闕洞穿小腹遂仆地時文巡捕陸永頤武巡捕車德文各以身翼蔽新帥故陸登時斃命車亦身受重傷此外彈鏢所及巢觀察鳳儀傷腿鬚太守鎮湘傷背收支委員顧松因不從徐指使亦被擊斃餘亦有致死者旋經藩司等命戈什與新帥歸新帥雖受數傷猶能大呼速拿徐錫麟惟因受傷太重西醫束手延至下午而歿先是徐見新帥中彈仆地即誘脅巡警學生往劫軍械所以期乘亂起事卒以倉猝不能利用各械而官軍又已四集對抗之下勢不能支徐遂越牆遁後懸重賞萬金就擒陳伯平當被格斃馬子畦旋亦就獲並先後拿獲學生及夫役等二十一名司道等會訊徐供蓄意排滿不諱立即正法剖心致祭馬俟復訊確供擬辦餘各分別開釋訊押一面電咨浙撫張筱帥飭令山陰縣拿徐家屬越日徐父梅生自行投案年已七十餘矣徐弟錫瀛亦於自滬至鄂時在九江被獲解皖訊辦旋紹郡官吏以大通學校昔為徐所創辦疑其有通同謀叛情事遂由山陰縣李大令率兵往捕槍斃學生二人餘悉被拿而明道女學校教習秋女士瑾亦以迹涉嫌疑株連正法論者冤之

浙江○浙省水陸各標鎮協營原存制兵一萬八千五百零三名除海防營專司塘工暨水陸練軍派防要隘不計外實存馬戰守兵一萬三千九百五十七名近因節省餉需裁減五成飭令各營詳報省憲接額勻裁所裁各兵發給半年恩餉於裁存款內移撥○武義縣境九龍會匪起事被誘入會者實繁有徒該縣錢大令先令緝銷票布概不深究以散脅從然後密訪首要姓名懸賞嚴捕旋於五月下旬拿獲匪黨李唐梅金桂暨搶米匪犯戚水王麻見如等四名訊取確供即將李梅戚三犯先行正法麻俟覆訊詳辦其會匪首周金海一名仍購線勒拿務獲嚴辦○定海鄉民因官得加徵糧耗恐不可遏復經秀民煽誘遂聚衆入城拆毀廳署並疑所徵糧耗為學堂經費即將學堂搗毀嗣復劫擄廳丞錢可

馬二子及丁紳哨弁等六人以爲勒釋徐仁依地步徐爲官於是人心惶亂合邑騷然旋由水師統領吳軍門至勸令
交還六人亦許將徐釋放亂事始漸救平○嶧縣烏帶黨匪首裘文高陳道位近因米價翔貴突於五月初旬糾率黨羽
闖入西鄉二十八都村內恣意搶劫該縣奉大令聞報立即會同防營副哨長李逢春星夜往捕次日黎明馳至該處李
哨弁直入攻剿裘匪率黨拒捕竟將李哨弁戕斃並轟斃營勇二名四竄逃匿旋由眼線至縣密報陳匪已潛回鄉復圖
大逞秦大令即速督帶兵役會同警卒馳往兜捕相持片刻適匪中槍彈已盡力不能支陳匪遂被官兵槍斃餘匪四散
脫逃現仍購線限拿裘文高藉彰國法而消隱患

廣東○欽州三那墟那黎那土產蔗糖各墟民因糖捐繁重遂於三月中旬聚衆抗捐名曰萬人會推劉思裕爲首連欽
道王觀察兼恩先派宋分統安樞率勇彈壓解散墟民抗拒官軍開槍迎擊斃民數十民益結衆自固聲勢甚盛前粵督
周玉帥恐北海一鎮兵力單薄特派郭觀察人璋率帶二營新軍統帶趙管帶聲率帶一營兼撥破隊馳赴欽州會同何
總兵長清合力剿辦四月初一日克復那思官兵乘勝進攻初三日連破米仔村木蘭塘二處亂民退守那彭郭觀察等
復率破隊猛攻轟破壘門並將劉思裕擊斃亂民復走那黎官兵乘夜襲擊亂民紛紛奔逃遂將那黎收復現由官府舉
辦清鄉諭令各墟繳出槍械以再後患

各國軍事紀要

日本○日本所設關東都督府以府令定關東都督府陸軍軍法會議凡布置及其管轄區域公布如左 第一條依明
治四十年四月法律第四十六號設關東都督府陸軍軍法會議於旅順及遼陽在旅順者稱關東都督府旅順陸軍軍
法會議在遼陽者稱關東都督府遼陽陸軍軍法會議 第二條軍法會議之管轄自沙河以南被告事件則於旅順審

判之自沙河以北^{除沙}及安奉鐵道沿線被告事件則於遼陽審判之若管轄不明或重複時則由關東都督指定 第三條凡當在旅順管轄被告事件則關東都督府辦理之當在遼陽管轄被告事件則第十四師團法官部辦理之 第四條本令自明治四十年五月十六日施行○日本陸軍經日俄戰役之實驗遂有改正各種操典之舉今特召集各兵科聯隊長及大隊長於教育總監部由總監特加訓示參謀長說明教範操典兼改正之理由及今後施行方法其改正之教範操典如左(一)要塞砲兵特業手教育令草案(二)要塞砲兵火工教範改正草案(三)要塞砲兵力作教範改正草案(四)要塞砲兵觀測教範改正草案(五)要塞砲兵照準教範草案(六)要塞砲兵通信教範改正草案(七)野戰砲兵射擊教範改正草案(八)野戰砲兵操典改正草案(九)馬術教範改正草案(十)馬術教範改正草案(十一)騎兵操典改正草案(十二)騎兵通信教範草案(十三)要塞砲兵射擊教範改正草案第一部(十四)要塞砲兵射擊教範改正草案第二部○日本海軍今年應徵人數為八千五百八十八人徵法分為四管區橫須賀二千六百零四人吳一千八百六十四人佐世保二千五百六十七人舞鶴一千五百四十五人而其半數以本年六月一日成軍其餘一半則以十二月一日成軍○據最近調查日本現在海軍勢力所有戰艦自薩摩安藝香取鹿島以下共十三艘計十八萬二千噸裝甲巡洋艦自築波以下共二艘計三萬三千餘噸一等巡洋艦自淺間常磐以下共八艘計六萬三千二百噸二等巡洋艦自津輕宗谷以下共四十五艘計二十一萬四百噸驅逐艦五十九艘約計二萬一千噸水雷艇七十八艘七千餘噸潛航艇八艘三百五十餘噸此外尙在建造未成者計裝甲巡洋艦伊次一艘一萬三千餘噸裝甲一艘噸數同通報艦最上一艘四千餘噸利根一艘三千餘噸淀一艘噸數同兩共總計為五十五萬噸云

俄○俄國現以一千五百萬至二千萬羅布在聖彼得堡造船所製造戰艦十二艘專為巡防黑龍江之用船底係平面

適於內河行駛每艦載重約九百噸艦置六寸徑口砲及五寸徑口砲各二皆有旋轉之台便於四面施放此外尚有快

砲數尊云○據俄國海軍省公報俄國太平洋及波羅的海兩艦隊合未成者在內共有二百一十三艘計戰艦五艘

內二艘 未成海防艦五艘一等巡洋艦十二艘 內四艘 未成二等巡洋艦二艘戰艦八艘 內四艘 未成淺水砲艦十艘 全部 未成水雷母艦五

內二艘 未成水雷巡洋艦二十四艘大水雷艇六十艘 內十二艘 未成水雷艇五十九艘運送艦二艘練習艦通報艦二十一艘

德○德國海軍新增戰艦三艘二為戰艦一為帶甲巡洋艦三艦之大皆超過英國最大之艦戰艦載重每艦多於

英艦八百噸巡洋艦載重每艦多於英艦二千噸所置火器亦較英艦為利近更嚴限造船廠迅速二大戰艦務於一千

九百零七年內竣工云

英○英國陸軍近將常備兵服役年限改正計騎兵砲兵及野戰砲兵現役六年豫備六年要塞砲兵現役八年豫備四

年線列步兵現役七年豫備五年騎兵近衛步兵工兵及雜兵現役七年豫備五年○英國陸軍大臣公布常備陸軍之

編制改正案其內容如左(一)軍團制之廢止(二)從印度軍隊採用之模範兵例行師團制(三)創設步兵六師團

(一)戰時編成騎兵一師團(二)每一師團以步兵三旅團編成 合十二 (三)於各師團內增加砲兵中隊之數 以野砲五

砲八門近衛 (一)於各大都府內創設教育團(二)軍營區域七處維持舊制 砲四門編成



上海商務印書館新出各種教科圖書

(分設)

京師 奉天 天津 廣州 福州 成都 重慶 漢口 開封 長沙

國語圖定

小學修身教科書十冊 每冊一角 教授法十冊 每冊一角 五彩掛圖 計二十幅 已裱六元

未裱 ○ 本書為浙江蔡元培福建高鳳謙浙江張元濟諸君編採古人嘉言懿行足以增進民德改良風俗者依次編入由淺及深循序漸進末數冊於合羣愛國尤為再三致意全書十冊適供初等小學五年之用第一冊全用圖畫不著一字令兒童不生厭倦第二冊至第四冊每課一圖第六冊以下文漸增圖漸減每冊至少亦有十圖左右茲承 學部審定稱為

國語圖定 小學國文教科書十冊 第一冊以下各二角 教授法十冊 第一冊四角第二冊至第五冊各二角 國語圖定 小學國文教科書十冊 第一冊以下各二角 教授法十冊 第一冊四角第二冊至第五冊各二角

初等國文教科書十冊 第一冊以下各二角 教授法十冊 第一冊四角第二冊至第五冊各二角 國語圖定 小學國文教科書十冊 第一冊以下各二角 教授法十冊 第一冊四角第二冊至第五冊各二角

○ 本書為福建高鳳謙浙江張元濟江蘇蔣維喬諸君悉心編纂一字不苟經營二年始克成書文章淺而不俗雅而不與每冊附圖數十幅五彩圖二幅尤為精彩動人全書十冊適供初等小學五年之用發行以來頗蒙海內教育家許可銷流至數十萬冊版數十次茲經 學部審定稱為文辭淺易條段顯明圖畫美富板本適中章句之長短生字之多寡皆與學

年相稱事實則取兒童易知者景物則預計學期應有者并將一切器物名稱均附入圖中使雅俗兩得其當等語 教授法一書專為教員之用按照課數編次凡講讀講解習問默寫聯字造

句作文等法無不詳備名物訓詁皆加詮釋所引古籍西籍 初等習字帖 第一冊一角第二冊一角

亦詳其出處以省教員檢查之煩此書亦承 學部審定 初等習字帖 第一冊一角第二冊一角

分 ○ 此帖與本館所編國文教科書相輔而行書中所有者無一不備書中所無者亦不欄入以便隨讀隨寫可助記憶第一冊用描紅第二冊以下用影寫 小學唱

歌書一冊 價洋三角 ○ 此書前半詳列教授法凡音調拍子趣味等法循序不紊後半列

歌辭雅而不俗淺而不俚其於愛國思想尙武精神尤為注意

上海商務印書館新出各種教科圖書

(分設) 京師 奉天 天津 廣州 福州 成都 重慶 漢口 開封 長沙

國語圖定 小學筆算教科書五册 第一二册各一角半 第三四册各二角 第五册各三角 教授法五册 第一二册各二角 第三四册各三角

冊四角 第五册五角 計十六幅 ○ 本書五册適供初等小學五年之用已承 學部審定稱
中尚無出其右者又稱多列圖畫足以引起兒童興趣全忘習算之煩苦又稱中外度量衡比較
法既習算術兼適應用則尤本書之特長等語教授法一書亦經 學部審定稱為教員上課時
手此一編可不致 漫無秩序等語 ○ 小學筆算教科書四册 每册二角 教授法四册 第一册二角半 第二册三
冊是編繼前書之後仍由加減乘除入手至平面立體求積而止全書四册 小學筆算教本
冊適供高等小學四年之用 教授法四册按課演繹最便教員之用 ○ 高等筆算教本

二册 價洋四角 ○ 是書共九編首加減乘除(一)諸名數(二)分數之簡易者(三)分數之繁雜者(四)小
書解釋清晰 譯文明暢 ○ 國語圖定 小學珠算入門 二册 每部二册價洋四角五分 ○ 此書經 學部審定稱爲
多列習題亦便於練習等語且蒙 學部指定爲初等 珠算教科書四册 每部六册 教授法二
小學末二年之用即商業中大取而習之獲益非淺 ○ 珠算教科書四册 每部六册 教授法二

冊 每册價洋五角 ○ 此書繼珠算入門而作詳明淺顯條理井然其教授法爲教員實際教授時所用
志獨修者取而習之亦 ○ 高等理科教科書四册 每部四册 ○ 是書爲山陰杜亞泉所著
能粗窺門徑漸涉堂奧 ○ 小學 理科教科書四册 每部四册 ○ 並由山陰杜亞泉所著
料精當每次分期最便初學附印五彩圖及精圖三百餘幅書共四册每册
四十課每星期教授一課以一年畢一册誦習既竣不患無普通之知識矣

○ 是編繼前書之後仍由加減乘除入手至平面立體求積而止全書四册 小學筆算教本
冊適供高等小學四年之用 教授法四册按課演繹最便教員之用 ○ 高等筆算教本

二册 價洋四角 ○ 是書共九編首加減乘除(一)諸名數(二)分數之簡易者(三)分數之繁雜者(四)小
書解釋清晰 譯文明暢 ○ 國語圖定 小學珠算入門 二册 每部二册價洋四角五分 ○ 此書經 學部審定稱爲
多列習題亦便於練習等語且蒙 學部指定爲初等 珠算教科書四册 每部六册 教授法二
小學末二年之用即商業中大取而習之獲益非淺 ○ 珠算教科書四册 每部六册 教授法二

冊 每册價洋五角 ○ 此書繼珠算入門而作詳明淺顯條理井然其教授法爲教員實際教授時所用
志獨修者取而習之亦 ○ 高等理科教科書四册 每部四册 ○ 是書爲山陰杜亞泉所著
能粗窺門徑漸涉堂奧 ○ 小學 理科教科書四册 每部四册 ○ 並由山陰杜亞泉所著
料精當每次分期最便初學附印五彩圖及精圖三百餘幅書共四册每册
四十課每星期教授一課以一年畢一册誦習既竣不患無普通之知識矣

○ 是編繼前書之後仍由加減乘除入手至平面立體求積而止全書四册 小學筆算教本
冊適供高等小學四年之用 教授法四册按課演繹最便教員之用 ○ 高等筆算教本

二册 價洋四角 ○ 是書共九編首加減乘除(一)諸名數(二)分數之簡易者(三)分數之繁雜者(四)小
書解釋清晰 譯文明暢 ○ 國語圖定 小學珠算入門 二册 每部二册價洋四角五分 ○ 此書經 學部審定稱爲
多列習題亦便於練習等語且蒙 學部指定爲初等 珠算教科書四册 每部六册 教授法二
小學末二年之用即商業中大取而習之獲益非淺 ○ 珠算教科書四册 每部六册 教授法二

冊 每册價洋五角 ○ 此書繼珠算入門而作詳明淺顯條理井然其教授法爲教員實際教授時所用
志獨修者取而習之亦 ○ 高等理科教科書四册 每部四册 ○ 是書爲山陰杜亞泉所著
能粗窺門徑漸涉堂奧 ○ 小學 理科教科書四册 每部四册 ○ 並由山陰杜亞泉所著
料精當每次分期最便初學附印五彩圖及精圖三百餘幅書共四册每册
四十課每星期教授一課以一年畢一册誦習既竣不患無普通之知識矣

○ 是編繼前書之後仍由加減乘除入手至平面立體求積而止全書四册 小學筆算教本
冊適供高等小學四年之用 教授法四册按課演繹最便教員之用 ○ 高等筆算教本

教育

論女學宜先定教科宗旨 錄丁未三月二十八日南方報

中國之無女子教育。外人譏之久矣。豈獨外人譏之。我國人亦甯能自諱焉。雖然。中國詎真無女學哉。章實齋云。婦學掌於九嬪。教法行於宮壺。女師女祝。創自周官。德容言工。無科不備。故其時。詩傳師氏。禮垂姆教。姬周女學。略可觀矣。內起居注之名。創於炎漢。匡衡上勸戒后妃治經疏。爲請興女學之祖。曹大家著述淹博。爲女學界之特色。漢代女學。尤彬彬焉。然則謂中國素無女學者。甯不冤乎。迨夫後世。政體愈趨專制。風教日就式微。學士大夫。見解益陋。以女子無才爲德。以婦人不學爲能。既錮蔽其智識。而復戕其形體。既桎梏其心思。而復奪其權利。遂使女子成一無用之廢物。母道日喪。家政日替。而其影響所及。至於弱國而貧民嗚呼。可恫也已。

近來有志之士。內惕乎國勢之不振。由於女學不興。外鑒乎東西洋國力之寔盛。由於女學勃發。於是旦夕呼號以提倡之。今者提倡之效。亦稍見矣。滬上得風氣之先。女校林立。而內地鄉曲。儒士猶以爲婦人女子。無與於家國事。女校建設尙少。不知女學之與國家關係。至

教育

論女學宜先定教科宗旨

一百二十九

丁未

爲密切國家強弱之大原在教育教育之大本在家庭家庭教育者所以立蒙養之基礎而作成人之本始實爲萬化之原故女學最爲重要今之辦理女學者亦知注意於女子小學與女子師範然其教科宗旨不可不預爲認定也茲特略言其宗旨之所在

自其原而言之則不外乎愛國二字夫國勢之積弱既爲女學不興所致則今日之與女學所以救國也欲救此國保存此國發達此國則恃有愛此國之熱心而已若家庭之間無國家思想則男子出而任事必薄於愛國之感情而兒童之腦中亦無愛國之印象西人稱母爲童穉之天又曰女子者國民之母使不先進以普通知識灌輸以切用之學業則人格先不完何能端家庭教育之本以發生家國間之觀念而動其愛情女學之所以關係於家國者其本原在此雖然愛國非空言而已須有實事以啟其機而利導之嘗觀東西各國其人民無論男女束髮入校則誦愛國之詩歌相語以愛國之故事及稍長則講愛國之真理相究以愛國之學業衣襟佩愛國之章游講集愛國之社卽推之所飲之酒亦以愛國爲命名所用之物亦以愛國爲紀念其愛國之性豈眞出於天然不待教而能哉蓋自學生入蒙小學校而後其教科所指授無一不與愛國之理有關故得收此效果也觀此則知今日辦理女學之宗旨其根本蓋有所在矣

自其辦法言之則有兩要義。 (甲) 先從賢母良妻派入手。教育發達必有一定之次序。泰東西各國於女學宗旨不越賢母良妻與非賢母良妻兩派。十九世紀以前歐美澳諸國女學均主賢母良妻派。自彌勒約翰輩天賦人權男女平等之說大行而後各國女學方針爲之一變。美國女子首先要求入議會。德法兩國及澳洲之女子繼起而爭參政權。近日英國女子亦復力爭選舉權。女校科學改與男校無異。故女子入大學校者漸多。日本學步歐西師法賢母良妻派。推行全國。至二三年前始漸有以非賢母良妻之說倡者。然多數之教育家則謂日本女學之現勢仍以賢母良妻派爲適宜。於今日之社會未可驟趨於男子同一之學業。夫以日本之民情治法如此。美備其教育程度必高出於吾國數倍。而至今猶多主張賢母良妻之學說。則吾國創辦女學之方針當知所擇矣。近人言女學發軔之始。當斷合於吾國之風俗政教。而後可以無弊。賢母良妻派所謂適合於吾國風俗政教者也。顧世之疑其說者。以爲男女人格無高下之殊。腦質無優劣之別。吾國女子豈無才質優美。品格尊貴。足習專門高尚之學問者乎。何必強別於男子。而限以賢母良妻之學也。曰是不然。所謂賢母良妻派者。非普通女學之謂。亦非輕視女子。而僅授以尋常淺近之教科也。所別乎男子者。特以男女所處之地位不同。故其教科宗旨因之而異。宗賢母良妻派者。一切教科

目的專注於女子。應盡之義務。其收效於愛國也。半受間接之影響。宗非賢母良妻派者。一切教科目的。在與男子服同等之義務。其收效於愛國也。多受直接之影響。故賢母良妻派之與非賢母良妻派。初無淺深之別。而祇有彼此之殊。其必先由賢母良妻派而後進於非賢母良妻派者。教育進化之順序。使然而其大勢所趨。有必經之階級焉。近觀學部奏定之女學章程。大旨雖本於賢母良妻派。然其辦法。尙多缺憾。當世教育家不可不詳細研究也。

(乙) 應注重國文。各科學中最足感動學生之愛國心者。國文而已。國文者。政治、風教、學術、道藝所寄焉者也。自古可喜可怨可歌可泣之事。莫不託之於文學。讀其詩書。觀念其歷史。動其國情。則感憤情生。而仰視天。俯畫地之態。起感其時事。則奮發心起。而雪國恥。救民困之心生。昔人謂文字之興。原於種教。欲保國粹。宜重國文。有國文以感發之。而後能愛其種。有國文以鼓吹之。而後能愛其教。愛其種教者。必能愛其國。我國女子。愛種愛教之心。最爲冷淡。故愛國之熱力。最爲薄弱。俄之滅波蘭也。禁波人用其國之文字。而盡用俄國之文字。英之滅印度也。禁印人用其國之文字。而盡用英國之文字。均所以消滅其愛國心也。然則文字之足以啟發人之愛國心者。其效力如此其大。而豈僅各科學之藉以表見云哉。願今日之女學。既折衷於賢母良妻之說。則國文之教科。所以別乎非賢母良妻派者。其旨

何在曰宗賢母良妻之說者則各項教科均以適宜於爲母爲妻之道爲主福澤論吉之言曰女子不習普通國文不足以言學問女子無學問之心得治炊爨且不能況妻母之道乎幾何萬象起於點人生萬事始於胎母道也發育萬物肇於乾端本成化貞乎坤妻道也道也者職務而已必先明於女子之職務而後進以適宜之教育天演之理適宜爲貴女子之職務在孝舅姑和妯娌相夫教子諸端則進以相當之倫理學女子之職務在治針黹學縫紉習紡織諸端則進以相當之工藝女子之職務在主中饋操一切瑣屑家事則進以相當之家政學女子之職務在司會計經理出納簿記則進以相當之算學簿記學等其餘歷史輿地等科亦均以適宜於妻母之道爲鵠的凡國家思想即寓於各科學之中而油然而發現乎外國文者順其愛國之勢而導之宰乎各科學之中而推之也此又教育家不可不研究者也

商業教育

Commercial Education

上海高等實業學堂教習美國薛來西撰

歐洲設商業學校有年矣。奧京維也納、法京巴黎、德國黎伯西克、Lipsic 所立者已皆見稱於世。英國商學進步稍緩。今美國雖有高等商業學校亦近始稍見發達耳。茲舉商業學所應習之課程所持之目的所用之教育法所守之宗旨條分縷晰言之。

教育

商業教育 Commercial Education

一百三十三

丁未

(甲)課程 Subjects 研究商業學當以商業地理學 Commercial Geography 爲本。即以之考察各處之天然物產與專門製造之貨物及調查其轉輸法終則詳考其地人民之風俗習慣夫而後人民與其性所好惡之關係及其日用所需之物品可得而知 其次爲商業歷史 Commercial History 追溯上古之世腓尼西亞人 Phoenicians 在歐洲及亞洲之西以經商著降及中古義大利國各城德國北境漢薩諸城 Hansa cities 以及周圍各境悉係通商要區。至今日而商務之興且徧於全球是爲商業進步之歷史再進而考查發明製造法之歷史 The historic development of manufactures 古時工作用人力其後用天然力尙未神妙降及近日其用始宏新法日興技巧益進矣若商業歷史中之最關緊要者即崇金貿易 商或譯重 Mercantile system 與自由貿易 Freedom of trade 兩端崇金貿易以保持貨幣勿使流出外國爲富國大計若自由貿易即百姓得利國家亦受其福之謂也其次爲商律 Commercial Law 查合同通例即可爲商律之鼻祖若商會規則 Customary Law 乃以商人之習慣相沿而成亦有採入國家律法者至商標版權等例尤爲講求商學者所應研究外此即爲商約中國與各國所立條約內載通商章程甚多故此節在中國尤爲重要 會計學 Science of Accounts 爲研究商學者所必不可缺蓋高等商業學校雖

不以省筆寫法。Stenography 機械習字。Typewriting 簿記學。Bookkeeping 三門爲專科。然簿記學固不可忽視而統計學 Accounting 尤應注重。蓋簿記學所以詳載營業之事實。纖細靡遺而統計學總核大概足以見營業之真相互相爲用者也。以上所述皆可爲實驗之助。然欲洞明其原理必注重於理想。是則理財學 Economics 爲不可少矣。理財學在推究庸率隨地高下以及產物就地製造法貿易管理法之要義與夫物值工價交易之道。若銀行一科。The study of banking offers 又爲講理財學者所必學。以其與懋遷有無籌借。借款流通貨幣諸端皆息息相關也。其與理財學相連者卽爲財政學 The science of finance 其爲用也。國家之貧富商務之興衰且視之爲轉移焉。中國茶業受釐金重徵之病而凋落此其明證。尙有一端包括在財政學內者卽係國家爲公用而借之債款。此項債款善用之亦可使商業興盛不善用之則或致加抽捐稅或起內政上之紛擾而財政商業反兩受其害矣。

中國今日變法當注重於行政法制 Administrative System 所謂行政法制者何卽政府管理人民之切實責任以不寬縱不壓制爲善人民之利益與其直接扶助之弊或流於干涉毋甯聽其自爲之官吏猶能盡其職。如辦理商政者應盡其保商之類是則中國政體之缺。

點可免矣。外國文一門，必須列入商業學科內，是亦人所共曉。歐洲各學校，皆設外國文一科，至少須兼習兩國語言文字，而英文尤為通行。日本學校，教授外國文，以英文為重。中國今日亦以英文為經商之媒介，然為興學計，則各學堂應於英文外，再添設他國語文一門。

(乙)目的 Objects 今若謂中國提倡商業教育之目的，在專備政府官吏之選，陳義似

覺太狹。蓋人才以培養而益盛，或有願為國家効力者，國家固可用之，而有時國家需才，亦可無才難之歎也。然高等商業學校之特別目的，乃在養成能自治商業之人才。夫營業之法，非專求之於學業，必輔之以閱歷。苟欲練其智能，可授以鐵路理財學 Railway Economics

公司律例財政 The study of corporations, their laws and finance 各項課程，使其出而應世，先為人用，然後進而操管理之權，自游刃有餘矣。商業學校之目的，又在造就勤慎之人，俾其人即無以自見，亦足以自立。蓋人未有味於謀生之道，而能見重於人，有益於世者也。其尤為緊要之目的，則在培養師範之才。商業課程，以啓發學生使之諳習教授法為本。商業學校應設師範班，然無論設否，而教習講授，必先預備學生將來充當教習。而後可。其法在注重理想，而不斤斤於事實，在增益智識，而不孜孜於利祿斯得之矣。

(丙) 教育法 Methods 商業學所取以爲教授之資料者當首推海關報告冊 Customs

Reports其餘如國家所刊之商務報告清冊 Commercial Reports 美國政府通商各埠 各大實

業公司之報告 The reports of various commercial and industrial enterprises 於實驗理

想皆有裨益他若地圖地球等物亦爲教授所必需其次爲設立商業博物院 Commercial

Museum 考美國斐勒德斐亞城 Philadelphia 之商業博物院選藏物品原料既多且精

足供偏斯偉那省 Pennsylvania 內四十所學堂之學生參觀考驗洵稱觀止矣 游觀各

種製造廠亦可爲商業教育之一助 出洋游歷中國尤應視爲當務之急因即此可取中

西所用之法兩相比較借鏡以觀也。

(丁) 宗旨 Ideals 若夫講求商學之宗旨一曰熟悉商情二曰創興有益之事業三曰開

關地利以厚民生而裕國計四曰世界交通一國之所利亦即他國之所利是則協和萬邦

又爲商業教育之一大宗旨矣。

學部奏議覆修理各州縣學宮情形摺

上年十二月初九日軍機處片交御史張瑞蔭奏各州縣學宮亟宜修理一摺奉 旨學

部議奏欽此原奏內稱州縣學宮關係極重自學堂漸興科舉日廢生員四方覓食教職無

以聊生在官度日既有不贍以致職守盡荒學宮日壞莫若即學宮隙地設一蒙學令教職爲蒙學之師酌給束脩不令常行回家以曠職守學堂破壞嚴定考成每年提學派人稽查一次隨時修補地方紳士如能倡捐鉅款獨力興修者准地方官比照捐建學堂從優請獎各等語竊維 國家定制州縣備設學宮所以昌明正學興感羣倫典禮至爲重要查向例府州縣學宮有應行修理之處悉由該地方官據實確估詳明督撫學政動工修理俟工竣日委員驗明責令該教官敬謹守護遇有殘缺即會同地方官查驗詳明酌量修補是修理爲地方官吏之責守護乃教官職司所寄應由臣部咨行各省督撫率地方官吏確實查核如有圯壞之處即時撥款修葺完固仍責成教職敬謹守護並由提學使隨時稽查以副朝廷崇聖興學之至意所請地方紳士倡捐鉅資興修學宮者比照捐建學堂從優給獎一節應如該御史所陳由臣部咨明度支部查照辦理又所請於學宮隙地建築蒙學令教職爲蒙學之師酌給束脩一節查蒙學即原定章程所謂初等小學堂附建於學宮隙地原爲學生瞻仰宮牆涵育德性起見惟是州縣學宮不必皆有隙地即有隙地不必盡合建築初等小學堂之用且限以教職充當教員尤非正辦教職程度不一其中豈無學術湛深德行純備之員現在各學堂教員缺乏用才實多如概限以充當初等小學堂教員轉致屈抑

人才應由地方官吏揆度地勢酌量人才斟酌辦理不必限定學宮隙地始建初等小學堂
府州縣教職必充當初等小學堂教員總期興學用人兩有裨益謹 奏奉 旨依議欽
此

學部等會奏議覆河南巡撫張奏請速定學律摺

上年十二月二十七日由內閣鈔出河南巡撫張人駿奏請速定學律一片奉 硃批該
部議奏欽此原奏內稱近來各省學校林立生徒衆多血氣未定易爲習染所移偶有一二
好事之徒爲之倡率無識者爭相效尤謹愿者不敢異同或侮辱官長或欺壓平民或干預
詞訟或挑別飲饌甚至糾衆鬪爭停課罷學其人既不遵約束監督管理各員力難禁止既
犯之後地方官又以學校名譽攸關事涉動衆往往設法調停遷就了結學生無所畏忌竊
考學堂定章懲罰之條僅止記過退學似不足以示儆學堂爲創辦之事學生與平民有別
似應明定科罪專條至教習各員爲人師表尤應教品飭行奉法秉公如有徇私納賄違章
舞弊或故意增減分數任情以行實罰甚至勾引學生作奸犯科不知自愛亦應酌定處分
以示勸懲應請速定學律奏頒通行各等語查奏定章程各學堂管理通則內載學堂禁令
賞罰規條兩章凡原奏所指各節早經慮及故懸爲禁令酌定賞罰奏請頒行俾管理學堂

者有所違循學生知所儆戒其懲罰之條止於記過退學者初非有所寬縱也 國家立法無論智愚貴賤皆當遵守凡官吏革職舉貢生監革去衣頂皆有歸案訊辦之條學堂學生自當一體辦理如在學堂所犯退學之後尙有情重法輕之處或在學堂以外別有作奸犯科之事則法律自在是在行政司法之官權衡輕重按律科罪如原奏所稱地方官以學校名譽攸關事涉動衆往往設法調停遷就了結此則地方官之不能執法非學堂學生之不應守法律也細繹原奏所指學生易犯各節除簿物細故之外餘皆律有明條載在憲典若另定學律以懲學生是欲納學生於軌物之中轉置學生於法律之外寬則長薄俗恃符之風嚴則失 朝廷愛士之意不知仍照舊章凡在學堂範圍以內學生未革退以前其懲罰由學堂司之仍至革退而止如情節較重尙有餘辜由學堂知照地方官分別輕重按律究治至教員職司教授實爲師儒慎選品端學粹之士以當其選當不至別滋流弊倘有不合之處即可隨時辭退亦難另定處分先待以逆億之心如果干犯刑憲亦應執法以繩無所寬假所有另定學律一節應請無庸置議謹 奏奉 旨依議欽此

學部奏詳擬師範獎勵義務兩項章程摺 章程附

竊維振興教育以養成師範爲始基故師範一途關係至爲重要奏定學堂章程內訂有初

級優級各師範學堂畢業獎勵章程又定有初級優級各師範學堂畢業効力義務章程勸責相維立法甚善惟優級師範獎勵章程所獎係國子監官職現經裁併勢不得不量爲變通義務章程亦有應行加詳之處查奏定章程內開優級師範學堂程度與高等學堂同而略勝初級師範學堂程度與中學堂同而略勝師範爲各種學堂之根源故獎勵不能不稍優各等語是以優級師範比之高等學堂以初級師範比之中學堂其程度皆有過之無不及現在師範獎勵既不能援用舊章惟有各按程度就奏定章程所定高等學堂中學堂及程度相當之各項學堂畢業獎勵比照酌擬此外優級師範有選科一項奏定章程僅舉其名而課目未備臣部曾於去年酌定課程咨行各省分別試辦近來各省並有舉辦奏定章程所定之師範簡易科者皆爲振興教育急於求師起見此項師範畢業生似亦宜略予獎勵以資鼓舞謹一併按照程度分別酌擬至師範畢業應盡義務爲各國所同蓋必如是而後教成一入能得一人之用教育乃能振興謹就原定師範畢業効力義務章程詳加修定明示限制凡師範生得有獎勵必俟義務年滿始准服官其有心規避或遷延過久不盡義務者即將應得獎勵撤銷其効力義務著有成效者仍比照奏定章程教員五年屆滿之條酌給獎勵庶師範畢業以後皆知盡心教育而學堂得有師資不難逐漸推廣謹繕具師範

畢業獎勵章程師範畢業義務章程恭呈 御覽如蒙 俞允即由臣部遵照辦理並

由臣部體察情形如有應變通之處再行隨時具奏謹 奏奉 旨依議欽此

謹將酌擬師範畢業獎勵章程繕具清單恭呈 御覽 優級師範學堂畢業獎勵 考

列最優等者作為師範科舉人以內閣中書儘先補用並加五品銜令充中學堂初級師範

學堂及程度相當之各項學堂正教員俟義務年滿以應升之階分別京外分省遇缺

即補、考列優等者作為師範科舉人以中書科中書儘先補用令充中學堂初級師範學

堂及程度相當之各項學堂正教員俟義務年滿以應升之階分別京外分省遇缺即

補 考列中等者作為師範科舉人以各部司務補用令充中學堂初級師範學堂及程度

相當之各項學堂正教員俟義務年滿以應升之階分別京外分省儘先補用 考列

下等者給及格文憑令充中學堂及程度相當之各項學堂副教員或高等小學以下各項

學堂正教員俟義務年滿作為師範科舉人獎給中書科中書銜 考列最下等者給修業

文憑暫時准充高等小學以下各項學堂副教員 凡考列下等最下等者如在備有年級

之學堂准其留學補習一年再行考試獎勵 考列最優等優等中等之畢業生原有官職

不願就畢業獎勵者准其呈明以原官原班用一律令充各項學堂正教員俟義務年滿以

應升之階分別京外分部分省儘先補用。考列最優等優等中等之畢業生義務年滿不願就京職者准其呈明以應升外職照章辦理。自費畢業生各按所考等第比照辦理。初級師範學堂畢業獎勵。考列最優等者作為師範科貢生以教授用加六品銜令充小學堂及程度相當之各項學堂正教員俟義務年滿以應升之階儘先補用。考列優等者作為師範科貢生以教諭用令充小學堂及程度相當之各項學堂正教員俟義務年滿以應升之階儘先補用。考列中等者作為師範科貢生以訓導用令充小學堂及程度相當之各項學堂正教員俟義務年滿以應升之階儘先補用。考列下等者給及格文憑令充小學堂及程度相當之各項學堂副教員俟義務年滿作為師範科貢生獎給訓導銜。考列最下等者但給修業文憑。凡考列下等最下等者如在備有年級之學堂准其留堂補習一年再行考試按等獎勵。考列最優等優等中等之畢業生原有官職不願就畢業獎勵者准其呈明以原官原班用。一律令充各項學堂正教員俟義務年滿以應升之階分別京外儘先補用選用。自費畢業生各按所考等第比照獎勵。優級師範選科及初級師範簡易科畢業獎勵。優級師範選科。此項選科指按部學部及在中國學堂有二年以上之學力或先入他科再入本科二年畢業者言之畢業考列最優等者比照優級師範中等獎勵辦理考列優等中等

教育

學部詳擬師範獎勵章程

一百四十三

丁未

者比照優級師範下等獎勵辦理均令充中學堂及程度相當之各項學堂副教員考列下等者給及格文憑准充小學堂及程度相當之各項學堂副教員考列最下等者給修業文憑 初級師範簡易科在此項簡易科由官設立半學畢業考列最優等者比照初級師範中等獎勵辦理考列優等者比照初級師範下等獎勵辦理均令充小學堂及程度相當之各項學堂副教員考列中等者准充小學堂及程度相當之各項學堂副教員考列下等者給及格文憑考列最下等者給修業文憑自費畢業生各按等第照章辦理

謹將酌擬師範畢業義務章程繕具清單恭呈 御覽 優級師範生優級選科師範生有效力全國教育職事之義務其年限暫定為五年此五年中經學部或本省督撫提學使司指派教育職事不得規避 初級師範生簡易科師範生有效力本省教育職事之義務其年限暫定為四年此四年中經京師督學局各省提學使司及府廳州縣地方官指派教育職事不得規避 師範生於義務年限內各應盡心教育不得營謀教育以外之事業不得規避教育職事充當京外各衙門別項差使 師範生因實有不得已事故請緩義務年期經學部或督學局暨各省提學使司考查屬實者准其展緩所展年期仍以二年為限 師範生因病廢不能從事教育經學部或督學局暨各省提學使司考查屬實者准其豁免

義務所應得之獎勵改爲虛銜。師範生於義務年限內不盡義務未經允准私自遷延至二年以上者即將所得獎勵撤銷。師範生於義務年限內如因重要事故革除教員者並將所得獎勵撤銷。師範生於義務年限內充當教員應將所編講義及所訂教授案由該學堂監督堂長照章分別呈送學部及督學局暨各省提學使司察核。師範生於義務年限內充當教員由督學局或各省提學使司隨時考查每年年終將教授成績詳細呈報學部不得泛填籠統考語。師範生義務年滿由督學局或各省提學使司呈報學部照章給獎其不願服官仍充教員者由學部另訂教員獎勵章程分別辦理。師範生畢業不盡義務入別項學堂進習高等學科者畢業之時應照該學堂章程獎勵不得比照師範獎勵章程辦理。

學部等會奏遵議廢生入學期限摺

竊臣等准軍機處鈔交御史王步瀛奏漢文武廢生既免考試宜定入學堂期限一摺奉

旨該衙門議奏欽此查原奏內稱漢文武廢生於年二十以前應令在貴胄學堂或練兵處學習三年然後由部帶領引見等語現在朝廷更新百度以教育普興爲本原尤以大員子弟入學爲先導誠使大員子弟一體入學風氣所播人心自爲轉移該御史所

陳洵爲當務之急惟是任子所以優待大臣入學亦以年齡爲準擬請於五年之內漢文武大員子弟應廕者仍照例承廕及歲者仍照例引見分別錄用後令入學堂俟學習期滿畢業照例銓選分發如學習未經期滿銓選業已到班令其虛積過班俟期滿畢業時即行選用再行驗看引見其年在四十以上者應准略予通融照吏部奏准免考試章程免其入學如有願入學肄習者亦聽其便至五年之後自辛亥年爲始漢文武大員子弟應承廕者仍照例承廕及歲者仍照例帶引惟必由兩等小學畢業升入中學曾受完全之普通教育方准銓選分發其升入中學時應免其考試以仰體朝廷報功任子之意如中學畢業後志趣遠大自願再習專門者由部驗其身體察其學業於文武兩途何項爲宜酌定相當學堂送入肄業其學業果有成即由部奏明請旨獎勵其未經入學之廕生只虛職榮身不能出仕滿蒙廕生事同一律至例不引見各員均應援照辦理其難廕生一項原奏雖未論及惟國子監既經歸併已不能入監讀書亦應仿照辦理以免歧異加蒙俞允即由臣等通行京外各衙門遵照辦理謹奏奉旨依議欽此

學部奏議覆中西醫學分科肄習摺

上年十一月十五日軍機處片交日本御史徐定超奏中西醫派不同擬請分辦學堂以宏

造就一摺奉 旨學部議奏欽此原摺內稱中西醫派確有不同造士不能合併中醫多幻想西醫憑實驗中醫主述古西醫貴求新其詣力獨到之處各有不同思議之精微學者各專一門已苦難於精到必欲兼營並驚心力更有不遑等語臣等竊維中西醫術各有獨到之處奏定醫科大學章程於中西醫學必令兼營未嘗偏廢惟中西醫理博大精微融會貫通必俟諸已入分科大學之後下此則兼營並驚學者輒以爲難誠有如該御史所陳者查京師設有醫學館擬即改爲京師專門醫學堂中西學分科肄習各以深造有得切於實用爲宗旨其應如何補習普通編設課程酌定年限之處容俟臣部遵派委員詳議章程具奏請 旨辦理謹 奏奉 依議欽此

學部奏改定順天學堂等級釐訂辦法摺

竊臣部准順天府咨稱奏請改定學堂等級一摺於光緒三十三年二月二十三日具奏奉 旨依議欽此鈔黏原奏咨請查照等因前來查原奏內稱順天中學堂開辦四年諸生現習各科如修身經史文學地理物理化學數學英文法文東文廣聘教員分門肄習其程度實與高等學堂相比畢業後即可學習專門迭經督學局派員考察均以程度甚高無可再升爲言順天府依 輦轂之下爲根本之地自應援照奏章將現辦之中學堂升爲高

等學堂既有現存之經費校舍復有合格之學生教員一轉移間而順屬中小學堂均可銜接一氣查宗室覺羅八旗中學堂經前學務大臣奏明改爲高等學堂奉旨允准在案順天府中學堂實與八旗學堂事同一律可否仰懇天恩俯准將順天中學堂升爲高等學堂飭下學部立案實於學務有裨等語臣等前據督學局查學員呈報該學堂原設正備兩齋以及格者入正齋授以中學課程不及格者入備齋授以小學課程現除去正備齋之名定爲甲乙丙丁戊五班丁戊班去歲始立程度尙淺其甲乙丙三班亦未畢業若遽授以高等學科未免躐等殊非實事求是之意惟查順屬二十四州縣各立小學堂四路廳亦各籌設中學順天府地居首善自應設高等學堂一所爲中學生畢業之升階查宗室覺羅八旗中學堂曾經奏准改爲高等學堂其各班學生仍按照中學堂課程講授俟中學畢業然後升入高等即如山東河南江西福建各省高等學堂其畢業報部立案均係按照中學堂章程辦理良以興學伊始未有高等合格學生不得不酌量變通以期名實相符擬請援照此等辦法將順天中學堂先行定名高等學堂爲順屬中學生畢業升學之地其該學堂現有學生仍各按年級照中學堂課程分別講授俟中學堂畢業其考驗及格者准其升入高等其不及格者仍須留堂補習似此核實辦理既使該堂肄業諸生循序漸進并使

順屬中小各校一氣相聯如蒙 俞允卽由臣部將該學堂課程切實釐訂以期仰副
博朝廷綜核名實培養人才之至意謹 奏奉 旨依議欽此

恭批學部奏議覆兩江總督端等會奏擬建南洋大學堂摺

詔明 詔初八日內閣鈔出兩江總督端方等奏擬建南洋大學堂籌款興辦情形一摺奉
日美 硃批學部議奏欽此原奏內稱南洋爲江海要衝臣端方到任以來亟謀創建南洋大
學堂一所挑選學生除甯蘇皖贛粵爲兩江轄境照例甄收外如鄂湘閩浙川廣學生均可
貼補學費定額考取仿京師大學堂先教預備科畢業後再照分科大學辦理現就各岸准
鹽膏銷酌扣盈餘每年籌有的款四五萬金不敷尙鉅擬將貢院房舍拆卸什物變賣歲收
地租以資補助不敷之款再由臣端方設法籌濟等語臣等竊維教育爲當今最急之務大
學爲學問完備之區欲使全國之學術藝能日有進步自非多設高等學堂及大學堂不可
該督等於經費支絀之際籌設大學勉爲其難洵屬遠大之見而甄收學生不限省界先教
預科俾免躐等尤足以廣造就而得真材惟挑選學生最關緊要教之於到學之後尤貴慎
之於到學之初必擇其性行端慎中學根柢已深曾經中學堂畢業者方足以期大成而實
實用應請 旨飭下該督等安定規條慎重選擇必須合格始能入選將來分科編制

教育

學部奏議覆兩江總督端等會奏擬建南洋大學堂摺

一百四十九

十承

切事宜并由該督等詳細籌訂隨時咨明臣部酌核辦理至所請將貢院開作市場及變賣什物以助經費各節并酌提准鹽督銷盈餘均爲亟於興學設法籌款起見應由該督臣酌擬辦法咨明度支部辦理謹奏奉旨依議欽此

學部奏擬請派員赴美籌辦僑民興學事宜摺

竊近年以來屢奉明詔普興教育京外各學堂次第舉辦固已略具規模而海外僑民同是朝廷赤子其平日惓懷宗國歷久不渝若再屬之以詩書勉之以忠孝則內嚮之意益篤愛國之忱益堅於以維人心而收國權所關實非淺鮮查美洲華僑之數當光緒八九年間約三十餘萬人十八九年間減至二十餘萬人迨二十九年以後僅有十餘萬人蓋自禁工之議起所以限制華民入境者綦嚴卽僑居已久者亦不得同享其優待之利益近日美國重申阻止亞洲幼童共校之禁紐約各埠華商屢電臣部籲求救援想見流離無告窮則呼天之情殊堪憫念臣等日夜焦思謀所以維持之法舍乘時勸學速興教育無從措手謹熟籌利害爲我皇太后皇上陳之查華人之在美者大都習於工商勤儉耐勞終歲所贏輦回中國通商漏卮得以稍資補助比年工商實業日即衰微固由苛例使然亦由華民漫無學識未能競進及今不圖再閱十年恐知識愈加極樁生業愈形彫

敵可爲長慮若施教育以擴其知識操業日精生計自裕生齒亦孳而愈繁其利一也近年華人入美國專門大學肄業者甚多大率內地人士稍具根柢者始往游學而華僑子弟能入美國大學者殊爲罕覯間有其人亦以生長外國於宗國文化遺之已久於國事更漠然若忘縱使學業有成亦終楚材晉用爲外人所驅使若施教育以發其愛國之心俾知孔教淵源、累朝恩德自可默相維繫收爲我用其利二也況近年異說朋興邪惡之徒流毒海外華僑之稍明忠孝大義者固不至爲其所誘而勞力小人未嘗學問往往爲所煽惑不能辨其是非滄海橫流罔知所屆尤不可不預爲之防若施教育以端趨向而正人心俾知朝廷覆載之恩無遠弗屆海外愚氓斷不忍自外生成其利三也夫以教育不興則害如此教育興則利如彼惟有派員赴美宣布朝廷德意指陳教育宗旨爲今日萬不可緩之圖然非得有忠實可靠之人素爲旅美華民所信服者亦恐無濟茲查有內閣侍讀梁慶桂係廣東番禺縣舉人學優品正鄉望素孚堪以派往美國各埠經理其事所有調查學童勸勵紳董儲備教員編設學科補助經費應如何妥籌辦法之處均由該員隨時隨地呈報臣部核辦至該員往返川資抵美後所需費用概由臣部發給如蒙 俞允并懇

明降諭旨宣諭華僑務以忠君尊孔爲宗旨使該僑民知身居海外仍在 聖朝軫

教 育

學部奏請派員赴美籌辦僑民興學事宜摺

一百五十一

丁未

教育

農工商部奏議覆出使義國大臣黃奏請

飭各省廣設機器學堂摺

一百五十二

七月

念之中庶幾因感生奮發以勤學問篤惓忱於維繫人心潛消隱患不無裨益謹 奏奉

旨依議欽此

農工商部奏議覆出使義國大臣黃奏請 飭各省廣設機器學堂摺

光緒三十二年十二月十三日准軍機處片交出使義國大臣黃誥奏請 旨飭各省將軍督撫廣設機器學堂片奏奉 硃批農工商部議奏欽此欽遵到部查原奏內稱此次會場所覽物品迭經考察就其最精者言之有鐵路所需各物品有戰船所用各物品有農務漁業蠶絲應用各物品有機器製造各物品之數者各國或設學堂或立公會研究甚精各國之所由富強在於振興實業而實業中則以機器為尤要會場中曾開機器會評議優劣實行改良誠以機器之為用累世窮年不能盡其巧妙各國於此甚為注意莫不廣設學堂藉以造就人才我中國地大物博近來製造頗用機器各省所設機器局僅造軍火等類所有工匠不過倣照規模罕有專門之學殊難取勝請 旨飭下各省督撫廣設機器學堂俾於此項得有人材所造機器日新月異庶於實業大有裨益各等語臣等伏查機器一項誠為製造百物之權輿尤屬中國目前之要務該大臣所請設立學堂以宏造就而儲專門人才自是富強之本臣等固已早鑒及此曾於光緒三十年間就京城奏設高等實業學

堂招生先習普通以期漸進上年冬季普通畢業本年即當練習專門擬分設四科曰機噐學曰礦學曰電學曰化學皆實業根本之謀三年畢業諸生中當不乏可用之材惟臣部經費有限祇能就京師高等實業學堂切實辦理以為各省之倡其各省能否酌量籌款廣設此項學堂之處臣部未能懸擬應請 旨飭下各直省將軍督撫實力籌辦以儲專才而廣實業如蒙 俞允即由臣部咨行各省妥籌辦理謹 奏奉 旨依議欽此

浙江道監察御史王侍御步瀛奏請飭直隸山西山東河南陝西合辦河北實業學堂

摺

竊維今日時局外觀雖云商戰其勝負早決於實業蓋商務握富強之源而實業又為商務之母苟內力不充外人將蹈隙抵瑕扼其吭而制之死命我中國地大物博陷茲危難原因雖多究由工藝之無學願揆其受害之深尤以黃河流域為最則籌夫抵制之策當聯瀕河諸省共謀蓋京師為天下根本而瀕黃河諸行省實近衛乎 皇都實業不興民窮必淪受害尤切臣非敢知近日倡分省界之謬說以南北對敵也東南各省為 國家盡納稅務務頗數倍於西北其民在生計界亦居優勝良因風氣早開工藝頗能講求出口之貨如糖薯紙張等類皆出於手工製造故利宏而民奢北省出口之貨財如棗如栗如豆如皮毛

教育

浙江道監察御史王侍御步瀛奏請飭直隸山西山東河南陝西合辦河北實業學堂摺

二百五十二

丁未

教育

浙江道堂孫君王守謙多病奏請飭直隸山西山東河南陝西
合辦河北實業學堂摺

一百五十四

七月

皆天產土貨與外人所謂原料粗品且獎勵其入口者也於彼爲利我之困也固宜況大江以南各省提倡實業湘鐵鄂鐵大著成效閩浙粵贛皆有多數學生留學各國路礦此外若湖南奏設實業學堂湖北創設兵工廠江南製造局附設學堂海州實業附設學堂上海商部實業學堂類皆痛念危局亟圖補救惟瀕黃河諸省寂然無聞未必識見皆愚實亦財力不逮長此貧弱何以善後爲今之計惟有會同直隸山西山東河南陝西五省速在河北合立一實業學堂期以收利權而厚國基其課程先習普通俟二三年留學生卒業回國再斟酌另辦高等願茲事體重大規模必須壯闊創始頗難其人非公忠體國不能破畛域之見非勇敢有爲不能收利益之實臣久蓄此志蘊而未發適見直隸督臣袁世凱器識宏遠心力果毅其發謀出慮類思爲國家永求治安以之辦理此事必可成效在握且幕府多才足資任使尤爲他省所不及況法政學堂曾經直隸督臣奏准山東山西河南陝西等省舉貢肄業是道成而上者已首爲提倡則藝成而下者更誼不容辭應請旨飭下直隸督臣統籌大局注重京畿罔辭怨勞力任艱鉅速在河北設立五省實業學堂一所可否即命曰拱北實業學堂舉凡一切創辦事宜胥歸主持即會同山西山東河南陝西撫臣奏明興辦其有爲臣管見所及者謹臚舉六條以供聖明採擇一曰擇地學堂創作地貴適

宜況關五省實業尤宜以便於交通試驗距離等均爲主查河南懷慶府地方水土甘美氣候溫和以言交通則南瀕河流直達黃海且爲運河鐵路貫穿繁帶之域其利便特甚也以言試驗則西臨太行互數千里森林礦產異常盛旺而考查之易可知也以言距離則左齊右秦北連燕晉接壤四省其爲適中之區又自昔然也備此三善而無一弊則開工建築應在此地附近是爲著手第一要緊位置二曰籌款無米之炊巧婦難爲經費不足何以集事擬令由直督酌提鐵路餘利凡河南以北之鐵路以及汴洛陝西已辦未辦之路線將來路工告竣凡有餘利可提者均酌提出數成並令五省按年撥款協濟不得推諉庶衆擊易舉將來五省得沾對等之利益三曰聘師開學之始除算數體操二門中國有人選充外其他學科研究者尙少名宿自以選聘西人爲是不宜愛惜巨貲貽誤功課一俟各國留學卒業生回國考其程度如果足爲師資然後辭退外人分別官費自費使盡義務及優給薪俸等以節費用四曰招生當取二十二歲以下中文清通不奉外教之子弟由各州縣選送本省再由本省咨送來堂略加考驗其定額愈多愈妙以五省面積之廣諸務待舉之繁欲數分布至少須足千人至各省咨送之數亦宜分酌均勻務使偏僻小縣無不有人肄業爲準庶風聲所樹無遠勿届方合立學宗旨五曰學科宜行變通也目前振興實業最爲急務招生

教 書

浙江道監察御史王壽鏞步瀛奏請直隸山西山東河南陝西
合辦河北實業學堂摺

一百五十五

丁未

既擇其中文明暇則入堂後國文修身經史諸學皆可暫置擬分舉種爲九學每爲三兼營並進以二年習普通一算學至代微積二化學至性量分析三博物學四物理學五動植物礦物學六地質文學七英法德語言文字八幾何畫九體操第三年當習實用化學汽機鑿機械學森林學農學農學鐵路學礦學電氣學建築學以爲入外國專門學堂必預備此辦理則光陰不至虛糜近功無難立待矣六曰畢業須盡義務也學堂課程既已兼營並進則三年後實已備高等資格應由主者列其成績咨商學部頒給相當實憑畢業後願出堂者或充本省初等實業學堂義務教習三年或在本省設立各項工廠以開風氣均聽其便若有志趣遠大學力精敏之士當資遣出洋留學以躋大就此項學生卒業歸國時應按本省實費年數爲盡義務年數義務未盡不得應他處之聘如有背者應照本省官費歷年之數勒令加倍繳還即藉口於本省無事可辦而應他處之聘者亦同其款即交學堂仍爲遣派本省學生出洋留學之資以上六端微臣一得之愚不敢緘默如荷 聖明允行從此黃河流域實業發達頤頤東南日臻美善爲民致給足之樂爲 國雪貧窮之恥斯固我 皇上 皇太后 皇上焦勞於深宮百億咨嗟於延廟黎庶希望於原野而不易得者願其機一決之實業與否則所關不誠重大與然觀外人之研究實業也品彙至不可勝計而再播

之以三百動物曰植物曰礦物更可約之為二曰有機體曰無機其致力之途不外博物物種化學而三學者實以算學為之基故欲改良工藝必使人人知學在昔全國風氣未開視實業為緩圖然如唐景星之辦漠河金廠開平煤礦一人之力利賴靡窮近日如詹天祐之辦鐵路各省爭相延致其明效大驗彰彰耳日今若廣招俊又奮志斯途中資者既各拈一藝以導嶺嶺上焉者復經歷練習而蔚為專家十年以後實業雲興商務日盛君臣一體而富強如操左券矣非然者歲月不居欲待民間志士各自為謀則觀成未知何日臣恐以瀕河諸省之礦瘠其母財盡為外人所吸收礦產亦為外人所攘奪至學成而無所用之上下交困悔將噬臍臣蒿目時艱見瀕河諸省貧弱尤甚實非所以尊神京而固根本縷縷愚悃謹獻芻蕘惟祈 宸衷獨斷決策施行不勝企望之至謹 奏奉 旨該部知道 欽此

日本文部大臣改正小學學制訓令

此次奉勅令第二十五號改正從前小學校令而以文部省令第六號改正小學校令施行規則之一部今舉改正之要旨及其施行上特宜注意之事項如下
此次改正令將義務教育之年限即尋常小學校之修業年限延長六年此事即為新令之

重。要。關。鍵。蓋。從。來。修。業。年。限。為。時。太。短。欲。以。此。達。義。務。教。育。之。目。的。頗。似。困。難。故。明。治。三。十。三。年。制。定。小。學。校。令。之。際。即。已。認。定。延。長。年。限。為。必。要。然。當。時。為。期。四。年。之。義。務。教。育。尚。患。不。能。普。及。故。特。獎。勵。將。尋。常。小。學。校。中。併。置。修。業。二。年。之。高。等。小。學。校。以。期。為。實。行。延。長。義。務。教。育。之。準。備。爾。來。義。務。教。育。既。已。普。及。併。置。高。等。小。學。校。於。尋。常。小。學。校。者。亦。大。見。增。加。故。今。日。已。達。於。延。長。期。限。之。時。機。又。此。後。更。有。使。國。民。智。德。並。進。之。必。要。此。所。以。改。正。小。學。校。令。之。故。也。然。此。次。之。改。正。猶。未。及。十。分。擴。充。此。項。年。限。則。因。我。國。現。在。情。況。實。不。能。延。至。六。年。以。上。尚。須。俟。之。異。日。也。

延。長。尋。常。小。學。校。修。業。年。限。不。外。移。高。等。小。學。校。第。一。學。年。第。二。學。年。於。尋。常。小。學。校。之。範。圍。內。雖。其。教。授。科。目。有。所。出。入。然。亦。不。過。以。高。等。小。學。校。第。一。學。年。第。二。學。年。之。教。授。科。目。加。入。之。而。已。惟。此。等。科。目。中。其。手。工。一。科。自。來。在。教。育。上。之。效。果。最。為。顯。著。在。將。來。為。必。不。可。缺。之。科。目。故。急。須。獎。勵。以。期。完。成。

高。等。小。學。校。仍。當。設。置。惟。須。以。現。在。之。第。三。學。年。第。四。學。年。為。其。第。一。學。年。第。二。學。年。更。可。就。其。所。在。地。方。之。情。況。而。延。長。為。三。年。蓋。義。務。教。育。他。日。更。須。有。延。長。期。限。之。事。又。本。來。在。高。等。小。學。校。受。義。務。教。育。已。終。之。兒。童。必。使。之。更。受。一。層。精。深。適。當。之。普。通。教。育。故。高。等。小。

學校之目的與中學校高等女學校之程截然不同凡已終義務年限更欲受學者入中學校或高等女學校而半途退學無甯使在高等小學校受完全適當之教育若以爲此時既延長義務教育年限即當廢止已設之高等小學校者其說既爲無理且將來迫於事機更須新設則大費躊躇也。

延長義務教育年限全國若能一致固所企望然市町村情況不一有難強以實行者則可許其仍依從前規則大要不外斟酌市町村之財力而爲便宜之處置耳

由上所言義務教育年限既已延長又可視市町村情況許其依從前規定便宜處置則改正令之實施似不慮其困難矣惟實施此改正令則須增加學級增加學級則須增築校舍增聘教員必須多籌等等經費現在市町村財力多不十分充裕加以市町村興辦事業日多捐款日繁今祇就教育上觀之即優待教員一事其經費之增加爲數已覺不少故當實施此改正令之際不可不急講節約方法或整理學級之編制或施二部教授以補校舍教員之不足蓋二部教授徵之近年行於尋常小學校第一學年第二學年幼童之學級其教育上之效果幾不讓通常之教授故際此改正令之實施苟財力不給不妨以此法試行之果於六年之學級教授及通學路程等等關係別無障礙則直行之可也

補習教育從來雖已極力獎勵終以未能十分達其目的爲憾今延長尋常小學校年限仍應獎勵普通補習教育及實業補習教育以爲之接續此次廢止補習科教授時數之制限乃使人就各地方情況自爲適宜之規定也

尋常小學校教員試驗檢查之程度須比從前較高且將所闕之試驗科目力求減少蓋修業年限既已延長則學力之程度不能不並進其有從前四年尋常小學校教員之資格者未必有改正後六年尋常小學校教員之資格故須設適當方法使之講習理科及其他必要諸學科以爲六年尋常小學校教員地步

尋常小學校原不徵收學費若因特別事故須徵收者則不應以學年之久暫而定收費之多寡但自來高等小學校以所收之學費爲重要之財源者爲數甚多故改正令實施之際以不許超過高等小學校向來收費原額爲限准許尋常小學校之第五學年第六學年酌收相當學費此爲財政上不得已之舉但當施行時必經慎重之查覈而後可至於代用私立小學校一項以既往之實驗徵之其成績比之公立學校不及遠甚現在全國市町村立學校已經普及此代用私立小學校爲數無幾且無不可不存置之理此改正令之所以決然廢止該校也

各地方長官對於此次新令之施行若能體改正之旨趣察國運之發展應地方財力之情況斟酌盡善誘導設施則能使國民教育日日進步本大臣實有厚望焉

各省教育彙誌

京師○學部以中國教育尚在萌芽亟應統籌全局次第規畫特飭各省提學使督飭學務公所及教育會人員將本部諮議官羅著正振玉所擬教育計畫草案中推廣師範以養成教員設立工藝農業學堂以振興實業設立專門政法學堂以研究各國法政與夫每府設中學堂每州縣設小學堂各節體察現在情形詳為核議限於兩箇月內函覆到部以期集思廣益○奏定學務綱要學生未畢業不准另就他事條內載學堂未畢業學生不准無故自行退學及由他省調充別項差使倘或故犯禁令希圖退學及於放假期內潛往他省就事查出後該省立即撤押送回籍並追繳在學堂內一切費用惟保人是問又學部通行章程師範學堂一切學費准其免收惟半途輟學者須追繳在學日所有費用等因業經通行在案茲經學部查得京外官私各學堂學生常有久假不歸無故退學者或潛往他省營求差使或急於求仕分發到省此等學生半途輟學其妨礙學務者實大亟應申明定章以示限制特通行京師督學局後各省提學使自丁未年正月各學堂學生如再有久假不歸半途退學情事應照定章嚴加罰處並通行各學堂不准收錄仍由該堂監督核算學堂平日用費按名計需若干向其保證官紳追繳以重學業○京師籌設分科大學早有成議近經學部勒定安定期門外地基一方招商承築其崇文門內貢院舊址則改建優級師範學堂校舍規模一仿日本東京高等師範學校築造○民政部以測繪之學於巡警極有關係議即設立測繪學堂一所派協巡警于統帶兼良為總辦學額暫定五

百名一年畢業○內城警廳榮廳丞以小石橋巡警學堂辦理頗著成效議在石牌胡同再設一警務預備學堂滿漢子弟皆可肄業○京旗左翼烏總戎稟准那相國將提署旁之真武廟改建提署將弁學堂集副參遊都守等官討論軍政以期漸改舊習○京師督學局近將學堂授課宗旨擬定章程共分兩大端一變心術分孝弟忠信禮義廉恥愛國愛羣公是公非公理公益二化氣質分行動坐立言談潔淨已通飭各學堂遵照辦理○京師內外城學區前經分別畫定茲由督學局札飭各區均於本區設立兩等小學一處並附設夜課師範講習所約集私塾教師入所聽講以八箇月為畢業該局又以朝陽東直二門外學堂尙少亟應設法擴充特派勸學員文石泉樂綬卿二君酌定調查勸導之法其餘十一門外關廂地面亦歸各勸學員設法推廣以重學務又以各省在京設立旅學日益增多辦法未能畫一故於日前照會各監督會議統一之法各監督遵即開會集議衆議公立旅學教育會並合辦完全中學一所以節費用而宏造就○農工商部華實甫主政等公立實踐女子職業學校一所以養成女子普通智識家庭職業為宗旨又來君善臣創設儀女學堂一所分高等初級兩班額各二十名課程完備規則嚴肅凡穠足女子概不收錄又舒女士壽懿近於賈家胡同設立懷新女學社一所以謀同輩女子教育之普及又京西健銳營玉崑峯君等於驢藍旗營房內設立女學一所名為健銳營公立女學校一切辦法頗稱完善又京師第一養蒙院保振貝子捐款設立附設保姆講習所養蒙院以五十名為額無論男女皆可入學課以國文言語心算等學為入小學之基保姆講習所額二十名以養成保姆資格振興家庭教育為宗旨○京師大學堂肄業諸君近議設一博物學會以研究斯學原理明其功用而以本國之物產為主於京師設總會隸大學堂各省設分會隸高等學堂會中設會長副會長審查長各一幹事若干人凡高等學堂以上學生及畢業生曾習博物學者皆得入會為會員會中擬刊博物學雜誌每年發行四次又設標本製造所製造勸辦各物標本

以爲研究資料云

奉天○奉省學務近日頗有進步計統屬於提學使者有師範學堂師範簡易科師範傳習所體操專修科實業學堂測繪學堂中學堂維成小學堂內務府小學堂蒙文學堂漢軍第一小學堂蒙旗小學堂第一小學堂第二小學堂第三小學堂第四小學堂第五小學堂第六小學堂第七小學堂第八小學堂第九小學堂公立同善小學堂育英小學堂私立太清宮小學堂私立半日學堂第一官話字母學堂第二官話字母學堂女師範學堂第一女小學堂公立淑慎女小學堂女子美術學堂等三十一處其陸軍巡警各學堂尙未列入云○遼陽州劉君泰運近在州屬黃泥窪地方創設咸亨女學堂一所已稟准提學使立案○營口學界素未開通自丙午冬汪君一菴接辦商業學堂此堂本日人所設後由提學使派員收回卽思大加整頓惟營口學生具有中學資格者甚鮮因與官紳籌商速辦小學計數月來官立者已有初等小學四所私立者有華英實學文館清真寺初等小學堂開明小學堂等三所然汪君猶以私塾未加改良仍不足以圖教育之普及因又稟准提學使將各塾蒙師嚴行甄別合格者給以文憑准其授徒否則勒令停止以免誤人子弟○署海城縣候選知府管太守鳳蘇前曾創辦白話報以至淺之文筆發極深之理想曲折動人用能民智日開一年以來該境開辦學堂多至三百餘所學生幾及萬人允爲全省辦理學務諸牧令之冠前經將軍趙次帥奏請將該縣賞加三品銜以資鼓勵當奉 硃批照准○開原城守尉戴君志軒近創設九旗小學堂一所每旗設額十名由九旗兵丁本有缺地伍田各項地畝項下增收租稅以充經費又開原官話字母學堂係吳君翰章所設頗著成效近又商准縣令附設半日學堂以便貧苦學生可以半日讀書半日自營生計○鐵嶺官立女學堂一所業已開辦該縣耶穌教民亦就教堂內附設女學以教該教女子○新民府官紳近議將境內私塾勒令改良先從學堂近處辦起已擬簡章十四條稟由提學使批准辦理

教育

各省教育彙誌

一百六十三

丁未

吉林○據最近調查各省各屬官辦學務情形頗見發達茲為分列如下 省城 法政館學員二百人二年畢業 陸軍講武堂學員六十人為全省軍官研究武學之所 陸軍小學堂分將弁學生二班將弁六十名學生一百名三年畢業 巡警學堂分高等普通二科高等四月畢業普通三月畢業學生共一百七十人 測繪學堂學額四十名以粗通兵學者為合格兩年畢業 師範學堂分簡易完全二科學額二百名以養成小學教員為宗旨附設兩等小學堂一所學生每級五十人 外國語學堂分日英俄德法五國語言文字為五科每科各三十人並於正課之暇研究各國現行政要應來交涉成案以及兵刑財貨張弛治忽之大端五年畢業 三江旅吉學堂分高初兩等小學及幼稚園三項學額未定其餘各省旅吉子弟願入學者另章辦理 中學堂學生八十名 東關兩等小學堂小學生五十名蒙學生七十名 西關兩等小學堂小學生二十名蒙學生七十名 南關兩等小學堂小學生二十名蒙學生六十名 北關兩等小學堂小學生二十名蒙學生七十名 中城兩等小學堂小學生二十六名蒙學生一百二十名 白山蒙學堂學生四十名 昌邑屯蒙學堂學生二十名 伊通州 高等小學堂學生八十名 初等小學堂學生三十名 雙城廳 中學堂學生六十名 高等小學堂學生四十名 初等小學堂學生四十名 五常廳 中學堂學生六十名 初等小學堂學生四十名 敦化縣 小學堂學生三十名 蒙學堂學生三十名 延吉廳 中學堂學生三十名 綏芬廳 高等小學堂學生六十名 小學堂學生六十名 蒙學堂學生一百八十名 磐石縣 高等小學堂學生二十名 初等小學堂學生三十名 蒙學堂學生二十名 長壽縣 高等小學堂學生十五名 初等小學堂學生十五名 小學堂學生十五名 長春府 師範傳習所學生六十名 小學堂學生四十四名 蒙學堂學生四十四名 農安縣 初等小學堂學生四十名 蒙學堂學生二十名 賓州廳 初等小學堂學生六十名 榆樹縣 師範

傳習所學生二十名 小學堂學生六十六名 蒙學堂學生一百三十七名 陶賴昭姑 蒙學堂學生六十名 以上共計學堂四十六所學生三千一百餘人其民立學堂約計共一千四百八十餘所學生一萬一千八百餘人總計官私學堂統共一千五百餘所學生一萬四千九百餘人云

黑龍江○黑省陸軍小學將次開辦已由直督選派程度稍高之教習數員至江以資教授又學務公所近於私塾改良一事頗為注意已在容稽學堂附設師範傳習所責令私塾教師於午後放學之暇至所研求一切功課又學務提調林君傳甲創辦幼女學校一所即由其夫人祝宗梁女士擔任教務學生約三十餘人學科管理俱甚合法聞祝女士尙擬續辦第二幼女學校以期多所造就云

山東○東省師範學堂開辦已閱五年完全簡易各科節經畢業因按照奏章另設優級師範學堂暫定學額一百二十名先設選科為造就優等教員及管理員地步○東省第一公立女學堂自甲辰創設以來已屆三載校中規模以及學生程度大有進步近聞該堂董事復議於前院增設女工傳習所教授工藝專科計分繡花編絨織布機械縫紉織巾裁製圖書機械拉鎖八門業經稟准東撫立案開辦○齊東縣車大令保成擬設實業補習普通學堂以官淤地租撥充常年經費業經稟奉東撫批准○泰安創設教育博物館自日本購到教育品物多種一一陳列任人觀覽○署海豐縣楊大令辰近頗注意學務於勸辦學堂外復分設勸學所閱報所以期民智日開教育普及○兗州府張太守嘉猷近就罪犯習藝所北院閒房設立藝徒學堂招集十二歲以上十五歲以下幼童三十人教以修身國文算學體操手工等科以為振興實業之預備○蓬萊師範傳習所創於丙午本以三月畢業自今年起改為九月畢業故招生數月迄無應者該縣徐大令特傳諭各鄉村長令三村出一人來城肄業如再觀望不前即當從重議罰不准授徒○署東海關道潘觀察

志俊自抵任後考查煙臺學務惟有毓材學堂定為開道所設中學堂此外雖有紳商所立彭城高等小學堂養正學堂而官設小學堂尙付闕如既無初學之基即難廣中學之選當督飭員董就廣仁堂舊有蒙養所選取性質聰穎身家清白者另延教習授以教科分為高等小學初等小學二級以一百名為額又該埠美國梅女教士前曾創立啓瘡學館一區教授瘡童頗著成效聞其教法因瘡者必雙言語難通惟作手勢並繪開口閉口鼻音舌音輕重急徐吐音之圖然後將中國常用之實字三百六十字即三百六十音且繪三百六十圖照圖教字即知字義示以吐音之圖即知字音其虛字則示以手勢再由一字集至十數字聯絡成語其吐語大抵三五字尙易聯絡字多則緩其中頗有數童能作筆談吐字較清作英國語較作中國語尤為清楚云○德國前在膠高兩處建設營房駐兵保路自丙午該兵撤回後即由華官將營房購回茲經東撫楊道帥特派余觀察則達前往改設膠高學堂以興教育○德人向在青島臺東鎮法海寺兩處各設初等小學堂一所業已數載近復在李村集大哥哥莊浮山後三處各添設一所學生分列五班開學之始僅設末班每年遞升推加一班升至五班為止即行畢業所有學費及購物各費一律由官發給以示體恤○德女教士蕭正清近在青島之大包島設一女學堂教授中國女子聞已有學生四十餘人云

山西○晉省開辦實業學堂由撫札委李君廣勛為庶務長凡訂章籌費等事均歸辦理又督練公所詳明晉撫擇地修建測繪學堂一所招收學生八十名教以兵學算學測量繪圖國文體操六門○杜君漸儀等近在陽曲縣楊與鎮募款設立初等女學一處招生十五名先行試辦所定功課為認字習字讀經算術紡織針黹烹飪七門此為山西全省第二女學堂云○大谷縣喬姓私立兩等小學堂一所已由縣詳請提學司立案○絳州官紳遵章籌辦教育會及勸學所初級師範學堂擬酌抽煙秤行用以資會所學堂經費聞已稟奉晉撫批准辦理○大同府近將貢院改為中學堂以原設

中學堂改作初級師範學堂並擴充學額以期廣儲師資○甯武府設立初級師範學堂先辦簡易科由省揀選師範學堂優等畢業生往充教習○綏遠城地居邊瘠民不知學近經貽露人留守大加整頓中學堂已有成效又就地籌款創設小學堂八處半日學堂二處不時派員稽查或數日親往講授一次統計學生已有六百餘人云

河南○汴省提學孔學使祥霖近為造就學堂體操教員起見特設一體育專科學堂課程分為修身教育生理衛生心理音樂唱歌國文兵學算學體育學圖畫社會學瑞典式體操普通體操兵式體操兵式教練遊戲體操射擊等門開孔學使又與南汝光道吳觀察釐稅局總辦干觀察滄澗等各捐廉俸並募集同鄉捐款就山東會館創設兩等豫備科公立學堂無論何省官幕紳商子弟均准附堂肄業惟東省學生不收學費以示區別○汴省教育總會附設中州公學先辦法政速成科學額一百四十名分豫科正科豫科半年正科一年半年或二年畢業與官學堂一律獎勵○祥符縣君炳炎等公同捐款在朱仙鎮創設敬業兩等小學堂一所已稟縣轉詳立案○中牟縣舊有工藝局一所無甚成效近經認真整頓大加擴充並添設藝徒學堂一所造就貧寒子弟開通地方風氣○滎陽縣祝大令鴻元於學務頗能注意其淑配王明漪女士又與辦女學以佐之即由大令之妹繡漪女士充當教習兼教六科聞已有學生四十名其經費則由大令捐廉開辦外仍歲捐經費二百兩餘歸紳士募集云○南陽紳士張中翰見教員不諳教育原理學務毫無起色因與同志設立教育研究會每星期開會一次與社友演講教授管理諸法以期逐漸改良○唐縣王君鑑珍等遵章籌設教育會業已成立並稟由提學司批准立案○舞陽縣紳公立遜敏兩等小學堂因經費支絀半賴捐助其最可嘉敬者有售賣粉食小負販郭書正以瓦屋二間菜園五畝捐入合計值錢二百四十千攜眷棲身茅屋無德色亦無怨言又有該縣官立小學齋夫張秀卿亦解囊相助云

江蘇○江甯開辦講武堂爲現任軍官研究學術之所凡鎮協官長均分班輪流住堂每班以三箇月爲一學期三學期後輪轉一周其內容分軍事研究所將校補習所教導隊三部研究所爲本科補習所爲預科教導隊則係附科云○江南巡警學堂開辦已歷數年畢業者無慮千數百人足敷用故近已詳明停辦另設巡警教練所抽集各段巡士並另招士民四十人合成三百名專習巡警職分應知之事以三箇月畢業○瓜哇學生之回甯就學者本在實業學堂管理課程起居飲食不與該堂學生一律江督端午帥以同處一校而分畛域殊非整齊學風之道且南洋各島華僑子弟尙有來甯就學者自可另闢一校較爲劃一爰飭以城北妙香庵前作算繪師範學堂之屋撥作校舍名曰暨南學堂將瓜哇諸生遷入肄業○陶君保晉等議設法政講習所經端午帥撥給官房以充校舍學員約二百餘人○蘇州二標陸軍近於步隊內挑選兵士八十名另設隨營學堂一所分正副兩班名爲陸軍高等學生以三箇月爲畢業○蘇城蕭家巷內近有人籌辦算學專門學塾一區教授數學代數微積形學八線以四年畢業○蘇城紗緞一業向稱大宗前經杭紳筱軒等籌集鉅款組織初等實業學堂定額一百二十名開辦以來頗著成效近又於雲錦公所添設雲錦小學堂一所定額四十名不收學費又蘇紳王勝之蔣季和二太史夫人出資購屋開設女子初級師範小學堂招生肄業已於四月初開學又齊門新橋巷單氏前曾創辦公立小學堂規則頗爲完備茲又添辦女子半日學堂招生三十名教以國文歷史地理淺近文法以開女智又蘇女學校附設幼稚園以調護兒童身心補助家庭教育爲宗旨招生三十人教以談話手工唱歌游戲各科○句容黃孝廉芳之母周氏近與職婦陳趙氏等捐資開辦女學堂一所並附設幼稚園暫定學額四十名已稟縣轉詳立案○寶山西南各鄉士紳議就江灣鎮設立蠶業學校聘吳君紹伯爲校長遵照奏定中等實業學堂辦法議章與辦○川沙廳商務分會總理潘君守勤等議就商會經費籌節開辦小學堂一所名曰商會公立初

等商業學堂俟有成效再辦實業學堂以開商智業經稟由農工商部暨蘇提學司批准立案○上海高等實業學堂原歸農工商部管轄近聞該部以現在奉旨設立郵傳部所有輪船電報事宜均歸專管該學堂學科既注重輪電兩門經費又係輪電兩局撥款自應併歸管理特奏請將上海高等實業學堂劃歸郵傳部管理以清權限而符名實當奉硃批允准又上海學界公同集資設一通俗教育社先備電光活動寫真一具置備各種活動影片派員分赴內地參插試演復延講員隨演隨講相機指點以期開通下流社會已稟由提學司批准通飭各州廳縣量派警察照料監視並飭各勸學所教育會凡遇通俗教育社到時隨時隨地會同料理以免風氣閉塞之區羣和駭怪滋生事端又王君芝馨等近在南市創立振羣小學校一所所有常年經費概由秦君紹衣擔認已稟請該縣李大令立案又淞口漁業公司近假演武廳舊舍開設漁業學堂專收漁業子弟及貧苦子弟肄業○金山陳君幹臣等集資於涇涇鎮設一師範學堂業已開學○常州勸學所近已開辦並於會中附設簡易師範科額六十名不取學費以便六月卒業後派充各區勸學員及初等小學教員○鎮江機業董事張君廣源等議向同業提釐與辦學堂經衆認可當即稟報丹徒縣立案開辦名曰機業公立兩等小學堂借城南嚴氏宗祠爲校舍○阜甯李大令逢幸以該邑學堂僅有官立高等小學及民立儲材初等小學二所殊乖普及之義特設法舉辦蒙學兩所以爲四鄉模範○甘泉教育會議設教育研究所其注重者尤在教授法管理法教育學教育史各課除講員星期演講外會員俱各備問答簿以期教學相長互換知識又該會會員孔君小山等仿照上海半日學堂章程組織揚州簡易半日學堂專收商界及貧民子弟入堂肄業又戴君友士等創設揚州體育會假兩淮中學操場爲會所○泰州高君人鑑等前會組織普益蠶桑公司並附設農務半日學堂教授蠶桑種植事宜頗著成效近又由其少君文炳另闢一校繙譯農書農報編成課本教授農民並於校內附設東英文算學講習

教育

各省教育彙誌

一百六十九

丁未

所以開風氣○東臺縣官立高等小學開辦已歷數年學生程度頗合升入中學近經該縣沈大令稟請商明學務公所將該學堂改為中學並稟明提學司立案又民立培英初等小學為錢君雨程等所組織開辦以來頗有進步近亦改為高等小學矣○海州板浦場為淮北鹽業最盛之區近經各商籌集巨款設立中學一所名曰北鹽學堂定額正科六十六名預科三十名業已開學

安徽○皖省提學沈子培學使以興辦小學首宜儲養師資特就學務處舊址創設師範傳習所一區定額百名不收學費又皖紳趙太史會重等議就育嬰堂內附設蒙養院以期教養兼施業稟由江督端午帥批准立案○旅居甯國各商捐款公立小學堂一所以便隨遊子弟得以就近肄業○蕪湖明遠電燈公司經理張君性存近就該公司餘地建築校舍辦一普及小學專收貧寒子弟又日本學士秦留次郎竹內來二君前曾在蕪設一東英師範學堂頗有進步近又於堂內設一教育研究會開已擬定章程呈縣立案○穎州程神恩培前於郡城端化義塾創辦蠶桑學堂頗著成效近已稟明提學司改為中等農桑實業學堂遵照欽定學堂章程切實辦理○太和縣王大令樹中振興實業不遺餘力近擬開辦蠶桑學堂一所暫定學額六十名業已開課

江西○贛省設立教育會公舉陳君三立為會長已稟請贛撫瑞鼎帥咨部立案又贛省陸軍小學堂總辦吳復初觀察詳准贛撫於堂內添設測繪學堂一所挑選陸軍學生四十名入堂肄習測繪又洋務局總辦李觀察嘉德約集同僚創辦登瀛學堂一所專收官幕子弟入堂肄業內分中學高等小學兩級已擇定城隍廟附近房屋開辦又南昌勸學所附設鑄鞏小學校暫收學生四十人俟有成效再行擴充又蔡君國華等在羅祖廟地方創辦民立初級師範學堂一所完全簡易兩科學額各一百二十名已稟准提學司立案又劉君啓元捐資租賃新喻試館房屋開辦萃英中學堂一所

業已開課又梅君台源糾集同志在該縣萬合村設立甲區初級小學堂一所定額八十名分甲乙兩班授課又三江村蔡紳紹經等籌集公款組織說化兩等小學於奏定章程外添授英文一科就學者頗為踴躍○樂平縣屬民風強悍輒械鬪滋事近該府張太守督飭紳董於各鄉多設蒙小學堂並飭隨時演說以期漸開風氣○德化楊君振鐸等公立兩等小學堂一所假文廟附設祠宇為校舍定額六十名又王君盛春等在該縣東鄉創辦蒙小學堂以濂溪墓為總校並設分校六區於八里坡十里舖潭家坂蔡家壩潘家灣東城坂等處經費均歸王吳擔任不足則抽收雜捐以為補助○廬陵劉君芳等議仿天津辦法開辦醫藥研究會以研究醫理謹慎醫術為宗旨以擴充醫學造就醫生為成效並勸捐助以充經費兼設診堂以惠窮民業經稟由提學司批准飭縣會紳籌款開辦○贛省新設之虔南廳地瘠民貧籌款不易是以改設已及三年學堂尙未開辦近經新任陳司馬邀集紳士竭力開導始得募集捐款二千二百餘元先在舊有義學及陳姓祠內各設兩等小學一所業已開校

浙江○浙省師範學堂前經張筱帥飭將貢院酌量改建作為校舍近已一律告竣定期開辦照部章設優級選科二百名初級簡易科五百名體操專修科一百名附屬兩等小學四百名合成一千二百名用分縣定額法考取學生大縣保送二十四名中縣保送二十名小縣保送十六名每選入一學生由該縣會同紳士在實與項下籌解飯食雜用書籍衣服等費年合洋八十元其無實與款者准加各項租稅作正開支又浙紳陸春江中丞等以浙省普通各學日漸增益惟實業一項就省城論除蠶學館外僅一工藝傳習所論其資格不過徒弟學堂之類實不足以振興工藝開拓利源特呈請浙撫張筱帥就原有傳習所改為中等工業學堂照章令學生貼補學費堂內概不住宿庶較原有傳習所增費無多而名額大加於前程度遠出其上當奉張筱帥批准並飭提學司會同藩運二司暨糧道速議籌款辦法以便開學又浙

省各茶商公議設立兩等小學二所俟辦有成效再設中學又成衣董事陳富朝等議就該業積存款項酌提若干開辦兩等小學堂一所當稟奉提學司批准嘉獎並飭添設手工一科又浙省正乙乾真兩派道士近在四圍地方合設履泰初等學堂一所聘沈君乃鈞為校長議將每年經懺香火項下分別認定各捐及例送各署陋規一應充作學堂常費已稟奉提學司批准立案○嘉興商會附設士商體育會業已開辦又嚴君根輪發起於北門外毓秀學堂附設商業夜課一切章程悉照祝君心梅所辦商業補習所辦法學額六十名專收商界中人又嘉屬新豐鎮唐君子修等公同出資創辦平林半日女學堂一所堂中執事悉盡義務○平湖高君清鐸前在縣屬新溪鎮創辦兩等小學一所計捐田地經費合銀五百四十五兩由平湖縣稟經提學司核明詳請奏獎○湖州沈紳譜琴等議設尙武公會其課程分戰術歷史行軍地理測量諸科由中學體操教員翁君慕超擔任教務又施君笏齊等近在西門外鈕橋地方設立程長兩等小學一所又織里地方亦新設兩等小學一所係由秦潘諸君辦理○德清學界遵章籌辦教育會所需經費均由各人捐助已稟由該縣陳大令轉詳提學司批准立案○甯紳石君誌相置田五百畝仿范氏義莊成法贍給族人又撥洋二萬元生息以施喪葬之具以助學校之資又撥洋六千元購地建屋設立存義初等小學堂一所尙未稟官立案即為支提學所訪聞以該職此舉於養生送死明教興德數美兼備輕財好施實堪風尚特詳請浙撫奏咨給獎○甯親書積善必昌四字給該職承領以昭激勵又甯郡宰業公立承志兩等小學堂一所業已開辦公舉毛君建勳為校長○鎮海包君遵集同志籌款在蛟河倪地方創辦啟秀女塾一區公舉倪君邦憲等為董事○紹興姚君等組織震旦女子實業學校專重實業如蠶桑等科兼及國文珠算家庭教育並設速成科限三月畢業○金華縣楊大令近擬遵章籌設教育會已稟奉提學司批准並飭會紳認真辦理一面趕將勸學所及師範傳習所速即籌辦○永康官立小學堂附設師範傳習所議

提崇功書院存款作爲經費○衢州府吳博泉太守自到任後即創辦半日學堂二所以便貧寒子弟半日讀書半日營業近又籌款創辦蠶桑農業講求所招生三十名○青田閩邑紳士公同籌辦勸學所舉王君觀瀾爲總董

福建○閩垣林君伯棠等近在東街孝義里王紳舊宅創設女子職業學校一所招選民間婦女之年在十五歲以上三十歲以下粗知文字願爲女紅者入堂肄習編物造花刺繡裁縫各科○廈門學務素未發達近始創辦小學堂二所一公立一民立均已開學又五崎頂地方亦開一學堂云

湖北○鄂督張中堂前爲整頓軍政起見特飭陸軍第八鎮張統制彭挑選各營學問優長之軍官組織一參謀學堂卽隸屬於督練公所聞已開辦又以武昌道府兩師範學堂畢業生均已派充各屬教員而外郡各師範畢業生往往無法位置因飭提學司將道師範改辦中等實業學堂府師範改辦中等商業學堂此後無須再招學生學習師範

湖南○湘省女學原有通泰街之周氏家塾及南城外之美術學校二處前因學額已滿投學者猶復紛至故由孫君開植設一實業女學校以廣造就近聞又有毓坤女塾及振湘女學校相繼成立湘省女學之發達於此可見○湘潭十二都團紳籌款在陸家壩地方創設南路公立兩等學堂一所高等學額四十名初等六十名業已開學

陝西○興平縣東鄉齊家村農民張君光祖獨力創辦初等小學堂一所並捐地五十畝銀百兩以作常年經費縣令鍾公獎以熱心興學匾額又額其校曰光祖初等小學堂以爲興學者勸

甘肅○甘省武備學堂近已遵照前練兵處所定章程改辦陸軍小學額一百名共分二班分別授以修身國文外國文歷史地理算學格致圖畫訓誡操練兵學各科

新疆○疆撫聯星帥以塔爾巴哈台等處與俄國交涉事件日益繁多亟須培植通曉俄語人材以資因應特電請政府

准在該處設立俄語學堂一所。所有一切辦法悉遵部章政府允之。並令從速開辦。○哈密某回王捐廉創立忠愛小學堂一所。蒙養學堂一所。學生無分回漢一律收錄。已由疆撫代表立案。

四川○華陽陸君益之前曾創辦淑行女學堂。未及半載成效頗著。因即稟請提學司將該女學升為中學。當奉批准。○綿州施婦魏氏薄有田產。近見族中公立學堂。款項支絀。慨將膏腴田二十餘畝撥助學堂。經費已由該州詳請獎勵。○重慶府高太守增爵近與統稅委員黃楚南觀察籌款設立女學堂一所。暫假都郵街口院內為校所。○長壽余君徽九之夫人創辦女學一所。不取學資。並由邑紳舒君捐款三百金作為校中雜費。○青神縣屬中崖寺住持僧晤明近因該邑辦學需款。慨捐該寺租穀二成助學。並勸諸山幫助約計歲可得千餘金。已由該縣令稟請獎勵。○打箭爐漢夷雜處。文化未開。近經武西昆司馬招集所轄土司勸以捐資興學。各土司大為感動。即醴資萬餘金設立向化學堂一所。司馬並為之妥定章程。延聘教習。自任保護維持之責。

廣東○粵垣高君會仁等近在老城司後街公立益智初級師範簡易科招生八十名。授以教育修身歷史國文地理算術理化衛生圖書音樂體操國語東文等十三門。以十箇月畢業。又省垣優人公同創資設一八和學堂。業已開學。又南海縣黃鼎司羅巡檢以該屬潭邊鄉丁口繁衍。籌辦學務未庸稍緩。特與紳耆籌商創辦學堂一所。名曰振英。業於春間開學。○海陽莊隴鄉林君友梅商同族人設立林氏教忠學堂一所。業已開校。有學生三十人。聞林君尙擬添設幼稚園簡易科半日學堂。以期教育普及。又龍坑鄉開辦廣寬初等學堂。由郭君克恭等董理其事。○潮陽縣陳大令近就文昌祠內開辦官立初等小學堂。額定學生五十名。又茶陽師範館近經該館董理公議改辦旅小學堂。分為兩等。就學者已有五十餘人。又黃君錫疇等先後倡辦家族小學堂兩所。一曰敦本。一曰務本。近又邀集竹直兩都紳士籌設兩都奎光

兩等學堂業已一律開辦又五都地方近亦籌設高等小學堂一所聞已開學又玉峽橋頭命新初等小學堂係周君士勳等所組織學生已有四十餘人又圖溪鄉周君揚烈等創辦家族昭德學堂業已成立○揭陽縣祝大令督飭勸學所紳董勸設縣屬大西等鄉初等小學十一所已先後成立開學又揭邑河婆埠美國浸信會惠牧師籌設浸信學堂一所聘葉君伯明教授歷史國文官音等科汪君竹亭授地理格物體操等科惠牧師兼授英文算學就學者頗不乏人又該會執事陳君之次女亦在介公巷內創設女學一所學生約十餘人由該會友暨各學生等認捐經費其教科形式悉參照榕西閩秀女學校辦法聞已開學又河婆溪角鄉張君士謙等籌辦允臧初等小學一所招生五十六人分爲三等收取學費○饒平風氣漸開學堂日有進步近復續設半夜學堂二區以便貧寒子弟及年長失學者得受教育又瀛洲鄉林氏創辦東瀛兩等小學堂一所以文昌祠舊址改爲校舍○惠來方紳朝泰等議籌各項經費興辦公立學堂已稟縣批准立案又方君毓川等組織家族小學堂一所學生四十餘人教科規則頗稱完備○大埔各處小學堂凡鄉族稍巨者多經開設惟清都源高一甲如平原北坑烏嶺以及漳溪赤山等處地方尙扭於舊習未曾議辦近經該甲巖麓鄉羅君子壩等力爲提倡已將該處私塾照章改辦命名羅氏同羣小學堂分爲兩等又埔屬大廟一社經胡大令下諭各紳籌辦學堂并札派勸學員黃君其琮前往勸辦後近已設有大麻公立學堂一所此外小留竹洋黨溪銀溪銀灘崑崙公洲北布各處亦已次第興辦又恭洲何族議辦兩等小學一區業已成立借梨園公地爲校舍又宮村何氏近在祖祠設立家族學堂一區業已招生開學又北羅村溫君季文捐資設一小學校名曰忠武學生已有二十餘人又百侯楊君育人糾集同志在鄉組織一初等小學堂一切經費概由發起人擔任又楓鄉溪北坪黃君未之等創辦成人小學堂一所分爲高等初等二級借羅家祠爲校舍又該鄉坎下羅族日新學堂係羅君仙儔等創辦成效頗著又大埕角林賴二族

各設家族小學堂一區黃郭二姓則合辦小學一區議俟修有合度校舍再合四姓共辦一學又吳里林君顯周等公立育英初等小學堂一所學生數十人又崑崙崑開辦復元學堂所需經費經公議定分作四處攤派每處各派出銀八兩以示平允又赤水蔡姓開辦家族學堂一所所以祠堂爲校舍○澄海樟林蘇北地方近已公立學堂一所名曰廣智議將文廟公款年撥九十元以資津貼又撥一百一十元開辦文廟公學東隴鴻濤兩鄉則年各撥四十元鴉竈一鄉年撥三十元各種均已認可又澄屬蓬洲翁氏開辦家族學堂名曰方桂業已開學計有學生三十餘人又鹽浦都霞霧鄉陳君以莊等公立學堂一所亦已開學又南洋鄉王君維新與同族王君之法等組織兩等家族學堂一所名曰端本假大宗祠爲校舍暫辦初等學生六十人並設高等預備生二十人又東里公立毓英初等小學堂業已開學計學生六十餘人規模頗有可觀○饒陽縣屬柘林鄉公立小學堂一所業已開學○普甯德安里爲方照軒軍門舊第前已創立一光輔學堂近聞某君又於舊寨添設一校以教育其近親子弟○嘉應州曹直刺以該州舊日塾師於去冬傳播停辦學堂之謠紛設招收豪徒之館使未入學堂之兒童苦於無所適從既入學堂之兒童亦復勢將解散若不設法禁止州境學堂萬難支持特行出示曉諭凡學齡兒童如就近已設學堂者父兄即令就學無則設法籌辦悉照奏定章程一律教授俟州中勸學所畫定學區後即派各區勸學員認真稽查如再有開設蒙館照舊課授者由該學員指名稟控即行稟差查究以期統一學風普及教育又廖君鵬章捐款萬金設立族學一所名曰篤裕初等小學堂以培植族中青年子弟又董君益俊等籌辦葉氏善裕家族兩等小學堂以宏教育所有開辦及常年經費由各股戶捐集鉅款存店生息辦法甚爲妥善又鍾君少峰等合力組織公學一所名曰樂羣租借城內周鍾等姓祖祠爲校地其內容分設中學預科及速成師範科學生通計一百二十餘人業已稟奉提學司批准立案又嘉應女學雖公立者尙未發現而由各女士自行組織者

已有三四所計城東楊氏宅爲藥酒生女士所設城東桐華別墅爲張女士所設城北耕耘小築爲梁女士所設均已一律開學且多有母媳同進一校者又松口堡梁氏公議設立族學由族紳梁君朝基捐助鉅款始得成立又該堡伍森源封翁獨捐鉅款倡設伍氏宏育兩等小學將其先世所築之鋤經齋改爲校舍計有學生八十餘人○長樂增塘鄉李君紹唐等在鄉設立小學一所名曰李氏初等小學堂附設半夜學堂俾農工子弟得以乘時就學○陵水縣有黎紳王義者深明大義辦事認真近復獨力籌建寶停合口大旗黎民蒙養學堂三處一切經費均由賄墊縣令林公翰高以該黎紳似此急公好義求之漢民中亦不可多得特爲轉詳優獎俾黎民聞風感爭自濯磨云

廣西○桂省陸軍小學堂近已遵章開辦歲於所收土稅項下挪款若干作爲常年經費其餘一切辦法均照奏定章程如有應行損益之處卽酌量變通咨請部示以期有利無弊○署桂林府杜太守慶元近議組織一法律研究講習所約同省城官幕中人到所研習○桂省學務近日頗有進步茲聞當道已議定實行強迫教育章程以期普及並分省城爲五區先行試辦俟有成效再推行各府州縣其辦法則五區設總理一人提挈大綱每校設正教習兼校長一員副教習兼監學四員五區共設蒙小學堂三十一班另有免澤蒙泉高等小學四班此外商界之僱工官紳之傭使年十一歲以上者一律勒令入半夜學堂不遵者罰其主人故又附設半夜學堂八班至凡年在八歲以上之兒童不遵送各區學堂者罰其父母且各區初級小學堂半夜學堂均不取學費所需教科書均由官購備不令攤繳書價其有極貧之戶不能自購紙筆者亦由總理給發

各省游學彙誌

京師○大學堂近於舊班師範畢業生中遴選西文最深者八人咨請學部籌給官費游學各國專門學校其姓名如下

教育 各省游學彙誌

一百七十七

丁未

孫昌燧 阮志道 (均赴美) 潘敬 高續頤 (均赴法) 朱兆莘 曹學淵 何榮森 程祖彝 (均赴美 兼任華僑教育義務)

直隸○北洋大學堂前會選派學生出洋游學以宏造就近聞直督袁慰帥以該堂法律甲班學生程度最高復選派郭登瀚等十一名赴美游學又有賀家琮一名自備資斧隨同前往

奉天○奉天女子師範學堂近將試驗及第之學生周秀貞等二十一名派赴日本入實踐女學校學師範科

江蘇○江督端午帥上年出洋考察政治在美國參觀各學校見其規制崇闕課程完善及與各校長相周旋情意尤為款洽計耶路大學每年願贈學額十一名幹尼路大學每年願贈學額六名均免收學費威爾士利女學願贈學額三名

贛宿費及學費一律免收以期輯睦邦交廣敷教育午帥回國後即膺總督兩江之命擬將此項學額概由江蘇派

遣特札由甯蘇兩學司於全省各學堂精擇慎選男學生以在中學堂以上畢業程度較深能直接聽講者為合格女學生亦就各女學堂挑選以中文通暢西文亦有門徑者為合格

江西○建昌歐陽雅琴女士與九江桂女士先後稟准提學司前赴日本游學並給官費

廣東○潮州陳少雲都戎近與李君格非沈君汝猷等偕赴日本留學又有楊君夢得亦往日本留學法政均係自費

各 省 報 界 彙 誌

京師○京師女報向只北京女報婦女會報二種近又有王淑媛女士組織一星期女報業已出版又有匡君墨莊集資開設畫報館亦已稟由外城巡警總廳批准開辦又五城學堂學生組織一見聞雜誌專報告本學之事而同學之見聞亦一併列入以求自治而廣見聞其款項均由教員學生捐助以騰寫版印刷裝訂成本按期分送

奉天○學部二等諮議官熊觀察希齡近議聯合留學日本英德法俄義奧美等國學生設立寰球通訊社月出西文雜誌一本贈送各國政府已稟奉前奉天將軍趙次帥批准每年給予補助銀五萬兩並為咨行各省查照辦理○奉天東三省日報總理童君汝川近約同志數人組織一小學報以淺近文字發揮普通智識為小學教育之佐助○營口創設官報局以開通社會政治上之智識為宗旨其內容以摺奏文件為正格而於中外新聞私家論說間行選錄聞已於五月間出版

吉林○東三省自日俄議和後兩國均設有機關報多處遇有交涉事件各為保護本國利權推波助瀾淆惑聽聞而吉林一省中國並無報館暗中頗受虧損故前將軍達馨帥特飭開設官報局隱相抵制並派徐劍石中翰崇立總理其事黑龍江○前署將軍程雪帥以黑省風氣未開特在齊齊哈爾創設官報局略仿北洋官報辦法日出一紙聘前滿洲日報主筆韓君文傑為總理

山東○鄒平縣錢大令籌款設立閱報所並於所內附設圖書館已通稟上臺立案

山西○晉撫恩基帥前為牖啟民聰開通文化起見特飭晉報館編輯白話報一種注重演說隨報分送並通飭各州縣慎選品行端正熱心進化之士紳隨時隨地認真演說近聞各屬業經遵辦稟報者已有十數處之多云

河南○汴省學務公所前就大門外東旁餘屋設立閱報所近又派員覓定城東之火神廟相國寺門之栗大王廟西門之馬神廟北門大街之兩湖會館等處各設一所每所各儲日旬等報十數份委派司事以經理之

江西○贛省閱報社前自廣智書莊三育善會停止後久付缺如近聞登瀛學堂同人議在該堂附設藏書閱報室以開通社會智識

浙江○杭州高等小學堂肄業諸生倡議刊行日報命名課餘學報以提倡學生自治為宗旨每日用寫真版刊印三紙其體裁仍用論說本堂新聞及所屬初級五所學堂新聞本城新聞小說時評插畫投函告白等每張售錢五文每日可銷百張云○新城沈君止戈等組織閱報處一所購報十餘種供人觀覽並將杭州白話報逐日黏牌懸掛俾鄉人之識字者亦可閱看

福建○詔安縣屬之銅山孤懸海外風氣未開近經馬君微祥糾集同志創一集益書報社兼為演說以開民智

湖北○鄂省工業學堂教員徐君自新議在省城創設通俗新報以開通下等社會聞已稟蒙黃仲弢學使批准開辦○

漢口報界雖極危險然接踵而起者不乏人近有盛君翰香等集股辦一五洲日報業已出版

廣東○番禺瀝滘鄉公立閱書報社一所業已開辦○嘉應米商杜廣泰等聯合各行設一閱報會所藉以擴充智識聯絡商情已擬定章程稟州立案

僑民興學彙誌

旅新加坡潮商公立端蒙學堂業已開辦聞該埠向有應新啓發養正三校並此而四矣

瑪璫埠各僑商所議辦之中華學堂近已成立聞該校經費甚裕衆情亦洽教員多係熱心教育之人其地華僑不過數千人而入校讀書者竟多至二百八十餘人又有女學生四十餘人他處華僑子弟亦多負笈從遊忘道路之阻長者女學生每逢星期一四加請荷蘭女教習授以西文及女工前陳閣學寶琛往彼視學再三贊美將女學生林桂音等四人繡物攜以歸國俾內地女子有所觀感又挈學生林桂玉昆季回閩讀書去歲學生李應徵等數人至江甯就學尤為閩學所深喜云查當日辦學最出力之人為陳君克春高君啓恩郭君秉均韓君振芳高君三省許君紀鐵等去歲粵督岑

雲帥派員視學南洋特頒獎品六副分給諸君尚有陳君必軒鄭君文極郭君昆德陳君慶輝李君極芳等十餘人皆獎興學功高橫額以爲與學者勸 又瑪璫青年集益書報社同人多有志之士日則研究商務實業夜則分班講習一請西人秋門課英文一請中華學堂林教員笠權夜課中文國語孜孜孜孜交相砥礪其志有足嘉者 聞荷人於政府派員視學之事頗爲注意日前特派員至中華學堂宣布規則四條一學生每月由荷人助學費一盾五角二派荷教習一員教授荷文束脩由荷人擔任三所轄荷官爲中華學堂代表四荷國派一視學員得有稽查中華學堂之權力學界均已承認

留法學會紀聞

留法中華會館近因內國學務漸盛各省皆設學會特改其名爲留法學會以砥礪學業聯結愛情互換世界之智識增進人類之道德爲宗旨凡留法華人皆得入會入會時須繳費十元每月月捐四元以充經費會中設評議員七人書記員二人會計兼庶務員二人書報兼招待員二人爲常時職員每日輪推當值員及因事特派之代表員爲特別職員其會期凡分四種每星期爲小會西曆每月第一星期大會一次春夏二季開選舉大會特別會不定次數茲將該學會所議與舉之事節錄如下 第一項對於本會以外之事類 甲對於本國 乙對於所在國 丙對於所在國以外之國 第二項行於本會之事類 甲關於會議上之發達者一演說二編輯三翻譯四圖書展覽五科學試驗六科學補習七古今語之練習 乙關於心志之悅樂者一博覽二交際三藝術 丙關於身體之保衛者一運動二衛生研究三療疾

各國教育彙誌

教育 留法學會紀聞 各國教育彙誌

一百八十一

丁未

日本○據日本文部省調查今歲各府縣郡市町村公學所有地段及附屬地共計三千八百六十四萬九千六百九十九坪建築地三百九十三萬二千三百三十三坪合地段附屬地建築圖書器械標本器具等共值一萬萬一千二百二十八萬八千九百一十一圓此外又有資本財產金八百一十一萬三千三百二十六圓積蓄金一百八十八萬七千五百五十六圓較之前年頗有增加又據該省調查近時國中官民均注重於實業教育與辦此種學堂年多一年今已有學堂三千零十九所中分之則工業學校三十所農業學校一百二十九所水產學校十所商業學校六十一所甲種商船學校七所徒弟學校四十六所實業補習學校二千七百四十五所各校教習共三千九百七十二人學生十六萬零一百六十二人每年畢業生約二千零六七十人其尚在創辦之學校約有數十所云○日本陸軍自經戰爭之實驗改正各兵科操典教範後陸軍教育機關亦日求改良近又議將陸軍大學騎兵學校經理學校以及戶山士官軍醫等各學校之教育程度一律擴張辦理已由教育總監部向各學校徵求意見書爲集思廣益之計○日本全國女子高等師範學校向祇東京一所近經文部省飭於奈良地方再設女子高等師範學校一所所以廣造就嗣因該地僻在一隅生徒入學諸多不便故又議改設於西京云○東京感化院創設於二十三年以前收養性質冥頑之少年施以教化嗣又附設一農業部教以耕作及飼養家畜栽培樹木各技術頗著成效故近又議在靜岡縣田方郡設一分院云

阿富汗○阿富汗會長捐款二萬盧比於拉厚爾地方之義司拉米亞大學該校開課時會長親臨演說並稱謝印度政府尊崇回教之盛情又勸勵回教中人當熱心興學以期日進文明云

英○英國各學校總理員近在馬洛威爾士地方會議教育之事提議以後所有學生在十三四歲以下者均不學習希臘語言文字贊成者二十六員反對者四員此議遂決已知照各學校一律遵辦矣

德○據最近調查德國全國大學共計已有二十一所學生四萬五千一百三十六名內女學生二百五十四名此外專科聽講者五千五百九名內女學生二千一百五名以學科分之則法科萬二千一百四十六名醫科七千九十八名哲學史學博言學科萬九百八十五名數學理學科六千二百三十四名新教神學科七千九十八名舊教神學科一千七百八十八名云○德國東部毗連俄界之處爲波蘭舊地德人設有小學堂以教育波童向例波人在學堂不准操波語即拜禱唱歌亦須用德語否則重罰故波人憤甚相率罷學近聞德人已稍寬其律勸諸童入學惟不准倡議罷學之功童再入。

俄○俄屬阿穆爾省軍務司令官某以日俄一役俄軍之敗實由於不諳中日語言特於嘉羅城設一中日語言學校就學者有士官二十五人軍卒二十五人每年學期自十一月至五月爲止卒業獎賞二十或三十盧布不等聞此科擬常駐滿洲以爲將來戰爭之用云

美○美國首富洛勝拉君近又以美金三百萬元贈於芝加哥高大學校作爲擴充校務之用聞此君所贈該學校之款美計已有千九百五十萬元云

各國游學彙誌

暹羅○暹羅人遊學日本者近頗增加計入高等學堂者已有二十人中女子三人肄習工藝聞皆能忍辱耐勞孜孜向學云

德○德皇之第四子亞口斯脫近赴美國遊歷擬在哈柏特大學留學三月

各國報界彙誌

教育 各國游學彙誌

日本○日本全國新聞記者於陽曆四月五日在東京芝公園紅葉館開一大會入會者凡五十一社會員四百餘人議定嗣後每年會集一次是日所議各條如後 一通全國同業聲氣以聯絡情誼 一改正新聞紙使無遺憾 一減輕新聞雜誌及通信之郵便電信電話各費

○東京鐵按協會近專爲盲人發刊一種雜誌名曰盲人教育用點字印刷關於盲人之學說雜報等月刊一次
英○倫敦日日報近出一種盲人報每星期一次每紙取價一辨士其中字句可以撫摩而得凡在醫目院肄業者皆能通曉云

日人尊孔

日本大儒加藤弘之井上哲次郎諸君發起一會以尊孔爲宗旨名曰孔子祭典會議定每年一次在東京本鄉區湯島聖堂舉行今歲爲第一次於陽曆四月二十八日恭行祭典於殿之中央設孔聖木像左配顏子子思右則曾子孟子祭司伶人侍立左右禮儀肅穆令人起敬殿前支帳蓬其中置椅爲會員席屆時祭典委員長嘉納治五郎君演說云吾國文化浴聖人餘澤至深且鉅而祭祀之典闕如殊爲憾事今獲諸君贊襄再與此典無任欣幸至於祭禮或依往昔釋奠之禮或仿風水祭神之式諸說紛歧莫衷一是嗣經決定沿用日本祀神之禮惟祭器仍用昔時遺物等語於是伶人奏樂祭司長乃進恭奏祝詞伶人再奏樂祭司等皆起陳設簋(黍)簠(餅)簠(香橙乾栗)豆(烏肉)爵(酒)俎(魚肉)等其數孔聖三案餘則一案畢祭主細川潤次郎君詣聖座前行鞠躬禮朗誦祭文其文曰維明治四十年丁未四月二十八日丁未潤次郎等謹致祭於至聖先師孔子之神座前曰竊以洙泗之流增瀾東海沃桑之樹揚輝西邦荷賦盛哉夫子道伴天地德並日月過化存神功德踰於百王生榮死哀聲譽垂於萬代洵曠古之師表而億兆之儀範也潤次郎等

慨祀典之久廢念聖德之難護爰與同志聊奠蘋藻以申景仰之忱且致感謝之意配以顏子曾子子思孟子尙饗誦畢再奏樂薰香與會各員皆默想先師及諸賢之德業不置然後撤饌如儀至十一時禮畢陳列祭器及聖堂所有古器以供會員玩賞聞各物皆係德川幕府盛時各藩侯伯所獻莫不極其精巧中有天球儀係天保四年（道光十三年）所造塗漆用金泥描出天漢及諸星座精緻奪目惟星座名目與今日所用迥相懸殊幾不可解是日來會者皆贈精刻銅版聖像來會貴紳有松岡牧野阪谷三大臣中國楊星使濱尾帝國大學總長芳川谷澁澤富田三島加藤諸氏亡慮七百餘人是日午後更在高等商業學校開講演會由加藤博士演說崇拜孔子之理由南摩博士詳述其學生時代之肄業情形井上博士論孔子之人格皆滔滔數千萬言云

美報特色

世界人民之嗜報者無如美國（每日各報發行之數計二億二千萬張）報館規模之備利益之多亦無如美國茲就日本人松井廣吉美國漫遊雜記所載新聞事業撮取一二以資參考（一）訪事人之特權訪員持有星形記號於市街鐵道不納車費凡火燒之處殺人之處以及議會之處別國王公大臣蒞止之處均可任其出入憑其紀載（二）編輯局之大概紐約各報編輯局內有主筆室電報室校正室繪畫室寫真室流行游戲室市事部記者室夜分記者室禮拜日記者室婦人記者室參考室等分功細密職掌釐然此報章之所以有精神也（三）活版部之巧妙美國活版部新出一巧妙器械排字人將顯於器械上之文字以指壓之其銅製原字躍出將鎔就之鉛彼此相連作一語其原字一一至於舊處其用鉛新造之字連讀成語別置諸側有此種器械六七座職工六七人於一小時可出二十四五版機器運用神化莫測斯亦其報紙發達之原因也（四）寫真室之敏捷紐約各報社於照相室中均備有發電氣移日燃燒電

燈畫工模枋原式繪成圖樣即於照相片上以電燈照於銅版隨浸以種種之藥水即已成圖故由照相器而入刷印器約計四十分鐘無論何圖均可印成假如日間一時火警是日晚報已入照相造圖迅速掃畫新鮮斯又足以鼓舞閱報者之興味者也 (五)電報室之發展報社內部電報室有技師數人或歐洲或南部或北部或中部均有專責各人僅主持各方所來之電報使人投遞已與極忙之電信局等而紐約海拉路杜報更於大西洋布設海底電線直接歐洲其編輯部在桑港西拉對兒西阿處設有支局由支局遞至本社亦以電報消息極其靈捷社會競相購讀此美人所以有新聞國人種之名稱也 (六)廣告費之利益報社記者薪水普通探訪者每星期二十二金圓校對者三十金圓紐約海拉路報主筆塔納矮氏年俸二萬金圓里苦氏一萬五千金圓排薄烏思氏一萬二千金圓社員薪水如此其重均賴有告白費以補助之也 (七)發賣所之周徧紐約市中十字街之處每設一箱售賣日報雜誌即旅館與停車場亦必有賣報之幼童相與聚集烏拉杜報直納路報一日發行多至八十萬張有奇雖美人有嗜報性質而亦銷報者之便利有以致之也 (八)主筆人之關係紐約直納路報向為一極小之報社較之烏拉杜報日銷八十萬張者懸絕殊甚適美國銀礦大王哈路思託氏死遺產掌諸其子其子會從大學卒業頗思發展報務乃設法聘烏拉杜主筆之最有名者出五六倍之厚俸羅致該社不及一載即獲利百萬金圓至今亦銷至八十萬張以上蓋報紙之發達主筆人實為其原動力也

上海商務印書館新出各種教科圖書

(分設) 京師 奉天 天津 廣州 福州 成都 重慶 漢口 開封 長沙

初等小學 **中國歷史教科書** 每部二冊 三角 ○ 是書為初等小學第四第五兩年之用計一百六十課
 取歷代大事及名人事蹟之足資觀感者以充材料 ○ 高等小學 **中國歷史教科書** 每部四冊
 簡要不繁文筆亦雅潔可誦另附歷代沿革圖一冊 ○ 小學 **中國歷史教科書** 每部四冊

○ 上起五帝下迄兩宮回鑾下詔變法之日凡分四冊共二百四 ○ **國語** 初等小學 **地理教**
 十課約十萬言文辭雅馴體例精當並附歷代圖表尤便檢查 ○ **國語** 初等小學 **地理教**

科書四冊 定價五角 ○ 近來地理書多臚列府縣名宇山川形勢物產風俗千篇一律陳陳相因味同
 數十幅刷印鮮明每一開卷尤增興味本書業經 學部審定 ○ 高等小學 **地理教科書四冊**

分爲四路每路各附一圖行程所經識以朱線並附精圖一百 ○ 小學 **地理教科書四冊**
 定價五角 **萬國輿圖一冊** 定價三角 ○ 是書為高等小學堂第一二年之用計一百六十課每一
 外國皆按最近情勢立論敘次明晰詞旨簡雅可為初學精本插印銅板精美 ○ **簡易課本**

圖一百餘幅兒童讀之尤有興味另附五彩萬國輿圖印刷鮮明裝訂華美 ○ **簡易課本**
 修身一冊 價洋一角 ○ 國文二冊 價洋二角半 ○ 歷史一冊 價洋一角 ○ 地 ○ 高等小學堂各種教科
 理一冊 價洋一角 ○ 數學二冊 價洋三角 ○ 格致一冊 價洋一角 ○ 地 ○ 高等小學堂各種教科

書均遵奏定章程按年綴輯出版以來認承學界歡迎復思我國地廣人衆學制初定風氣未定
 遠開其有貧寒子弟過時失學或雖當學齡而迫於生計勢須兼治他業不能受完全之教育本
 館用特設變通之法謀普及之效編輯簡易課本為修身國文歷史地理數學格致實業法制八
 種簡要淺明最易教授每冊中各附精圖數十幅以為講解之助凡年長失學者得此書而肄習

徒弟一年卒業於立身之道應世之用亦可粗知梗概至半日學堂夜學堂星期學堂
 徒弟學堂不能受完全教育者以此為課本尤為適用茲已印成六種廉價發售

徒弟學堂不能受完全教育者以此為課本尤為適用茲已印成六種廉價發售

徒弟學堂不能受完全教育者以此為課本尤為適用茲已印成六種廉價發售

徒弟學堂不能受完全教育者以此為課本尤為適用茲已印成六種廉價發售

徒弟學堂不能受完全教育者以此為課本尤為適用茲已印成六種廉價發售

上海商務印書館新出各種教科圖書

(分設) 京師 奉天 天津 廣州 福州 成都 重慶 漢口 開封 長沙

師範教育學 二角 ○ 是書分三篇共三十三章先通論次詳教育之目的

育史一冊 二角五分 ○ 是書敘述東西各國教育之沿革與其變遷實足導我國言教育者之先路

學部審定稱爲凡小學教員欲考求教育之源流者必取資焉等語

六日教授之形狀業經 學部審定稱爲言簡而賅意精而顯等語 ○ 師範 各科教授法 二角 ○ 是書分四編一曰教授之原理二曰教授之目的三

定稱爲言簡而賅意精而顯等語 ○ 師範 各科教授法 二角 ○ 是書分四編一曰教授之原理二曰教授之目的三

日地理曰理科曰圖畫曰唱歌曰體操應有盡有賅括 ○ 學部審定稱爲凡小學教員欲考求教育之源流者必取資焉等語

是書八章曰總論曰編制曰設備曰管理曰經濟曰衛生曰書簿曰教師業經 學部審定稱爲凡小學教員欲考求教育之源流者必取資焉等語

○ 師範 學校管理法 二角 ○ 是書分十科曰修身曰讀書

重師範是書凡二十八章皆詳關於教育之心理簡要精審一字不苟 ○ 師範 論理學 一角

五 ○ 論理學亦師範學校必要之科爲教員者不明論理學則教授時必不能勝任愉快願是學

分 ○ 精深廣大欲求簡核明豁合乎教科書之用者實鮮善本是書凡六章其中演繹歸納等法

者皆詳略得宜 ○ 學部審定稱爲凡小學教員欲考求教育之源流者必取資焉等語

各省總分圖數十幅業經 學部審定稱爲凡小學教員欲考求教育之源流者必取資焉等語

然爲功自易是編深明此法 先以虛線作式而後畫爲圖形故雖不著論說而不至於模不模範

不範也 ○ 初等 習畫帖八冊 教員用一冊 七角 ○ 小學 毛筆習畫帖八冊 一元 ○ 高等

等語 ○ 小學 習畫帖八冊 教員用一冊 七角 ○ 小學 毛筆習畫帖八冊 一元 ○ 高等

小鉛筆習畫帖八冊 八角 ○ 以上三種習畫帖參照東西洋名家筆法所有人物屋

宇器具皆按照中國模樣俾兒童一覽而知最爲便用

交通

論鐵路國有主義與民有主義之得失 錄丁未四月二十日南方報

有機體動物之構造。必恃筋血以周流全身。而其物始靈。否則如木石然。土地之有河海大陸。皆所以助國家之交通。有國者苟利用之。於河海則闢航路。於大陸則建鐵路。使頑然之塊土。而百脈流通。筋血貫注。與有機體之動物無異。歐西自一千八百十四年汽車發明後。至一千八百二十九年。美國始有布設鐵路之舉。未幾而英繼之。其後遂推廣大陸諸國。初則以之運煤。繼則以之運貨。終則以之運人。近今世界鐵路延長。達四十餘萬英里。胡國者。欲知其國文野之度。至先覘其國交通機關之若何。發達鐵路之關係。國家重要如此。於是為各國政府所注意。或因財政之所入。或因私人經濟之活動。遂起國有大陸民有英美二大問題。

國有民有二大派。歐洲學說紛歧。各執一是。今舉其各主張之理由如下。

國有主義所主張之理由有六。(一)鐵路具共同之性質。若為私人所經營。國家欲為一般社會謀利益。不得不加以保護監督。為公司收買土地。準用公司徵收法。鐵路經過土地。免

交通

論鐵路國有主義與民有主義之得失

一百二十三

丁未

其地租。布設鐵路。必使統一。徵收運費。必定限制。處處皆待國家扶助。與其委諸私人。不如國家自辦之爲得。(二)國家經營。易於統一。則經費減少。運費少。則運費廉。而設置增加。行旅愈爲便利。若各公司經營。則軌道不齊。材料不一。一公司必有一公司之段落。車輛不能通用。轉換亦須時日。且甲公司與乙公司。恆互相競爭。彼此不能通融。而需費益多。不如國家經營之爲完備。(三)國家不能無軍事。若遇戰爭之時。輸送軍隊。彈藥糧食等。雖民有鐵道。亦不能不盡輸送之義務。然至緊急時。必有不便利之處。不若國有之爲便。(四)鐵路爲私人所設。則利己心厚。凡沿海平坦之地。事易費少者。則先辦。山谷盤紆。事難費重者。則後圖。又鎊價低落之時。則企業心必盛。若市場不佳。則入股不能踴躍。或因而中止。國家經營。則可無此弊。(五)國有鐵路。重在爲社會謀公益。不僞爲私利計。而賃金可廉。若爲私人所。有。則必以營利爲目的。價格任意漲落。而有害一般社會經濟之發達。且彼此爭築。或設平行線路。或迂迴繞道。以逐利。甲乙互爭。而賃金不能畫一。經濟上之變動。無常妨害尤大。(六)有持公司合併之說者。合多數公司而成爲一托辣斯。則競爭之弊。可免。不知公司合併以後。勢力愈大。則運金之增加。可以自由。既失競爭之益。又陷獨占之弊。如美有鐵路大王之稱。其權力幾與總統相埒。鐵路爲全國經濟機關所係。若操於一托辣斯之手。而國家

經濟之主體失矣。

民有主義所主張之理由。亦有四端。(一)鐵路由國家辦理。不過任命官吏爲之。雖云有紀律。易於束縛。然國家非有特殊之神異。官吏亦不皆可信用。豈私有之弊。官辦即能鏟除。淨盡乎。況用款不能如人民之節省。治事不能如人民之周密。交接不能如人民之親切。此官辦之所以不如民辦也。(二)今日之國家。文明程度日高。而需要之費用亦與年俱增。歲入時虞不足於鐵路。萬難普及。國家既不能兼顧。而又禁人民之建造。則社會經濟之發達。其阻害爲何如乎。(三)鐵路爲一切貨物之運送業。人民於運送業。既可自由經營。則鐵路何以必爲官業。以情理論之。人民亦得自由經營也。(四)鐵路既爲國家獨占。則政府之權力愈大。利益增多。不免有濫用之弊。而人民之經濟。益形窮困。於國民經濟。損害甚大。綜觀以上各理由。而各國所取制度。亦不一律。或基於歷史之原因。或由於國民之性質。故欲驟論其得失。亦遽難判定。惟就各國歷史觀之。其所取主義。分別如下。

全歸國有者。比利時。德意志聯邦中之普魯士及其他數國。全歸民有者。英吉利。美利堅。西班牙。收全國幹線爲國有。而支線仍歸民辦者。日本。瑞士。雖歸民有。而附免許期限者。法蘭西。有所有權歸國家。而仍歸私人公司經營者。荷蘭。意大利。有所有權歸私人。

交 通

論鐵路國有主義與民有主義之得失

一百三十五

丁未

而經營歸國家者。奧地利。匈牙利。半由國家經營。半由私人經營者。俄羅斯。環顧各國鐵路。其起。因。皆。由。於。民。業。而。漸。收。為。官。業。比。利。時。於。千。八。百。三。十。四。年。已。定。國。有。主義。普魯士於千八百四十七年。奧地利於千八百七十年。實行國有主義。他如。腦威。瑞典。丹麥。荷蘭。諸國。亦。無。不。然。惟。法。則。雖。主。義。屢。次。變。更。至。千。八。百。四。十。四。年。亦。卒。採。國。有。主義。其所以取此國有主義之原因。皆為財政之所起。見自普魯士收全國鐵路為國有。後而財政之所入。頓加大陸諸國皆倣效之。以為國家文明日進。設備益繁。而經常歲入。有定與其加租稅。募公債。費種種辦法。使人民感切膚之痛。不如收鐵路為獨占事業。而於國家之財政。獲益既鉅。又使人民不感直接之痛苦。故識者亦不得謂其計之非以大勢論之。將來世界鐵路之必歸國有勢也。然國家經營一事。必為社會一般謀利益。若徒注意於財政之所入。則凡有利益之事。無不可與民相爭。其有害於私人之利益實甚也。

國家苟以私人設立公司。而慮其不能統一。或龍斷罔利。或自由競爭。或設備不全。或濫用權力。或阻礙軍事。則不妨制定鐵路法令。及私設鐵路條例。嚴行監督。以管理之。即可預防諸弊。而謂國有必勝於民。有不特持論失當。亦且無價值之可言也。

今以日本近例論之。日本自明治二年。始建築京濱鐵路。由國家經營。至明治十五年。仍守

此國有主義。其後國家財政艱難。知經營鐵路。僅恃政府之力。難期速成。遂於明治二十六年。明認私設鐵路公司。制定私設鐵路條例。一時企業家勃然興起。爭築線路。創設甲武水戶兩毛關西南海京都阪鶴其餘之數十公司。是時官路民路相踵而成。今其國鐵路延長四千六百英里。半成於公司之手。中日戰後。財政竭蹶。於是再圖官業之擴張。募鐵路公債一億二百萬圓。國會又協定私設鐵路法律。意在收民有鐵路歸政府辦理。以充國家財政。然至今官有者僅占全國鐵路三分之一。是官辦之難。民辦之易。可顯而易見也。

自戰勝俄國後。國家財政益形困難。而獲我滿洲權利。又不得不併力經營。擴張勢力。於是用殖民政策。移國內勞動者於滿洲。從事農牧。又欲激發國內資本家。至滿洲以營工商業。復倡國有主義。一面收購全國幹線。以歸國有。圖國家財政之增加。以償外債。一面使國內殷實之家。發達其企業心。移其資本以營滿洲實業。當時國會頗多反對者。嗣議員皆知政府所用方針。非此不足以膨脹國民之經濟。贊成者遂居多數。卒能達政府之目的。此日本採國有主義之由來也。

我國自甲午以前。不知有鐵路之利。即有一二言之者。亦大遭反對。中日戰後。羣以北省兵敗。由於南省之不能迅速接濟。政府因軍事上之失利。乃始謀築蘆漢鐵路。國帑困於償金。

無餘力以支辦。乃思假外款以築成。俄國遂乘機肆其南侵之志。僞以比公司出面。而令以借款。唱我故意。將要求之條款。從輕以避他國之競爭。自德占膠州。而國勢一變。比公司頓悔前約。要求改訂借款條件。俄法二國并游說。當時總署之黨俄者。以遂其私。比改訂借款條件。成而我國鐵路之主權全失矣。

夫國家募外債。以營實業。雖暫時糜其子金。經數年或十數年之後。償之即為我永遠無窮之厚利。況辦理交通機關乎。故不得謂其計之全非。歐洲各國亦曾用之。至我國借款築路之事。則不可以同日論也。蓋借款甲國。則聘甲國工程師。借款乙國。則聘乙國工程師。且即以所築之路。與材料供擔保。並管理行車事宜。亦概付之外人。雖我國亦派有行車監督。不過徒有虛名。位置一官吏。開支一薪水而已。其實權皆授與外人。而莫敢顧問。是無異允外人在其殖民地築路也。烏得以借款築路目之。

自蘆漢借款契約宣布後。各國羣知可借築路。以握我實權也。英法德美諸國。遂相繼要求路權。路線所至之地。即某國勢力所及之地。該借款重要之條件。即債務者不能如期履行契約。償還借款債權者。為保護權利。得以充分之方法。自由處分。原合同第六款是各國爭欲借款。迫我築路。明則謂助我交通機關之發達。以興商務。陰則逆料我之財政。竭蹶如期不能償。

還。可。實。行。管。理。以。遂。瓜。分。之。策。我。政。府。不。解。最。惠。國。條。款。之。性。質。以。為。各。國。必。利。益。均。霑。方。無。可。藉。口。遂。以。同。一。條。件。許。外。人。在。我。國。有。無。限。之。築。路。權。其。契。約。償。還。期。限。或。以。二。十。五。年。或。以。五。十。年。今。後。之。我。國。財。政。果。能。有。如。許。餘。款。以。贖。回。路。款。乎。是。亦。一。問。題。也。今。觀。外。人。在。我。國。管。理。之。鐵。路。權。如。下。

俄國管理。東清鐵路。西伯利亞鐵路之經過中國自哈爾濱至大連灣間。營口支線。旅

順支線。已以上今已讓歸日本。京漢鐵路。北京至漢口。已開封河南西安支線。正定太原

西安線路。吉長線。蒙古線。未以上

英國管理。關內外鐵路。北京至天津。天津至山海關。山海關至營口。溝幫子新民廳支

線。湯河秦皇島支線。義州支線。北京唐山支線。已以上津鎮鐵路。未今議收回自辦。礦山

鐵路。澤州至襄陽。道口至浦口。未以上淞甯鐵路。上海至吳淞。上海至南京。未浦口至信

陽。南京至漢口。未緬甸延長鐵路。未九龍鐵路。未

德國管理。山東鐵路。濟南至青島。已青島至沂州博山支線。未津鎮鐵路。自直隸

至山東。濟南開封鐵路。未以上

法國管理。老開至雲南。涼山至龍州。已龍州至南甯。北海至南甯。廣州灣延長線。未

交通

論鐵路國有主義與民有主義之得失

交通

鐵路國有主義與民有主義之得失

美國管理。粵漢鐵路。今已收辦。廣東武昌幹線。設未。三水支線。設已。平沙支線。湘潭支線。岳州支線。未設以上

葡國管理。廣澳鐵路。設未

日本管理。南滿鐵路。

中國管理。大冶鐵路。萍醴鐵路。道澤鐵路。設已。潮汕鐵路。安徽全省鐵路。粵漢鐵路。川漢鐵路。江西全省鐵路。湖南鐵路。福建全省鐵路。未設以上。浙江全省鐵路。滬嘉蘇嘉支線。初設以上。京保鐵路。西陵鐵路。北京城內鐵路。未設以上

綜觀以上各路線其入於外人之手已設者三千六百二十七英里未設者六千二百四十四英里而為吾國所管理已設者僅一百四十三英里其餘各線尚在經營籌畫未知款項誰著一二有識者觀外勢日增我國交通機關全入外人掌握不特握我路權并侵及沿路

礦產一日路線告成則瓜分之形勢遂定我國所占天然優勝權利若聽政府之放棄終無

底止遂亟亟創分省自辦之議以各保利權一時創立公司者如四川浙江安徽江西等當

事者方百計經營募集股本猶虞不繼而鄂督忽有三十年後商辦各路收回國有之奏是

惟恐我商民企業心之發達而加以阻塞使權利全歸外人有也吾不解鄂督此請果何用

意推其意之所在姑分三說以難之。

(一)其欲圖國家財政上之增加而效法日本乎日本之收幹線爲國有其對於滿韓經營財政困難爲其政治家所用之手段其政策已如前述我國商辦伊始尙在經營而成功之日未可期收入之數未必即使爲國家財政收入充分起見於商辦各路一律告竣後遲以數年或十數年提議及此亦未爲晚況其時國家果有餘裕可以收買民路亦必在贖回各國借款所辦之路以後何鄂督於贖回各國所辦之路未遑計及而獨亟亟於收回本國人自辦之路是可謂別有見解者矣(二)其殆見於商辦之不如官辦可以直接服從乎商辦必遵公司章程權限利益之如何分配有明文規定官權不得侵奪而干涉之鄂督之信任官吏幾若天下事非官不能辦故亟欲易商爲官而可任意操縱干涉之不知官吏至不可恃者也在文明諸國之官吏有議會之監督尙難期其忠實況吾國官吏腐敗達於極點既無議會之監督又無強硬之輿論而謂可以與之有爲乎(三)其欲收回外人管理之路乃先收回我國自辦之路以杜藉口乎外人管理之路有礙主權其急待收回固無庸疑我國果籌定款項如期償還彼自無詞可以相拒與私人契約無異特患我之不能如期償還耳又何必先損商民之權利以媚外耶

交 通

論鐵路國有主義與民有主義之得失

一百四十一

丁未

交 通

郵傳部會同度支部農工商部議覆前署黑龍江將軍程德全請
修江省鐵路摺

一百四十二

七月

以上三問題解決則我國今日無提倡國有主義之必要可知蓋一國所用政策必合乎己國之習慣情勢而定各國文明雖皆由彼此模倣而來然事實之性質未明根本之問題未決不審己國之情勢謬謂他國可以行者無不可移之我國卒之在他國行之而利者而我國行之無不見其害是皆一知半解者之所爲矣而鄂督特其一也

郵傳部會同度支部農工商部議覆前署黑龍江將軍程德全請創修江省鐵路摺

上年十一月二十二日准度支部片行署黑龍江將軍程德全奏江省創修鐵路藉維商務而固邊防一摺光緒三十二年二月十四日奉硃批該部議奏欽此欽遵由軍機處抄交到部等因前來查摺內稱江省自東清鐵路開通以來商貨官運均仰給於人擬自哈爾濱江北馬家船口北向呼蘭曲達綏化直接黑龍江城修一幹路計長一千餘里再由對青山至呼蘭由昂溪車站至省城修二枝路並由對青山枝路西逾東清鐵路過松花江與伯都訥鐵路相接省城枝路東向以接幹路如此南北銜接一氣呼應自靈卽請指定購辦鐵軌地方以便派員往購嗣准該將軍函稱前奏修路辦法尙須酌改二端一則路線宜改勘也查伯都訥至新民屯一段路線距東清鐵路太近似宜由新民屯取道奉天之洮南府經札賚特旗而達齊齊哈爾再行接修愛琿一路一則先由新民屯動工興修也修路之要最宜旋

修旋用而借我已有的路運輸材料尤爲便捷目前細籌此路修法似宜由內而外由南而北先由新民屯我國津榆鐵路向北接築論形勢則路軌早日聯貫論輸送則轉運藉以靈通並請郵傳部派員估修以資督飭各等語臣部查江省屏蔽東北鐵路最爲要圖而洮南地處適中北憑洮河東通松嫩水陸交錯實足扼三省之衝視呼綏地形自更較爲重要茲值東省商埠待開之際尤應及時籌畫現京榆路軌已展至新民屯該將軍議改由新民屯首工接續興修直達愛琿南北之勢既易相聯而路成若干即收若干養路之資於辦法亦爲得勢所請指定購辦鐵軌地方一節查近年漢陽鐵政局所出之軌尙屬合用由京漢京榆轉運至江往來殊覺靈便若漢廠備辦不及可即查照京榆購軌舊章派員至滬向各洋行開標定購惟新民屯洮南地屬奉天又皆逼近吉林應由三省將軍等公同商酌先行聘定工程師預將路線勘明庶幾需軌若干乃有成算在胸不至茫無依據俟籌議稍有頭緒再由臣部揀派專員前往估修以資督飭又原摺稱擬由荒價項下先提銀一百萬兩股本以便開辦而資提倡並將變通通肯荒務所收官兵津貼地價銀應發商生息永作旗人津貼者亦請移充修路之費俟鐵路告成仍將應得餘利分別津貼以期經久又函稱路線太長需款過鉅應由三省合力妥籌前奏所提荒價銀兩亦可撥出先築新民屯一路以明不

交通

郵傳部會同度支部農工商部議覆前署黑龍江將軍程奏請創修江省鐵路摺

一百四十三

丁未

分。畛。域。之。義。等。語。度。支。部。查。築。路。既。屬。要。圖。集。股。自。爲。急。務。該。將。軍。擬。提。荒。價。銀。一。百。萬。兩。作。爲。股。本。並。將。變。通。肯。荒。務。所。收。官。兵。津。貼。發。商。生。息。銀。兩。一。併。移。充。具。見。權。衡。緩。急。極。力。經。營。擬。請。准。如。所。奏。辦。理。惟。借。提。荒。價。一。款。路。成。以。後。是。否。永。遠。入。充。股。本。抑。係。陸。續。歸。還。所。得。餘。利。歸。入。何。項。造。報。原。奏。未。經。聲。敘。其。官。兵。津。貼。發。商。生。息。銀。兩。每。年。得。息。若。干。將。來。應。分。餘。利。能。否。適。如。息。額。及。未。得。餘。利。之。先。此。項。津。貼。於。何。取。給。原。奏。亦。未。敘。明。至。撥。款。分。築。新。民。屯。一。節。據。稱。路。線。太。長。需。款。過。鉅。究。竟。分。撥。款。項。若。干。全。路。告。成。後。界。線。應。如。何。畫。清。餘。利。應。如。何。分。派。事。關。全。局。仍。令。該。將。軍。妥。議。章。程。分。晰。聲。復。以。憑。考。核。至。所。請。專。招。華。商。藉。保。路。權。查。與。川。漢。皖。浙。等。處。辦。法。無。異。應。即。照。准。至。招。商。辦。法。農。工。商。部。查。應。照。奏。定。商。律。辦。理。並。俟。命。下。之。日。由。農。工。商。部。札。知。各。省。商。會。籌。集。股。款。迅。速。興。辦。庶。合。各。省。商。人。之。財。力。規。畫。一。隅。俾。路。工。早。日。告。成。實。於。大。局。有。益。如。蒙。俞。允。即。由。臣。部。咨。照。趕。速。籌。辦。惟。現。在。東。三。省。已。設。總。督。該。將。軍。從。前。籌。畫。與。現。在。情。形。是。否。相。宜。應。由。臣。部。咨。行。該。省。督。臣。徐。世。昌。會。商。三。省。巡。撫。妥。籌。咨。復。以。憑。核。辦。謹。奏。光。緒。三十三年三月十八日奉

旨依議欽此

福建全省鐵路路線說帖

定線之緣起。福建全省鐵路公司之發起其初定之幹線曰福廈見於同鄉京官之原呈與商部之原奏鄙人承乏以後恐路線過長一時股分難集初次原定漳廈福馬海岸二線嗣有人欲包辦漳廈不成則創爲東石至泉州之一線直稟商部另行集股承辦部議不准飭將所集股款充入本公司於是復有泉東之說遂定爲漳廈泉東福馬三海岸線集股六百萬元咨部有案究之彼欲承辦泉東者部飭將所集股充入本公司則亦徒託空言而由泉至五陵之三十里實在我全路幹線之內不過東石至五陵四十里之枝路爲後來所加入耳此福建鐵路三海岸線之所由定也 全路開辦之先後 福建之鐵路既以全省爲範圍則其經營次第不能不規乎久遠故漳廈爲下遊之起點福馬爲上游之尾閘則漳廈爲下游入手之基而福馬必與上游直幹相屬此不易之說也他日財力充足分頭並舉則由福馬而接上游亦爲正辦今既未辦上游自不能遽辦福馬然今日之辦下游又有二說曰先漳廈曰先泉東誠以此二路者固皆下游之海岸線也故今日福建鐵路路線之宜研究者則又在乎漳廈泉東之先後 漳廈泉東二路先後之意見 甲之說曰路工之起點必近於通商碼頭廈門爲商港雖屬海島而島之對岸有嵩嶼可通陸三十里至石尾又六十里折入漳州共九十里進出口之貨多沿路村莊多富足是近廈便此主先漳廈者也

乙之說曰東石至五陵四十里折入幹路三十里達泉州共七十里路平且短行客至夥施工易而見效速以後招股愈易推廣不難是獲利可預券此主先泉東者也 甲乙之說相持不下於是有所為持平之論者謂路線宜延長欲於數十里之路求其利之立見誠未敢必今宜由嵩嶼起點三十里至石尾接入幹路八十里至同安百四十里至泉州統共二百六十里而置東石至五陵之四十里與石尾至漳州之六十里為緩圖此線較長較之嵩嶼至漳州東石至泉州之二線路利益亦必較大眼前工程雖鉅而通盤扯算需費實廉所謂廉者轉運之費省人員之額省車輛之數省也況幹線直達泉人赴廈自必直抵嵩嶼而不由東石即由漳來廈者亦由石尾趁車其為久遠計至便故前甲乙二說之斤斤漳泉二府之利害者實因漳泉之各分為一枝而未嘗計及漳泉之可合為一幹也今如款項足用則宜以全力聯合漳泉之幹線而勿狃乎數十里之圖是說也其必較善於前者甲乙之二說矣然財力不敷則亦徒成畫餅就今日財力所及僅敷一段工程仍不外甲乙二說擇其善者而行之而固無所謂折衷之說也 漳廈泉東二說之比較 夫甲乙二說相持數月路線不定起點莫從現工程師全體到廈時日虛糜尤為可惜若不及早定議何以塞股東之望而盡辦事人之責乎股東會既未成成立在廈各董亦但求有益於大局並非有成見於其間

鄙人責無旁貸因請總工程師陳怡堂君副總工程師王有谷君親往查勘由嵩嶼至漳州復由漳州折回石尾越同安至泉州再由泉州而五陵而東石周歷全路覆估工程鄙人又親至嵩嶼東石兩處調查客貨研究理由而得甲乙二說之比較 一屬於工程者鐵路工程轉運之費實爲出款之一大宗故起點之地必擇航路交通近於通商口岸者如京漢之江岸津榆之塘沽皆便於起卸故也東石雖亦靠海然離廈百十里之遙每日小輪來往不過一次且係直抵安海於東石但一停輪凡工程處之佈置一切多此百十里之海程勢須在廈起卸另立轉運機關諸形不便較之嵩嶼對海每日可以雇用小船數次來回而大宗材料即可靠岸起駁者其所費之必加大爲數實已數倍況風浪不時則轉運不靈工程全體之機關立滯其糜費爲更鉅矣 一屬於車務者鐵路利益利於幹線之延長不利於幹線之短促嵩嶼至漳州雖較泉東不過加長二十里然車輛之數與辦事之人七十里之所需如此九十里之所需亦如此九十里與七十里之利孰多不辨而自明也況行車之利在客貨而客貨之比較則客不如貨漳泉進口之貨相若而出口之貨漳有糖煙茶紙麵粉木料麻袋生油茶油各種水菓糖菓乾菓以及柴炭粗碗水仙花頭等而泉皆無之即謂泉之客多於漳然調查安海來往小輪每日至多不過四百人石井東石安海各鄉搭客居半其

交通

福建全省鐵路路線試帖

一百四十七

丁未

半且不盡皆由泉州來亦不盡皆往泉州去也惟臭塗一路小輪皆直往泉州七月至三月每日七八百人或偶逾千人而四五六三箇月則僅二三百人其能否以千人扯算尙不敢必況臭塗小輪由泉直抵廈門但一登舟之勞非至冬令大風必謂其盡乘火車至東石再行換船恐有反覺其不便者即使公司自備小輪盤運然廈門小輪黎明載客至東石必在九點鐘之後東石小輪載客赴廈門必趕二點鐘之前是八點以前三點以後之時間無客可載車亦自停則火車之往來回數鐘點必隨輪船爲多少遲速有三輪滿載之客則七八點鐘之內火車可以來往三次否則每日開行一二次耳若遇風濤更無憑準亦不可不慮蓋東石之不便卽此由東石至廈尙須百十里之海程故也漳州則出入口之貨甚多皆由西溪北溪轉運而輪船帆船皆須趁潮每月潮信過早或過遲則未及百里之程需兩三日始達其必舍舟而陸可知廈門嵩嶼隔港對岸小輪往來安穩迅便沿路村莊大半富足較東石一帶爲勝或慮石馬市鎮尙隔重洲不知漳廈既通日後石馬碼頭必漸趨而移於石尾河南之原家口車鐵也自京漢路通遂移於漢潭河車站是其明驗其利源尤爲可恃然則謂泉東之路其利必厚於漳廈者恐不盡然矣 決議 前甲乙二者之比較明則漳廈之與泉東以工程言不見其誰省以車務言不必其誰利則權其先後不能不審其始終是則鄙人所爲審慎而顧慮也竊謂

漳廈幹也東石枝也廈門爲通商口岸則路線之起點不能不在嵩嶼既不能飛越海岸而由內地興工則嵩嶼至石尾之三十里名爲枝而實爲幹也東石至五陵四十里而後折入幹路然以離廈太遠故則不謂之枝不能故先幹而後枝經也先枝而後幹則權宜之辦法耳利不百不變法天下事固有廢經而行權者矣特無如東石之路雖眼前而亦未必倍利於嵩嶼他日公司發達漳泉之幹線既通泉之客貨必直抵嵩嶼而不更赴東石則此四十里倍力經營之枝路不其廢乎故東石者計眼前之利也嵩嶼者作久遠之圖也眼前之利既不可期必則宜通籌全局以自立於不敗今再將漳廈之宜先者分析言之起點於嵩嶼在廈門之對海與通商口岸相接便一工料起卸較易便二沿路之村莊富足便三客不必少而貨加多便四嵩嶼到廈一葦可航人必樂於趁車便五石馬小輪之利漸移則石馬碼頭且將自移於石尾便六路線稍長便七有此七便則不必廢經而行權也明矣是則今日之先辦一路不能不以漳廈爲入手也 餘論 抑又聞之今日之先辦一路固福建全省鐵路之基礎上下游全路之告成雖以俟之他日而下手之始必須爲後來籌推廣之方漳廈之路通則上可以直達上游節節爲成一段之路即立一段之基下可以近接龍巖開礦山未發之藏龍巖最多佳礦路礦之相需爲利識者始能言之遠抵汀州奪汕頭客貨之利汀客貨之來廈者必直下汕頭航而之廈路通

交通

福建全省鐵路詳論

一百四十九

丁君

廈門至 再下遼海而南可以接入粵幹是則待乎異日股東會之決議而鄙人尤不能不慎於謀始也 況今日先辦之一路所爭者爲全路之起點耳路線之必起點於通商之口岸不易之義也由嵩嶼起點則推之上下游而皆通由東石起點則限於泉州之一府如謂由泉州再行推廣不知推廣愈大則糜費愈多蓋以東石離廈太遠轉運起卸多此百十里海程之轉折實不足爲起點之地故也即曰泉東成後再由嵩嶼起點則兩番之開辦費如車廠機器廠材料廠安設須有兩處而車輛亦兩套其爲數更不貲矣

萬國無線電信協約

一千九百零六年德意志政府首倡在柏林開萬國無線電信會議日本亦贊成此舉由遞信省海軍省派員參議訂約蓋印約經批准而未發表其施行時期自一千九百零八年七月一日始茲舉其大要如左

一調印之國爲德意志美利堅亞爾然丁奧大利匈牙利比利士伯刺西爾不里格里智利丹麥西班牙法蘭西英吉利希臘意大利日本墨西哥摩洛哥腦威荷蘭波斯葡萄牙羅馬尼亞俄羅斯土爾其烏拉圭等凡二十七國 一本協約外有追加協約議定書及通信規則其本協約之重要條件則如左(一)凡協約國經辦公衆電報於本國沿岸及船舶之電

信局有遵行本協約之義務(二)沿海電信局應與內地電信局互保連絡(三)各電信局不問用何種機械均有交信之義務(四)凡由船舶發出之遭難電信有絕對的優先權者接受之時應迅速回復辦理(五)萬國無線電信局掌報告之蒐集編纂發刊(六)關於該協約之條文遇有紛議應委任無關係之一國政府解決(七)本協約除船舶之遭難電信外於海陸軍電信局概不適用(八)各協約國無論何時有通知免預協約之權利 一追加協約以英國居首日本意大利墨西哥波斯未加調印其追加事項以各船舶電信局不問用何種機械應與他電信局交信此即規定裝置無線電信機械之船舶互有交信義務也日本不表同意然後有需要之時可隨時加入協約 一議定書者定次回之議事規則及使殖民地保護國行使投票權之方法也次回之會議擬於一千九百十一年開於倫敦並將特別電信局定交信之制限 一通信規則之要領如下(一)各電信局得用何種之機械(二)船舶電信局應經政府許可其電信職員應具適當之資格並當嚴守秘密義務(三)有違犯規則者應由該管國之官吏審查再犯以上交仲裁裁判(四)沿岸電信局屬於政府管理之下執務時間晝夜無所間斷

各省鐵路彙誌

交通 各省鐵路彙誌

一百五十一

丁未

直隸○京張路線所經之宣化保安懷來三州縣原由沙城堡西之大屯集經新保安城南至雞鳴驛二十餘里名為南線嗣經工程師覆勘此線難以應用遂即改勘北線自大屯村起迤西北趨經東八里新保安之北至兩菜園又自兩菜園起斜向西南經新莊西水泉兩村達西八里之南迤西直至雞鳴山南面止於農田水利兩無妨礙當由鐵路局詳奉直督袁慰帥批准辦理

山東○山東職商張君德山等前擬由煙臺至濰縣修築鐵路共長五百八十餘里購地築路造車等費約需八百萬元當經發起各商合認四百萬元其餘四百萬元招人附股以五元為一股惟不得撥入洋股現已擬定簡章十三則稟准魯撫楊運帥即日興工

河南○郵傳部近向比國公司借款七百五十萬佛郎以充汴洛鐵路經費其所訂合同如下(一)中國郵傳部向比國公司借款七百五十萬佛郎(二)一切契約悉照一千八百九十八年六月所訂蘆漢鐵路幹線借款契約條款利息以周年五分計算(三)此項借款每百實收九十(四)此次借款以鐵路收款及政府之保證為擔保(五)此次借款專為汴洛鐵路之用將來如欲另設枝線所需經費或仍向比國公司借入或由中國自籌悉聽中國政府之便(六)此項債券須由駐比中國公使記名蓋印

江蘇○江甯下關為滬甯鐵路車站之首將來鐵路開車商務自必日盛惟與城內遠隔行旅出入貨物轉運均多不便江督端午帥有鑒於此即擬於下關地方緊接車站築一支路另闢城門直達城內駛行汽車以期取便商情遂札派王觀察樊孫觀察廷林分任規畫建築籌備經費等事宜云

浙江○四月初十日浙路公司開第二次股東會於上海總理湯塾仙京卿以獨力經營勞瘁難任決計辭職經衆股東

一再請留始將意見書收回後則提議業務學堂增設正科經大衆可決其議遂定次提議附設銀行事宜議決股額百萬圓由公司擔任五十萬而先出額定四分之一次提議核減董事查帳人薪水由多數投票決定改原定百圓爲六十圓次選舉董事先於舊董事中舉定孫問清等四人繼又舉定新董事鄭冠三等七人次選舉查帳人舉定蕭谷峰等四人未提議建築自西湖至拱宸橋馬路全體一律贊成遂即散會

湖北○鄂境粵漢鐵路先築武昌至岳州一段已於五月初八日開工

廣東○潮汕鐵路現擬築枝線自郡城西門外車站接築至意溪北堤止沿途地畝已經插標並開設購地局矣○六月初一日粵路公司開特別大會於省城由議長夏君揚生主席宣布議案八款(一)總協理權責及薪水衆議總協理仍照前定資格總理月薪五百圓協理四百圓(二)核定公司有限股本注冊衆議公司應遵照注冊式聯蓋圖章呈部港商陳廉虞楊西巖等迭經破壞商辦應永遠不准其買票入股(三)安定粵路銀行章程並宣布劉君小卓前定銀行奏咨章程衆議銀行章程既經劉君訂定而又爲四萬分之大股東當公推爲銀行總理不必投筒另舉隨定名廣東銀行以濟鐵路有歸還國家之日銀行爲股東永有公產之意(四)詳訂公司章程及用款衆議廢廣漢鐵路合約由公司招股承築又議由善堂商會行商公舉名譽董事二十人又議總協理以兩年爲任期如辦事妥當再行留任否則隨時開除(五)幹路應否分段趕築限年告竣並添築枝路衆議本省界內幹路約分二十段分段趕築限兩年告竣幹路布置既定卽同時添築枝路(六)開採森林及煤鐵礦衆議瓊崖各處森林不少應由公司開伐運回築路除供別省之用以挽利權又議煤鐵二礦尤宜從速開採以供行車製造之用(七)開設鐵廠衆議應速設製造總廠俟開有鐵礦練有鋼鐵再行開辦鐵廠機師當用華人勿聘外人致多隔閡(八)考取及格學生肄業外洋鐵路學堂並開設鐵路測繪學

交通

各省鐵路彙誌

一百五十三

丁未

交 通 各 省 鐵 路 彙 誌

一 百 五 十 四

七 月

堂 衆 議 應 派 人 出 洋 學 習 工 程 設 測 繪 學 堂 又 議 凡 在 外 洋 高 等 學 堂 畢 業 有 文 憑 者 公 司 可 助 以 學 費 以 入 專 門 學 堂 肆 習 測 繪 工 程 諸 事 議 竣 隨 即 投 票 公 舉 總 協 理 旋 查 驗 票 數 以 羅 君 光 庭 爲 最 多 例 推 爲 總 理 次 黃 君 景 棠 例 推 爲 協 理

宗教

論消釋教案之機會 錄丁未三月初七日南方報

吾國自庚子以還。教禍益烈。中經湖北江西之兩大案。朝野上下。談虎色變。年來皇皇汲汲。日思所以消弭教案者。吾嘗聞之矣。爲治標之論者曰。聯絡教士。別訂專章。保護教民。責成官吏。此派也。今之官吏多主之。爲治本之論者曰。必先拒回領事裁判權。則天主教將與回佛兩教無異。又使廣設學堂報館。稍進民智。以後自少仇教之舉。此派也。今之士夫多主之。綜此兩派而言。苟其同時並舉。實力執行。或治其表。或治其裏。期以十年。亦足以祛宗教之毒。而弭辱國之害。無如前一派之所謂聯絡保護者。官吏措置稍失。其平即可因細故而成大釁。初不必袒教抑民。而始然也。後一派之主義。議論極正。而回復主權。淪濬民智。其事非一時之所能行。或恐濡緩而莫切於急。用然則今日切近之道。適值此可乘之機。而求合乎本中之本者。莫如對付法國政教分立之問題。

世之痛恨西教者。斥爲西國密布之間諜。中國附骨之癰疽。其言痛矣。亦嘗探究其受禍之原因乎。當利瑪竇熊三拔南懷仁湯若望諸人之入中國也。朝野上下。無不尊之自咸。豐八

宗教

論消釋教案之機會

十五

丁未

年別訂保護之約。從此教案日多。受害日深。朝野上下無不惡之。同一教也在昔何以信仰。在今何以痛嫉。則彼中之用意不同也。昔之教士意在傳教。政府不出而干涉之。今之教士意亦在傳教。而政府利用之以行其殖民之策。故咸同以來一教案起。法人以護法爲名。出而干涉。往往因宗教問題牽涉外交問題。而兵敗乞和。割地償款之事相隨而起。茲非政教混合之故。有以推其波而助之瀾乎。今新定政教分立之律。彼已實行。而我政府宜乘此時機。特遣專使別與教皇訂立教約。俾宗教政治畫分爲二。此所謂本中之本也。

法國政教分立問題發生於議院拒絕教育之輿論。一千九百年原動於政府教皇之大闕。四年。○至去年十二月九日。頒行分立新律。此天與我以拔本塞源之機會也。彼中經此改革。內治方針爲之一變。而歐洲信教最篤之國。若意大利。若西班牙。亦均贊成新律。禁止教會兼任學務。而吾政府身受教禍。不爲不深。值此絕好之機會。漠然不察。靜焉不動。一若此政教分立之新律。渺不相涉也。者此豈以國力綿弱。決不能沾斯律之利益乎。夫彼中規定條文。既已屏教會於政界之外。我國墨守舊章。猶孱入宗教於政治之中。所謂天不予不取其咎。後雖悔之。嗟何及矣。竊謂及今之時。爲今之計。一面宜謝絕法人據法國新律第二十七條。從前民主政府承認之教會法律。一概作廢。則此後關於教會事件。吾國亦不必再

與法政府交涉援律以爭我固有詞之可執者也。一面直接教皇請其派專使於中國代理一切教務。教皇當此未有不贊成者。如是則中國教案不與法國交涉。純論是非不論強弱。民教之和自然發生。既爲教士防無形危險。亦爲中國省無數葛藤兩利之道。均於今之新律是賴。所謂有可乘之機會者此也。

或曰。俾士麥深嫉教會者也。其在本國則排斥之。而至中國則助長之。膠州之役是其前車。今法人亦尤而效之。則將如何。曰。此又論強弱。不論是非之言也。使法人護法名號。仍然坐擁我固無隙可圖。使歧政教而爲二。今則煌煌新律傳播全球。以吾人愛國之真忱。設一極大之希望。安必我國將來竟與新律永無關涉乎。若懼於強弱之勢。不設法以護國力。植主權。則回教徒將受德人間接之保護。佛教徒亦受日人直接之保護。教禍之烈不獨一基督教爲然也。嗚呼。吾亦何忍言其後患哉。

宗室熙鈞請收回教權上那中堂血書

竊思我國教案紛紜永無休歇。宗社危險。朝不保夕。推原其故。概因保教傳教之權操自外人。以致風潮日烈。我國危險極矣。竊思天主耶穌兩教在華。如今日盛。一日傳教之權不我與也。愚民無知不曉。教爲何物而猜嫌互生。民教因而涉訟。鼠牙雀角在所不免。而司牧之

州縣昧於公理不袒於民卽媚於教民教之隙愈重而地方官釀禍越深且有不肖之下等教民藉外人爲護符并屈從外之歡心外人曰信天主彼亦應之曰信天主而傳教之士皆喜此等語每任教內莠民所欺朦莠民肆無忌憚每見外人之袒護州縣之昏庸匪徒因而嫁禍劣紳藉以懲愚平民受欺無所控訴積憤成仇一發而不可收拾矣若果地方官吏於民教持平據理公論何至釀成禍端致有焚教堂殺教士之事耶而藩臬有司若審慎起事之由和平辦理何至啓外人之干涉耶而有地方之責者畏外人如虎狼每遇教案不問是非則殺戮立至以我土地人民爲媚外之資豈不思平民教民皆爲皇家赤子自殘自傷已可悲矣而外人看我不自保卽起擲掄之心竊保教之美名而實行其得地賠款之權今年教案一起賠款十萬明年教案一起賠款百萬若庚子之大賠款而後又出教案十數起矣年復一年伊於胡底不思自保何以融洽民教耶今也法國已經教政分離與教皇有絕交書東方保教法已聲明釋手德意兩國必將染指於其間竊謀伸張其勢力隱求教皇允認非一日矣而教皇知德人之利心潛滋從茲東方多事而無甯宇教皇之所以未允者乃虛左以待我清也而我竟寂然無聞誠爲可痛者也倘保教之權畀之德意我國之患必尤盛於昔時爲今之計請 旨 急 行 遣 使 羅 馬 教 請 教 皇 簡 派 華 人 爲 我 國 總 主 教 統 攝 列 邦

在華之傳教士自立教會自保教堂勿勞他國過問斯乃至上之策竊聞去春北京主教林懋德謁見教皇時該教皇諭云政是政教是教自後勿得混淆以聽清國自保而林主教以我國不能自保又以我政府視教民爲異類以對復謂教外倘有起事清政府不能保護將何以辦理爲辭教皇無以答既而曰按教所規載本國不能自保例應鄰國補救等語後林主教將行時又請兵來華護教而教皇仍未之諾非待我清之明證也耶歷考教史自保者昌人保者亡今也我國不收回保教之權他日必有噬臍之憂乃斷斷然矣宗室不忍疾視宗國顛危誓死以報伏求中堂大人哀憐邦家速行提議自立教會自保教權之策以存大清帝國於萬年而彌割地賠款覆邦滅種之禍社稷幸甚民生幸甚伏乞代 奏施行此稟

浙江湖州海島案議結合同

大清國湖府代表特請公正紳士劉錦藻 張增熙

大美國南監理會監督特派員藍華德 柏樂文

一藍華德柏樂文係奉南監理會惠監督特派來湖有議決海島事件之全權劉錦藻張增熙係經湖紳代表沈毓麟俞宗濂特請爲議決此事之公正紳士亦有全權 二議決飛英舖內由教會畫還府學公地西邊依前面天窗寺之東牆脚作一直線由圍牆起自南至北

共二百九十英尺。又自此線北頭起，自西至東，邊圍牆止，再依牆勢由北曲折至南，轉而西至原起處，止所有界內均交府學收管。三靠天甯寺東首牆脚，由湖紳情讓二十英尺闊之走路，直通至南首官路爲止，爲教會及湖人公共之用。此公路由湖紳出資鋪砌。四教會既將府學公地畫還，應將現設大門遷至畫還界線外，惟湖紳因教會出路不便，願於圍牆內界線之極西，情讓二十英尺闊之地一條，以便教會將現設大門移至直對第三條所載湖紳情讓之路。五除教會已契買四十七畝零之外，應由教會補繳地價，惟教會係爲地方設立慈善事業，現經湖紳公認作爲教會慈善事業之用，毋庸繳價。六圍牆以外學宮東西兩旁地，本係湖州府學公地，應統歸湖紳接管，其教會已稅西面之一畝零，由湖紳償以原契價收回。如此外尚有未經官蓋印之契，湖紳概不承認，並須收回。七畫還湖州府學之地上，教會建有醫院一所，現由教會自行拆卸遷移，當由湖紳送給遷卸及以前一切費用，共鷹洋五百元，業已交付清楚。該地即歸湖紳收管。八教會現在畫還府學公地上所有圍牆及牆外新遷曹孝子祠之建築費，由教會情讓交與湖紳收管，不另給費。九教會畫還府學公地南面牆外之路，應由湖紳圈入府學。十前由教會繳送歸安縣地價洋四百元，今議定交還藍華德柏樂文手收。十一前由浙江洋務局送交教會之規銀一

千兩今議定交還。十二此事現既憑藍華德柏樂文劉錦藻張增熙秉公議決所有從前一切糾葛一概解釋。一面由湖紳劉錦藻張增熙電致中國官府銷案。一面由藍華德柏樂文電致監督暨駐京美使銷案。十三此合同訂立後即由藍華德柏樂文劉錦藻張增熙親筆簽字彼此永遠遵守不得違背。十四此合同用漢文英文繕寫各兩份一存南監理會一存湖州府學。十五所訂合同應以漢文爲准。

大清國光緒三十三年三月十八日 大美國西歷一千九百零七年四月三十日

附海島案始末略記

美國南監理會教士韓明德於湖州海島地方圈去之地百畝以外而契買之地僅四十七畝零是其所佔過半而與史史冠三圍防柳佐清又爲之僥致所佔界線內有尊經閣曹孝子廟顏魯公祠及民地因此湖紳公舉沈毓麟俞宗濂等爲代表辦理此事而顏曹子孫亦有控案爭執至今已五年矣先是光緒三十一年間經美國上海署領事白保羅教會長潘慎文會同洋務局許道鼎霖及韓明德所延之律師佑尼干商訂還地之約雖所畫定歸還之界線並不全還而湖紳爲調和民教曲意承允惟約文有三條未妥意欲商改而韓明德遂藉以翻悔湖紳因此控請駐杭美領事雲飛得詎雲領事信韓一面之詞反以湖紳之直爲曲湖紳不得直遂控諸美使美使以無審判權擔任調停但誤會韓明德所佔之地在圍牆外將聖廟兩旁地歸還是以湖人不能承認而韓明德又在牆圈外聖廟西地興工築路輿論本不相洽加此一層愈動公憤時適耶穌教有百年大會之舉該會亞洲總監督惠君來滬湖紳劉錦藻等致一

公函訴以此事中有張弁羣者前會游歷美國且熟諳教會情形以來意告之該會參贊藍華德君蓋爲遠於監督暨督至此始不直韓即授藍以全權借柏樂文來湖蓋柏係該會公正人爲湖人所歡迎者劉紳錦藻素熱心此事因特來城會同藍華德柏樂文及張弁羣等前往履勘蓋柏至此始知韓實佔地遂與湖紳開談判於潛園彼此均請書記員據實直書即以談判之決議爲議約之條件磋商兩日夜約始成較之許道鼎霖所訂者還地既多而約文亦較前爲得體是日爲光緒三十三年三月十八日也

各省教務彙誌

河南○美瑤會教士李立生美教士施道格等在信陽州境雞公山購買地基轉售洋商教士建造房屋業經前撫陳彼帥咨請鄂督張協揆照會駐漢英美各領事飭令該教士等撤房退地在案詎該領事並未照辦各國洋人仍在該處增建屋宇且另有教士施道格購地三段尙未建屋豫撫張安帥以豫省並非通商口岸外人擅自置產築屋殊屬顯違約章且教士購地契內並未載明公產轉售洋商營造尤與條約不符特再咨請鄂督會派委員前往漢口與英美各國領事據約磋商務令撤房退地藉弭後患

江蘇○清浦縣境天主教堂私買河港患人在該港張斷捕蟹函請縣令提辦示禁該縣以傳教約章祇准在內地買地建堂並無准買河港明文且事關內地農田水利斷不能售與外人即據情稟由松府咸太守詳請省憲嚴禁並查明該港賣主勒令贖回以符約章而弭後患○英使向外務部要求通商口岸城內教堂置產得任便轉售外務部未允一面電查各處辦法傳有依據旋准蘇省復稱飭據所屬各口稟復惟金陵蘇州鎮江三處契內載明公產字樣餘如蕪湖上海九江等處辦理均未一律自應通飭嗣後務須申明舊章凡屬教堂買地不論城內外均應將公產字樣載明契內今

英使所請通商口岸均無如此辦法既違約章且滋流弊應請大部力持駁拒云云外務部已據情照覆英使矣○東臺縣境五鋪地方文生姚保成將住宅一所售與高郵李儒林由李轉售與鎮江天主堂該司鐸施某隨將白契一紙函請該縣沈大令納稅蓋印以為傳教之所大令以東臺素無教堂地方僻遠絕無信教之人而五鋪民竈雜居尤為龐雜隨民頗悍難以理喻若任其朦混建堂後患何堪設想即據情援章函復並稟請署鎮關道觀察主持婉拒云

江西○安仁縣屬十三張姓與東鄉縣屬十二張姓本為一族近因十三張姓已奉耶教例不祭祀祖先於是兩相爭論遂致涉訟旋由東鄉安仁李陳兩大令議定辦法兩條令十三張姓出錢三十錢每逢祭祀由十二張姓為之代辦以後永遠免其出費應得祭肉祠餅照舊分給兩造均各允願當即訂立合約具結完案○樂平縣近有英女教士柯嬌瑛在南門外賃屋傳教即經該縣督率警察員紳分駐保護○東鄉縣近有美女教士藍愛仁吳愛真至縣傳教當經該縣查明並無中國印照實屬違章應即照約禁阻報由洋務局照會駐漢美領事查明轉行飭遵一面妥為保護以免疎虞安徽○霍山教案自將張正金擒獲致斃教士始無所藉口該縣李大令因稟明省憲將焚燬千羅坂等處傳教分堂依樣賠修完固稟明洋務局轉致費總司鐸飭令教士驗收議結

浙江○海門教案首犯王文祥即小呂一名近由海門鎮曹統領在黃巖處當即押解至甯訊供詳辦

福建○日人在泉屬一帶設教會者日增月盛近又在城內石枋後設一淨土教會入會者約有四百餘人云

廣東○北海東興洋務局查得美國新約教會在北海設立福興教堂因稟請督院札行地方官保護前粵督周玉帥以美設教堂未准領事照會且美國既未在北海設有領事將來遇有交涉事件應否由廣州美總領事辦理即批候照會美總領事查復一面仍飭該管地方官妥為保護

廣西○美教士關寶華至龍州游歷初尚僑居後忽於南門內太平巷民屋懸挂福音堂匾額並求見龍州道莊觀察呈驗紅契自謂違約辦理索驗護照惟載有游歷居住之詞並無建堂傳教字樣該教士自知不合即電請領事照會督撫俾准設堂傳教云

雲南○天主教民魏雅豐因與妻某為仇縱令教民擄其牲畜什物嗣又逼令營弁趙樹芳將妻殺死並令趙弁回省銷

差聲明殺人之事不與弁兵護勇相干簽用洋文圖章為憑趙樹芳見勢不佳旋即逃避現由滇省官吏將趙拿獲訊得前情飭差拘提魏雅豐到案訊辦乃魏已聞風遠颺逃至香港滇督丁制軍以事關人命電咨外務部照請法使電飭香港法領事將魏交出俾與營弁趙樹芳對質

貴州○黔省西北苗疆一帶自英教士前往傳教後入耶教者已有三千餘人云

各國教務彙誌

日本○陽曆四月六日日本全國佛教徒在東京市大會到會者三千餘人其提議要件如下 一依佛教徒之手建私立大學期社會救濟事業之完成 二一千九百十二年日本設大博覽會時開萬國佛徒大會於東京 三建佛教徒大會堂設慈善事業 四作佛教之音樂唱歌

波斯○德教士一人在德黑律京城被害德國遂向波斯索賠五千鎊並將兇手正法否則將佔據報達附近之地云

義○在土耳其之聖法蘭西斯教民及君子但丁之土彌尼教民前歸駐土法使保護今改歸義使保護業已照會土廷認可○義國為推廣教務起見近在東京設立羅馬教堂一所以便傳道

法○法總統福利亞近特諭令海軍將所有隨同各艦隊私行傳教之教士一概遣散其有從事二十一年以外者給與養老薪俸否則均照傳教年數多寡酌給薪俸以示體恤○法使向中國外務部報稱此後法國政府當不保護在中國各天主教會如某教會由某國派來者即歸某國保護云

英○英國下議院議定不願設立國立教會以此為是者一百九十八人非者九十人

美○西曆四月十號有牧師三百名大會於鐵秩遮利教堂討論傳教問題據謂環球人種未請耶穌教道者尚有六百七十五兆人此次紐約富商三十三人出外考察傳教事務皆自任義務並非為教會代表云

小說

小筆記 黑幻像

美國加羅林克羅女史
著 平瀨甘作譯

夫傳記所載嘉言懿行足以感化善心者固多矣。然其間亦有慘刻非常驚世駭俗之罪狀及其既發則人心之確標然於狂波惡浪中使舟亦滅。嚴不致占滅頂之凶者亦良有以也。

一千八百二十二年時法蘭西有天主教士曰博格來者。掌教於我得流之聖君丁村。年二十有八。體修偉有膂力。惟面作淡黃色。日晡。睽隱含很意。又好為乾笑。然固岸然嚴厲之教師也。好瑕疵人。凡所管轄。有犯小過者。輒酷治之。以是聖君丁村中。跳舞歌。唱無害於人之事。亦與博進。縱飲同懸厲禁。無他欲得諸領教之器重而已。

由是以觀。則明格來不見愛於諸教徒也。可知。然當時天主教權頗伸長。其所任教士舍巴黎外。莫敢氣觸之。即或忿不能平。非腹非則耳語耳。

離教堂約步行一小時之遠。有退閒之軍士邱乃落者。卜居於此。妻蠻黎。美婦人也。伉儷綦篤。有數頃地。頗足自贍。晏然與世無爭。獨是蠻黎雖秀慧。而於宗教界崇信太過。入於迷惑。

覺所見教士。無一非神聖者。明爲蠻解罪之神甫。蠻實隸之。明涎其色。將有不利於婦之心。是年之五月八日。有少年數人。行聖餐禮於費勒。費勒者。其鄰邑之牧師管轄區也。蠻黎於一切有關於教會之儀節者。無遠勿屆。明熟知之。託辭詣蠻。云有一札。挽其轉致費勒教士。此來適遺此札。至夕懺悔時當與之。是日下午。蠻擬往教堂。謂家人。脫邱歸。卽告以所往處。言畢。遂出。悲哉。此去竟不復返矣。

聞之貴家婦聖密區夫人云。是日下午五句鐘時。適亦往禱於聖君丁教堂。目擊蠻黎入。方長臨懺悔座前。瞥視一黑像。無首無足。首戴一冠。形式詭異。徐步祭壇後。望之甚了。了怖甚。潛語蠻欲相借出。蠻一志虔敬。若無聞見。及聖密區夫人復視此怪象。則條已杳矣。驚悸不能復待。遂獨行而出。夫此幻象。雖不復覩。而其爲明格來所爲。則無疑也。旣而蠻與明同入室。取費勒之札。然莫有見者。明僅蓄女侍一人。供服役。年幼。性樸訥。且奉教虔。平時深畏其主人。

厥後明之罪狀。卽此女侍發之初不肯言。詰至再而後得其梗概。女侍云。傍晚五句鐘後。聞內室若有悲歎聲。然置之勿爲意。及司堂者入。問欲爲死者打彌撒鐘否。於是女侍往叩應接室之門。問之以主人在內也。勿應。乃登梯。達其寢。聞呻吟聲。如人將絕者。然叩之。又勿應。

且內扁心悸甚。奮擊之。聞厲聲斥之下。女拾級。猶未及地。回首見明交手於肩。立梯上。問何事。則告以司堂者言。卽斥曰。無庸辭甚。決復退入室。扁其戶。

斯時女侍好奇心。與恐怖心。勃發不能自抑。又伏身躡足。上至門側。潛聽之。則呻吟聲。猶未絕。且愈厲。又若牀榻。憂憂撼動。呻吟頓息。寂不復聞。女侍體大顛。急趨而下。俄明亦下有慌遽色。女侍告以受驚殊甚。明怒呵之。命箝口。並授以新聞紙一裹。往送赫道德。然女侍疑益甚。僅於堂外繞行一次。仍潛身返。則已無所聞。惟見樓上燈光閃爍。屋不甚高峻。擬攀緣至窗外窺之。甫欲上。瑟瑟有聲。燈驟滅。聞明下梯。啟屋門。突出連呼曰。誰誰。女侍強而囁嚅。應曰。某是也。

明怒詰曰。汝何事在彼。曰。吾將往。閉雞欄門也。明曰。是譏言。汝必別有所事。

女返至庖所。備夕食。陳設既畢。明坐而不食。數分鐘後。忽躍起。命女侍持報紙去。女乃去。及返。明與之閒語數分鐘。窺其神志。殊形踟躕。無何登樓。戶復闔。女侍雖惴惴。又急欲知其所作。乃起立。旋心躍復坐。手一聖書。欲強自持。終志志不能已。歛聞屋外有搥門聲甚厲。往啟。猶未及。明已疾趨而下。推女侍於旁。自往拔關。非他人。卽邱乃落來。覓婦也。明答語。早籌之。爛熟。謂下午見蠻至。以其服飾過美。於教規不合。囑歸易之。去後。遂不復返。其言雖辨。給而

形神眷亂。日期如不出口。然邱猶未之覺。信爲實。別去。明遣去女侍。謂夕食之器。將自撤之。蓋女傭素不寢堂中也。明遂於此寂寂深宵。演其可驚可慘之奇劇矣。

距教堂不遠。有斜坡焉。上則峭壁矗立。壁下卽以賽河之經流也。明欲移尸於其所。投諸河。於是繫死者手足。自窗外縋而下。乃熄燈。已則由梯下。且行且曳。尸竟達山巔。既至則躊躇甚。蓋卽有大力者。亦萬不能舉尸上峭壁。擲之河中。此移尸時所未計及也。

時夜方促。所作又費時。心益惶急。忽念裂尸則舉之當較易。遂出所懷小刃。思斃割之。無濟。撕以手。踢以足。皆無濟。

然則明將奈何。讀是書者。試執筆思之。夜色蒼茫。深山閭寂。四周惟叢樹錯雜。闇黑。疑有人影所履。則棘茨盈途。又狂風驟起。暴雨如注。前有峻岨之高崖。不能上。傍有糜爛之尸體。不能棄。其恐怖爲何如其追悔爲何如且不知讀者此時之感情爲何如而作者則回憶一千八百二十一年五月是夕。正擁衾臥斗室中。朝暾既上。蘊然始覺。幸不目擊此恐慌慘惡之現象也。

明徘徊此山上。旣不能昇尸繞大道以擲於河。又不能返取堅利之器。良久。乃決計奔回。入庖取利斧。往遂斃割之。悉投諸河。解蠻項下。帕冒臨河。棘上飾爲自盡狀。欲以愚人。

時已黎明。而所作猶未畢。脫不返。則女使將入室。必爲所窺。蓋死者之服尙在。而身與斧皆受血污。亟裂其衣。舉火焚之。燄上投以泥沙。壓其燄。與灰燼相雜。俾見者不知爲何物。又磨斧於土。精力已盡。乃攜斧返。然形跡究不能掩也。

既行復止。此時神色之倉皇。雖善繪者不能狀。豈其耳有所聞耶。抑目有所見耶。不然。何以方挈斧而行。又擲其斧而納手於懷中也。嘻。蓋猛憶失其小刃。復返步山巔。窮搜卒不獲。不得已。怏怏歸。

抵教堂。幸女侍不見。蓋方行跪禱禮也。俄遇之。明怒曰。汝何所往。汝何所見。汝何所思。又悚以危辭。令閉口不得語。女侍不知何說。竊謂主人狂也。

復念昨夕事。疑懼滋甚。及汜掃見遺有花圈。又草上有血跡。訝甚。念不如白於主人。請退。或可免慘禍。計決以主人不在寢。則必在應接室。門甫啓。而明早猶目挺立。兇悍可怖。遂不敢啟齒。方欲退。明厲聲命登樓。女聞之。合掌如祈禱。然穀觥言曰。予不敢復居此矣。

明聞言。瞋目疾視。欲言不言。女侍如落葉然。搖搖無定。明急閉廚下門。使不得退。曳其臂至教堂中。時猶早。故人莫之見。蹴之使踣祭臺前。曰。吾必殺汝。汝怯死。則立誓緘口。二者汝自擇之。女遂立誓始釋之。蓋明深知此女信奉甚深。既立誓。則必不遂洩漏也。

女立誓。後果矢口不言。且百計爲之彌縫。俾不至於敗露。雖驚怖之心。有時不免露於形色。亦常懷懷然。冀自掩焉。

時邱以失妻故。悲慙幾死。人聞其事。皆駭異。欲察踪跡。夫蠻黎既入堂不見。自不能無疑於明。然村民皆視如神聖。謂以此爲疑。當擾重戾。獨有數少年。心異之。約共往窺伺。既至。則見明於場地。手一利斧。細視續候之。無他異。咸各疲惫。遂不復往。

當明格來投尸之日。有米區者。嘗置產村外。是日往過之。天甫曙。獨行山上。見血殷於地。詫念曰。得母有巨禽爲鷹所搏殺耶。然地上明明有人跡。又進數武。則有一血繩。再進。則一黑柄小刃。染血陷泥內。俛拾之心。甚驚悸。卽拋於棘茨中。舍之去。既思他日罪案發覺。此刃亦一左證。遂又返覓得之。埋於地。此明所以反取而不獲也。

約一小時後。一屠者率其子至聖君丁村。偶過山下。子駭謂其父曰。父乎。彼山上人何所作。屠視之。亦駭詫曰。此牧師明格來也。乃隱身潛窺之。見其舉首四顧。狀甚惶急。忽注目於此。忽注目於彼。俛視地。又伏行入林。旋復出。以手支腰。瞻目望遠。既而嚙焉。若喪狀。若癡癩者。如瀑布然。急流下山去。

屠大異之。及明既去。遂率子至山巔。見有殺人跡。究莫測。殺人者果否爲明。或明知其事。潛

來察視。亦未可必。惟思明爲若曹牧師。有管轄權。若無罪。則所以處此者。識見必遠勝於彼。脫果殺人。吾區區一屠夫。欲與爲難。是以卵投石也。遂率子去。絕口不談此事。

然當時國人之疑。則愈甚。而邱又靡計不施。赴鄰邑播傳其事。於是聞者相率至聖君丁村。山上下無容足地。崎嶇荒徑。爲魁颯所竄迹者。至此幾如壓市矣。

是時得蠻黎之帕於荆棘中。又躡其血跡於河。遂羣相揣度。謂或爲自盡。或爲人戕。皆未可定。明亦不得已。隨衆至其處。頻摩兩手。瞠目視天。無形之發露。轉不自覺。爲數千百人所屬目。有不能不啟人疑竇者。於是米區卽瘞刃於地。者掬土出刃。以授邑宰。邱則謂此刃非其妻物。必爲明物。無疑。於是時猶爲敬畏。心所束縛。不敢顯斥。於是宰託辭往謁。如平素然。言次及蠻黎事。明亂以他言。宰不顧。復及之。明詭言日來偶感腦病。血行失序。故神志殊昏。憤蓋此時。明面目固甚黧黑也。既又語及凶刃。明故目注案上。漫謂其友欲向貸一幾。何學本宰諾之。遂興辭而疑慮滋甚。蓋素知明書室中自有此書也。

明有父姊。自他所遊歷歸。甫抵聖君丁村。卽聞衆議紛紜。述及蠻黎被殺事。駭甚。會聞邑宰往訪明。遂亦往謁邑宰。妻共談此事。請得小刃觀之。出刃。婦色頓變。木然不語。惟目注之。繼又合其掌。脣吻顫動。喃喃言曰。是駭人聽聞之罪。狀果以此物爲之乎。言畢。不能復作他語。

卽辭而出。

小說 星幻錄

二十六

七月

宰甫返而明踵至。謂欲取所貸書。實則欲取其所失之刃耳。言詞混亂。不相連續。目灼灼。遍顧室中。意欲窺得之。明之此來。不啻自實其罪狀。而宰猶不欲拘捕之。迨蠻被戕之處。有數童子。漁於河濱。得其肢體。上官聞之。立遣憲兵。捕明時。蠻黎死後之第八日也。

憲兵甫至。突有教士手一書。自外入。命卽啟視。遂出不復見。書曰：

謠詠紛紜。僉謂蠻黎之死。汝實殺之。若果有罪。其速遠去。彼授書者。卽都倫之副牧師也。明從其言。憲兵卽釋之。竟逸入批得孟。其姊亦不可見。乃取其女侍至。窮詰之。堅守前誓。不發一語。多方誘導。固執如初。後另有一解罪之神甫。百計譬解之。始道本末。

明格來之罪狀。至是乃定。然法律所不能及。既而邱及蠻弟。詣北京控於王。務欲甘心於明。終不可得。然報復之念。久而愈堅。及一千八百二十八年。明始逮捕。幽諸翻奈司屈城。或謂後徒教堂悔過所。吾不知其果能悔過否也。

至今日。聖君丁與其鄰邑之民。猶不忘此慘劇。夕陽將下時。無敢獨踰此山。漸至荆棘塞途。人跡罕至云。

雜俎

光緒三十三年六月中國事紀

▲為記者知此事之見於是日也
▲為記者以見報之在是日也

六月初一日。▲故皖撫恩銘照總督陣亡例從優議卹。同時被害之陸永頤顧松。均交部從優議卹。▲以吳引孫調補福建布政使。連甲補授安徽布政使。▲准福州將軍崇善開缺。△東督徐世昌。許日人販鹽至南滿洲。惟歲額不得過七萬石。初二日。▲禮部奏設禮樂館。修訂學禮軍禮賓禮及民間喪祭冠婚器物車服各禮節。奉旨准行。▲以特圖慎補授福州將軍。▲內閣會議道府以下官制。△日本允所開南滿洲煤礦納值百抽五之稅。▲廣東粵漢鐵路公司公舉羅光庭為總理。黃景棠為協理。△浙江金華縣有匪亂。△江督端方奏請由甯蘇皖贛四省合辦贛州府長非嶺銅礦。准之。初三日。▲諭令引見人員。暫歸內閣驗放。因皖變防患

雜俎 光緒三十三年六月中國事紀

外也。△御史趙炳麟。劾直督袁世凱權重勢高。引年羹堯為比。請飭各省督撫將雍正諭旨懸掛。諭令政治館通咨內外各衙門。△賜故大學士崇禮諡文恪。賜故大學士崑岡諡文達。△俄允由北滿洲鐵路輸出各品物一律徵稅。初四日。△以李家駒為駐日使臣。兼留學生監督。▲浙江大通學堂被官兵圍抄。槍斃學生二人。獲十餘人。並拘明道學堂女教習秋瑾正法。以皖事株連也。△行刺皖撫徐錫麟之弟徐偉。在九江被獲解皖。初五日。△御史貴秀奏劾東三省官制。初六日。△外務部電飭駐美使臣梁誠。速與美廷商議華工禁約。△直隸設禁煙局。初七日。▲以秦炳直署理廣東水陸提督。李進署理廣東北海鎮總兵。▲開復已革御史趙啟霖革職處分。▲武昌煙館一律停閉。初八日。△准粵省奏派魏瀚總辦九廣鐵路。▲廣東粵漢鐵路黃沙至江村一段。工竣開車。▲浙江南匯鎮水師防營。夜為梟匪所襲。防勇斃二人。傷十餘人。軍械子藥被劫。初九日。△江督端方。蘇撫陳夔龍。奏請於滬

城增闢四門。命名新東新西小西小北。准之。初十日。△左都御史陸寶忠。奏請嚴禁黨援。廣開言路。諭將原摺交各衙門閱看。△賜故皖撫恩銘諡忠愍。十一日。△前在小茅涵^{江蘇華亭縣屬}焚船斃勇之鹽梟吳老大。就獲正法。十二日。△以馮國璋補授軍諮府正使。哈漢章補授軍諮府副使。譚學衡補授海軍處副使。十三日。△以吳元愷調補江南狼山鎮總兵。邱開浩調補浙江定海鎮總兵。十四日。△授鄂督張之洞為大學士。鹿傳霖以尙書協辦大學士。△鄂省募四萬人赴伊犁實邊。巨富陳汝翼願以全家移往。鄂督張之洞奏保知府以獎之。十五日。△駐藏幫辦大臣張蔭棠。電請政府毋許藏英直接交涉。十六日。△荷蘭海牙平和會議定各國商標。禁用紅十字會標識。另設專律以懲犯者。外務部咨行法部農工商部查核。十七日。△以朱益藩充大學堂總監督。十八日。△以孫家鼐補授武英殿大學士。世續補授文淵閣大學士。那桐補授東閣大學士。張之洞補授禮仁閣大學士。△以余堃

署理陝西提學使。羅正鈞署理山東提學使。△美國減收庚子賠款本息銀三十三兆五千餘萬兩。十九日。△俄人交還哈爾濱至拉哈蘇一帶電線。△上海商業開特別大會。討論參預商約事。二十日。△以張嘉鈺補授雲南昭通鎮總兵。二十一日。△頤內帑銀四十萬兩。為內閣法部學部禮部大理院等各署經費。△鄂督張之洞奏設存古學堂。△廣東廉州教案。以賠款了結。△滇人設立雲南死絕會。憤外侮之交侵。而政府不恤也。△正太鐵路自太原至東趙一段。工竣開車。二十四日。△諭各省將軍督撫。迅飭所屬極力振興各業。凡確有成效者。從優獎勵。大小官吏。亦以此課其殿最。△考試舉貢吳承仕等。以主事。中書小京官知縣分別錄用。△直隸永定河決。二十五日。△直督袁世凱。以日法協約成。事機危迫。奏請實行立憲。二十六日。△改大學堂總監督為實官。准學部之請也。三十日。△政府議借英德債款五百萬鎊。以為建築津鎮鐵路之用。由直東蘇三省籌還。

三井洋行

總行在日本國東京

分行

本國 札幌 函館 橫濱 名古屋

屋 大阪 神戶 門司 若松

唐津 長崎 口之津 三池

臺北

清國 廣東 廈門 上海 漢口

芝罘 天津 牛莊 大連灣

韓國 京城 仁川

印度 孟買

香港

爪哇

馬尼拉

新嘉坡

大英 倫敦

德國 漢堡

美國 紐約 舊金山

新金山 西士尼

啓者本行開設上海有年歷蒙各省紳商垂顧貨真價實莫不交相稱譽現將專辦東西各國各種貨物略舉名目開列於後

軍裝 煤炭 五金 棉花 棉紗 棉布 絲

布 火柴 人參 木料 米 雜糧 各樣機

器 洋灰 紙煙 各種雜貨

再代辦各國有名水火保險公司事務以及東西各國

有名商工公司事務發售貨目開列於後

兵船 輪船 軍火 紡織 染色 防火 濾水

火車 製紙 印書 電氣 麵粉 皮帶 製

造銀元銅元各種機器

各省紳商賜顧本行格外克己以廣招徠請駕臨上海

四川路第十七號門牌面議可也

日本商 上海三井洋行謹啓

司各脫商標廣告



啓者司各脫乳白鱈魚肝油創自英京旋即馳名各國久蒙官紳士商讚賞曾照英國商律在上海總領事署註冊並按中英商約在中國海關立

案經用人魚商標爲記不論何國商人均不得仿效以僞亂真或販賣不論何種貨物及一切藥料亦不准用人魚商標或模仿本商標而稍改形式以爲假冒影射之計亦所必究茲特佈告倘有人故蹈以上諸弊一經訪聞定必稟官究罰

再者司各脫乳白鱈魚肝油係創自英京並非美貨富商巨賈購貨時辨明本鱈魚肝油商標上有英字倫敦數字樣自不致誤會也